

**TANGRAM SUNDAY SCHOOL UNION
(TSSU)**



**SENIOR IRCHULAI
BU HNINA**

Ziaktu:
Rev. Sumchonlal Hrangkhoh, B.D., M. Th.

**PUBLISHED BY: LITERATURE & PUBLICATION BOARD,
TANGRAM PRESBYTERY**

Published

by

The Literature & Publication Board,

Tangram Presbytery,

Haflong - 788819

N.C.Hills, Assam.

for

The Tangram Sunday School Union (TSSU)

Son hnina (*Edition*) - 2015

Copies -500

(All rights reserved)

Printed

at

PRESBYTERY THUMA

Tangram Sunday School Union (TSSU) irchulai bu hi kum 2007 ata mani chong (Hrangkhol)-ah siam le hmang theiin a oma, Sunday School-ah Pathian Thu irchûna lama mipuihai ta hrangin masônna sa tak a hong ni. Hi irchulai buhai hih Tangram Presbytery isiam a ni.

Kristian Irchutirna (*Christian Education*)-ah hin Naipang pôl le Puihling pôl (*Children Department le Adult Department*) ei neia, Puihling Department-ah chu kumtin mani chonga Hrilfiana (*Commentary*) buhai siam ngai a ni. Naipang Department-ah irchulai bu chu kum 2007-ah khan mani chongin irchulai bu 1-na inson (*edition*) a nia; kha Irchulai bu 1-na kha kum sari (*7 years*) vêl chu hmang a ni ta.

Tangram Presbytery'n Irchulai bu hnina (*bu 2na*) siam nôk hrangin kum 2013 le kum 2014-ah khan a rela, ei Tangram Presbytery sũa Pastor-hai hi ziaktu hrangin mophurna a inkothai a ni. Presbytery'n mophurna a ipêk tak angin, hi Senior bu hnina (*bu 2na*) chu Rev. Sumchonlal Hrangkhol hin bial enkol pum le Presbytery Executive Secretary sin chel pumin hi lekha bu sa tak a hong siam suak thei tak sikin Presbytery'n ziaktu chung a lom tak a tak a ni.

Lekhabu zia hi olsam taka siam thei ni ngai maka, takirtaina le tumna tak tak neia, zoro hmang intama, kuluk taka siam siam ngai a nia; thei dôra eninfel a ni hnung khomin computer machine-ah type a ni sikin, a dâk le spelling châina khom a om duai thei; khasikin, a hmangtuhaiin lei irngai thei hrangin ngên nin nih.

Hi Senior bu ziaktu Rev. Sumchonlal Hrangkhol chung a hin Presbytery hin a lom taka taka, a sinthona hai Pathianin chang-puiin, sat vur mai ri se. Hi lekhabu hi Pathianin satvur sianlan, a hmantuhai khom Pathian Irtha Irthiangin hruaihai mai ri seh.

Sd/-

Sd/-

(iv)

A SÛNGA THUHAI

	Phêk
Thumahruai	... iv
Ziaktu Thuma	... v
Senior Nâipang Mizia (<i>Psychology</i>)	... vi
Sunday School Thiltumhai	... viii

SEN KHATNA

PATHIAN INLANGNA HMANGRUA

1. Pathian mizia (<i>Narure of God</i>)	... 1
2. Pathian inlangna - Thilsiam hmangin	...
43. Pathian inlangna - Deipuhai hmangin	...
... 6 4. Pathian inlangna - A Naipa Jisua Krista hmangin	... 8
5. Pathian inlangna - Bible hmangin	... 10
6. Pathian inlangna - Koiindanghai hmangin	... 13

SEN HNINA

PATHIAN LE IAMTUHAI IRZOMNA

7. Pathian Thuôitu - Nova	... 16
8. Pathian iamtu - Abrahamama	...
19	
9. Pathian ikoi - Jeremia	... 22
10. Iamtu huaisen- Stefana	...
25	

SEN THUMNA

IAMTU NUN SA TAK

11. Iamtu nun: - Om dân irthiang	... 28
12. Iamtu nun: - Iamomna	... 31
13. Iamtu nun: -Tuangdiarna	...

SENIOR IRCHULAI BU HNINA

**SEN MINLINA
SAKRAMEN**

15. Sakramen omzia	...	41
16. Baptisma Sakramant-I	...	45
17. Baptisma Sakraman -II	...	45
18. Rengpa Zânbu Sakramen	...	
51 19. Rengpa Zânbu Sakramen poimona le		
a fâktuhai mophurna.	...	55

**SEN RINGANA
THURCHI SA THUPUI TAKHAI**

20. Saninhringna	...	58
21. Lungthungna (<i>Love</i>)	...	62
22. Iamna le sinthona (<i>Faith & Work</i>)	...	
65 23. Thiamchangtirna	...	
68		

**SEN RUKNA
PAULA LE THURCHI SA**

24. Paula thurchi le a suakintharna	...	71
25. Paula Krista Tirko sintho hranga irsiamna	...	76
26. Paula inzin voi - 1-na	...	79
27. Paula inzin voi - 2-na	...	83
28. Paula inzin voi - 3-na	...	86
29. Paula : - Hruaitu entonrua	...	
90 30. Paula tuangna hnung khôn le thina	...	
93		

**SEN SARINA
TIANLAI KOIINDANG HRUAITU HUAISEN-
HAI**

31. Augustina	...	
96		
32. Clement	...	99

**SEN RIATNA
PATHIAN NUAM LOI THOTUHAI**

33. Akana	...	
102		
...	105	34. Hamana
...	108	35. Anania le Safiri

**SEN KUAKNA
EI RAMA MISSIONARY-HAI**

36. William Carey	...	110
37. Idoniram Judson	...	115
38. Indian Missionary : Sundar Singh	...	
118		

ZIAKTU THUMA

SANDE SIKUL THILTUMHAI

1. *Pathian Thu (Bible) irchutir.*
2. *Kristian thurin irchutir.*
3. *Kristian tho hrang le omdân hrang irchutir.*
4. *Pathian biak irchutir.*
5. *Koiindanga mi satak ni hranga siam.*
6. *Pathian inhriatna dik tak nei hranga kaihruai le changpui.*

Tangram Sunday School irchulai bu 2-na siam hrangin, Tangram Presbytery'n mophurna a ni pêka, ziak hrangin ki pom nâkin, sintum ki nei intam sikin, a san ki ngik a ni. Pathian changpuina zar le Koiindanghai ni chongchaipuina zarin kum 2015-ah chu ki hong siam zoi tak sikin, ni hruaitu ei Pathian le Koiindang chung a lomthu ki hong intung a ni.

Pathian Rama sintum tam tak nei pumin, le hun irchêp tak kara, hi Senior bu hnina (*bu 2-na*) hi kum 2016 rengata hmang thei ta hranga, atak rama insua thei a hong om tak sikin, ni changpui-maitu ei Pathian chu inpak in om ri se.

Hi Senoir bu hih Hrangkhôl chonga siam a nia, Pathian Thu bul chongbai omziahai hi ei inhriat infel ual theina hrangin Hebrai, Grik le English chongbai khom *bracket* () sînga bel sa a ni. Hebrai, Grik le English chongmal hai chu *italic style*-in ziak inlang a ni. Entirnan:- Thu (*logos*), irngeina (*shalom*), vârna (*sophia*).

Lekha bu irziak hi thil olsam ni maka, lekha bu tam tak rôn (*consult*) a nanga, zoro hmang intam a nang ngaia, a'r ziaaktu hrang khomin an tak a ni. Hi lekha bua hin, ziak irhmâi le ziak ichâina (*mistake*) le spelling insualna khom a om theia; khasikin, a teptuhai le a hmangtuhaiin lei irngaitiam hrangin ziaaktu ata ngaidamna ngên a ni.

Hi lekha ki' rziak sîng hin ki sintho chanpuihai le ki insîng mihaiin ki sintum an nin hraitpuia, hun ôl an nin ken ngai sikin, ki hong isiam zoi a ni. Khan, Computer Typing le settinga ni santu Rt. Bulthoikhup chung a khom lôm thu ki insir a ni. Koiindang, bial le Presbytery le sintum danga ki sin lai le Senior bu ki' rziak sînga Pathian satvurna le changpuina zara, le Koiindanghai ni chongchaipuina zarin a tak rama siam sua theia a hong om tak sikin ki lôm tak tak a ni.

Hi Senior bu hi Pathianin satvur sian lan, a teptuhai khom Pathianin vârna pêkin sat vurhai mai ri se.

SENIOR NÂIPANG MIZIA (PSYCHOLOGY)

Senior pôla hin kum 15-17 vêla mihai hrang an nia. Intermediate ata pôl son dân a dikin chu satakin an om theia; khannisian, a bul ata an irson dân a dik no'n chu Senior pôl ata hi Sunday School kê dukdak loi le Koiindang uksak loiin an om duai thei ngai a ni. Khasikin, kum 17 an phâk mân renga nakhrâtin puihling tiang siahai hrang ni maka, anni'n an zir tôk le son an ni no sika irhnik loi ual hrang an ni rêkin chu thu dang ni sianlân. Khan, kum 15 hnuai tiang ei sia khoma hin an la phâk loi thil irchutir an innang sikin irhnik sa thei ngai mahai. A sâna poimo tak chu irchutirtu irhnik le irhnik loi hi a ni. Irhnik taka a`rchutira, irthor taka a kaihruaiin chu Senior pôl nâipanghai hin a sâna hoi an tia; irthor loi tak le pei loi puma tho hen anga inlang rêkin chu nâipangin a hoi ti thei ngai mahai.

Senior pôl hih taksa tiang le lungrîl tianga puihling tiang pan mai le thil ngaitua pei mi an ni. Irngai loi ang taka om an tum ngaia; aniachu, inrûkin an beng an do mai ngai a ni. Inhriat tam an nuama, ngaitua zui hrang an innang sa ngai a ni. Mihai inhriat le inlâr ni nuamna sikin mophurna le dongtum an nuam tak taka, khasika khan an phâk tôk anga pêk intam a sa a ni. Mi dang inhne thei mi ni hih an nuamlam tak a ni sikin, an thei lam anga irchu mi an nuam sikin irchutirtuhaiin an thu irngaituapui pei tum hrang a nia, an thil inkunghai thei ang anga zômputi zâm zâm hrang a sa a ni.

An taksa irsinsiam a sâna an kuluk tak taka, a bîkin nupang hi an kuluk ual a ni. An taksa an irngai kutuina sikin an lungrîl a pêt inrang tak taka, hiang ngîrhmana an om lai hin taksa irvong irthiangna lama a sâna irchutir uar hrang a ni. Mi itho dân a sâna an irsinsia nuam tak tak ngaia, enton hrang a sâna an nuam ngai a ni. Hiang zoro laia an thil lei tho khah an inzong pat nuam ngai a ni. Khasikin, an innun dân hranga a nanghai inhriatpuihai hen

SENIOR IRCHULAI BU HNINA

an zong zar zar ngai. Hi ang zoro a hin zui hrang le hruaitu sa rêk chu an in nang lai tak a ni; zui inruk nia an ibe chu an zui mur mur ngai a ni. An nun dânzia septu tam tak a oma, an irchutirtu le nu le pa hi an nuna changpuitu satak a ni. Hi baka rual an innang tak tak a ni. Rual bîk an lungrîl murdi phorsuak ngamna asan an nuam ngai a ni. Jisua Krista hi rual sa tak a ni ti inhriat nôntir mai hrang a nang a ni. Sil le kai tukfam khom asan an uara; an indit le an inuam chu sôt thei ual mah. Nupang khom pasal khom, irningloia dongma pasal khom an nei thut nuam lai tak a ni.

An inhriatna le theithiamnahai hih midang kuang inlangtir asan an nuam ngai a ni. Mi naran nêka inchung ual taka mi bîk ni hi an nuam ual ngai a ni. Hi ang ngir hmuna om mi an ni sikin an talent donghai inlang suaktira; inthor thiam a nang a ni. Hianga an talent donghai hmang thiam hrang khomin asan inthor thiam a inang a ni. Senior pôla omhai hi naipang khom ni ta mahaia, uliana la va tephai tak khom an ni no sikin, asan hruai thiamhai a nang a ni. Nu le pa khom mi lungril irzat le mi ngîrhmun inhriat thiam mi, ei nâi le te an nia; chu rual anga enhai thei a nang a ni. Innui asan an nuama; tu mi khom an manêp, irsêl irkhal khom asan an nuam, inzak inphak khom inhre mahai, mi hmusit hi an uar a ni. Sil le kai a sâna an uara, an kukuk tak tak a ni.

Senior pôl irchutirtu chu a pôlhai nun ata irchuthiaia a`rsinsiam a nang a ni. A irchutirna chung a khan iamna arnhgat no'n chu a`rchutirna kha ite be ngai mahai. Khasikin irchutirtu hi khotanga khom mi irngaisâng le entonrua

IRCHULAI - 2

PATHIAN INLANGNA :- THILSIAM HMANGIN

A thutum :- *Pathian thilsiamhai hi Siamtu Pathianzia a nin hriattir*

Tep hrang :- *Sam 19:1-6; Rom. 1:18-20).*

Hi taka thutum ei irchu hrang hi *natural revelation* mani, *general revelation* mani tiin mi theithiamhaiin an hril ngai a ni. Hi thu omzia chu rammual omzia Pathian inlangna inpuangna hi a nih. "Pathian inlangna, inpuangna" ei ihrila hin thil inhni inhriat thei a om tak chu:- "Pathian chu mihriamhai le mihringhai zongsuak thei ni maka; ti le Pathian chu mihriam le mihringhai kuanga a zuang inlang le inpuang ual a ni. Sakhua dang biakhaiin Pathian an zong ngai a nia; Kristianhai rêkin chu ei kuanga hin Pathian a zuang inlanga ,a ni zuang inhriattir a ni. Avuan hin Pathianin thil a siam thu le a thilsiamhai ata Pathian a inlangna ti thu ei irchu hrang a ni.

1. Pathian chu thil tinrêng siamtu (Creator) a ni :- Genesis bung 1-na khan Pathian thilsiam roiinpui tak tak ei hmu. Pathian sinthohai laia a poimo takhai chu irvân le irnêng ,le a sûnga thilhai siam hi a nih. Pathian chu rammual le a sûnga thil om murdihai siamtu a ni ti Bible-in a ni inhriattir infel a ni. Hi thilsiam thu hi thuiam (*Doctrine*) poimo tak khom a ni (Heb. 11:3). Pathianin thil a siam loi ite om mah . Ama isiam zit a ni.

Pathianin rammual hi thil ite om loi ata a isiam zit a ni ti Heb. 11:3-ah hmu thei a nih. Deipu Isaia'n, '*Pathian Rengpa van siamtu*' (Isa. 42:5) tiin a hril. Bible bung tam tak a khom khan Pathian chu rammual siamtu (*Creator*) a nizia ei hmu (Gen. 1; Isai. 40; 42:5; Job. 38; Sam. 33:6; Rom. 11:36; Thup. 4:11). Hi thil siamhai inlanga hin mihaiin siamtu Pathian a om ti an inhriat thei ngai a ni. Thilsiamhai hin Pathin lungthungna -hai, sinthotheinahai le varna inlangtirhai an nih. Koiindang siamsattu John Calvin-ah hin Pathian roiinpuina inlangna hmun a ni , a ti. Hi thilsiamhai hmanga mihriamhai kuanga Pathian inlangna, inpuangna chu a ni.

SEN KHATNA

PATHIAN INLANGNA HMANGRUA

'Pathian inlangna' ti hi 'Pathian inhriattirna' le 'Pathian irphuangna' (*God's Revelation*) ti khomin hril thei a ni. Pathian chu a mihai kuanga le a thilsiamhai laia inlangna hmangrua hi thupui ringa ei irchu hrang a ni. 1) A Thilsiamhai hmangin, 2) Deipuhai hmangin, 3) Pathian Naipa Jisua Krista hmangin,

4) Bible hmangin le 5) Koiindang hmang hmangin a inlang ngai a ni. Hi senkhatna hin Pathian mizia (*nature of God*) le "Pathian inlangna hmangrua" ti thupui ei tarlang tum taka chu Pathian hin mihriamhai le mihringhai kuanga hin mania inlangna, mani inhriattirna le mani irphuang ngai a ni ti a tarlang tum a ni.

Hi thupui - 'Pathian inlangna,' 'Pathian irphuangna,' le inhriattirna', hi Kristian Thuiam (*Christian Doctrine*) bulpui poimo tak a ni. Pathian chu ei kuang a zuang inlang ngai sikin, Ama chu ei inhriat thei ngai a ni. Lungril irhong taka Pathian irphuangna le inlangna dongtuhai vaiin Pathian an inhriat theia, an iam indet ngai a ni. Pathian inlangna,' Pathian irphuangna,' hi thupui kiruk hmangin ei irchu hrang a ni.

IRCHULAI - 1

PATHIAN MIZIA (*Nature of God*)

A thutum :- *Pathian chu Tinreng Siamtu le Irtha a ni*

Tep hrang :- *Sam 53:1, 90:1; Jos. 3:10; Isa. 40:12-26; Jer. 10:10-16; Joh. 4:24).*

THUMAHRUAI

Pathian mizia le varna hai hi eini mihriam varna hin hril suak zoi mak meh. Pathiam mizia chu Ama irhming rengata idor mani chu hriat thei a ni. Pathian hi a nina le a sinthoa zirin irhming bik chi dang dang nei a ni. Entirnan:- Tinrengthothei Pathian (*Elshaddai*), Rengpa Pathian (*Elohim*), Pathian Inchung tak (*El Elyon*), Taituana Pathian

1. Hla taka om le nâi taka om Pathian a ni (*Transcendence & Immanence*) - (Joh. 6:46; Heb. 4:13; 2 Chron. 6:18): - Pathian chu a varna le a hratna thua hin mihriam mit hmu phâk thei chi ni mah. Pathian hmêl hmu theia biak thei ni ngai mah. Ama chu rammual le van dena roirêltu a ni. Nâi tak Pathian a nina chu mihriam laia le a thilsiamhai laia omin roi a rêl ngai a ni. Kho hmuna om khom inla Ama chu biak thei a ni. Mihriam le a thillsiamhai hmu maitu, hriattu le mihriamhai laia ommaitu *Immanuela* a ni.

Pathian chu hringna neitu, hringna bul / hringna pêtû a ni. Mihriam angin nuamna hai, tumna hai, irlôkna hai, chongth-eina neiin, “ki lungri,” ‘ki om dân,’ ti thei a ni. (Mat. 11:25; Isai. 55:9).

3. Mihriamna (*Personality*) le zalenna a nei: - Mihriam angin a om, lungri ngaituana, tumna a neia, sin a tho mai ngai a ni. Khasikin, Irtha angin zalenna le nuam anga hril theina a nei. Mihriamhai hriat thei lamin, Pathian chu mihriama zuang changin (taksa changin - Joh, 1:14) Jisua Kristaa hin a inlang tak a ni.

4. Pathian chu inkhat, pumkhat a ni: - Bible-ah hin Pathian tam tak a om thu le Ama irangpui an ti thu zel hril mah. Pathian inkhat mi inthum om thu (*Trinity*) pom ei ni. Khasikin, Pathian chu inkhat mani, pumkhat mani tia hril a ni ual. Bible-in “*Rengpa vaih hi kin Pathian chu a ni*” (Deut. 6:4; Isai 42:8; 44:8; Jer. 10:10) tiin a nin hril.

5. Pathian chu Irtha a ni (Joh. 4:24): - Pathian chu mihriam mita hmu thei taksa nei ni mah. Irtha a nia, a inlâr thei a ni. Mihriam inlang dân anga inlâr khom sian, a hmêl tak tak chu hmu thei ni mah. Pathian chu Vâr a ni (I Joh. 1:5) le mi kêng irhmang mei a ni ti thu Bible’n a in hril (Heb. 12:29). Hi thu taka hin Pathian chu Irthiang liai le soal kop pit loi a ni, ti a entir.

6. Pathian chu Taituan (*Eternity*) mi a ni: - Bible-ah hin Pathian chu “Inlal tak Taituana om, thi thei loi, mita hmu thei loi, Pathian tak vaih kuanga khan choiirsangna le roiinpuina kumtuangin a om.” (I Tim 1:17). Pathian chu tinreng thuneitu tak a nia, a’rthiangna

7. Pathian chu danglam ngai loi a ni: - Pathian chu a thungkung danglam ngai maka, A Naipa Jisua khom itiklâi khom danglam ngai loi a ni (Mal. 3:6; Heb. 13:8) Pathian chu irsong ngai loi, irthûl ngai loi, danglam ngai loi Pathian a nih

Pathian mihai / iamtuhai le chituhai an nia; ei Pathian mizia hi ei inhriatinfel nget a nang.

Chângvong - (Joh. 4:24).

Pathian chu Irtha a nia; Ama chubai mûktuhaiin Irtha le thu takin chubai an imûk hrang a ni.

Hrilsôp hrang:-

1. Pathian mizia (*nature*) hi itho mo irchu a inang ?
2. Pathian irhming hi itho sika mo danglam tak tak a iom ?
3. Pathian zia le mihriam zia imo danglamna?
4. “Trinity” hi imani?

IRCHULAI - 4

PATHIAN INLANGNA :- A NAIPA JISUA KRISTA HMANGIN

A thutum :- *Jisua Krista chu mihriamhai kuanga Pathian inlangna famirkip a ni.*

Tep hrang :- *Joh. 1:1-18; Heb. 1:1-4.*

THUMAHRUAI

Pathian inlangna / inhriattirna tak chu a Naipa Jisua Krista a zuang tung famirkipna hi a ni. Kha kha mihriamin iamna le Ama lungthungna vaihin a dong thei a ni. Kha iamna kha Irtha Irthiang changpuina sik vaihin mihriamin a nei thei a ni.

Pathianin rammual (mihriamhai) lungthungna zarin a Naipa khat neisun a zuang tîra (Joh. 3:16) ti ziak a ni. A phut taka thu a oma Thu kha Pathian kuang a oma; Thu kha Pathian a ni (Joh. 1:1). Kha Pathian Thu kha taksa'n a zuang changa; mihriam laia a om tak a ni (Joh. 1:14) Thu taksa changa (*incarnation*) chu Pathian Naipa Jisua Krista a ni. Jisua Krista mihriama a zuang changna hi rammuala a sinthonahai, a tuangna le thina ata a thoinôkna le irvâna a kâinahai khan Pathian a nizia a inlang infel a ni. Jisua Krista deipu murdi laia inchung tak a nia; Krista (*Greek*), Messia (*Hebrai*) omzia khom a 'sihriak nâl,' tina a nih. Pathian Naipa Jisua Krista chu Deipu a nia; ochai inlal khom a nia; Reng khom a ni. Avuan hin Jisua Krista hranga Pathian a inlangna / inhriattirna thu ei irchu hrang a ni.

1. Jisua Krista chu Pathian a ni:- Bible-ah hin Jisua Krista Pathian a nizia fel takin tarlang a ni (Joh. 1:1-3; 14) Hi Johana ziak a hin "A phut taka thu a oma" a tia A phut taka om Thu chu Pathian kuanga om a nizia le Ama Thu ngeia Pathian a nizia a hril suizom zêl a ni. Johana 1:14-ah chu Thu chu taksa a hong chang (*The Word become flesh*) ti a ni ta. Kha Thu kha Jisua Krista (Pathian'n inlangna tak a ni.

boiruak irzat tak khin a kut suak chu an langtir ngai" (Sam. 19:1) "*Irvân khi rêngtoihmun a nia; irnêng hi ki ke irhngatna a ni*" (Isai. 66:1). A thilsiam roiinpui tam takhai ngaituain irnênga mihriamhai hi chu hriat phâk loi khopa om ei ni...Rammual pumpuia hin ni roiinpuizia chu an lang vang na tiin a hril (Sam. 8:1, 3, 4).

Hi thilsiam a hin Pathian roiinpuizia le inlalzia inlang a ni.

3. Thil siam ata Pathian zia inlang:- Pathianin ama angpuia siam chu mihriam hi a ni (Gen. 1:20); thilsiam danghai nêka danglam bîk an nih; khasikin, mihriam hin a siamtu Pathian zia nina hi a kop a ni. Pathian zia chu lungthungna, irthiangna, lungkhamna, mi inrenna hi mihriam murdi ei nei chit a ni. Ei inei inthuk dân chu irang zit kher no nih. Mihriamin a siamtu zia ei inehai rengata lungthungna, irthiangna, inrennahai hi Pathian zia an ni ti ei inhriat thei a ni. Pathian zia nina ei kop angin a thil siamhai enkôltu ni hrangin mihriamhai hi mophurna a pêk tak a ni (Gen. 1:28).

Pathian thilsiam danghai irvana thil omhai, chunglêng vahai, ramsah, chi tinrêng lian tak takhai le tuipuia nga le thil hring chi tinrênghai hin Pathian siamtu roiinpui le sinthothei tak a ni (Sam. 19:1-6) tia tarlang a ni. Pathian thilsiam roiinpuizia ngaitua hi a siamtu chu a roiinpui ok ti anlangtir ngai a ni.

4. Rammual hun bi inher dânin Pathian roiinpuizia a'nlangtir:-

Rammual hun bi invêl dân phalbi le kholum; fur le sâl, sùn le zân, nisa le tha a siam inkungfelhaia hin Pathianin fel taka tumna a nei tia nin hriattir. Pathian thilsiam suak rengata mihriamin a siam suakhai chu vuangna (*flight*), telephone, television, computer le radio-hai hi a nia; hi thilhai hi Pathian ata mihriamin vâna a hmu suak chu a ni.

Khasikin hi thil siamhai ata Pathian roiinpuizia le mihriam kuanga a zuang inlangna a ni.

Chângvong : Sam. 19:1

Irvân khin Pathian roiinpuizia an langtira, boiruak irzat tak khin a kut suak chu an langtir ngai.

Hrilsôp hrang:

IRCHULAI - 3

PATHIAN INLANGNA - DEIPUHAI HMANGIN

A thutum :- *Deipuhai hmangin Pathianin mihriamhai kuanga a nuam dân a'nhriattir ngai.*

Tep hrang :- *Ezek. 2:1-10; Lk. 16:19-29)*

THUMAHRUAI

Pathianin a nuam dân hi mihriamhai inhriattir hrangin deipuhai a hmang ngai. Avuan hin Deipuhai hmanga Pathian inhriattirna chungchang ei irchu hrang a ni. Hi irchulaia ei inlang tum tak chu deipuhai hmangin mihriam kuanga Pathianin a nuamlam a inhriattir ngai ti thu hi a ni. Hi irchulai hin deipu lian omzia le an sintho fe dânhai khom ei hril sa hrang a ni.

1. Deipu (prophet):- Bible-ah hin deipu hrilna hi Hebrai chongbâi inthum hmu thei a ni. i) *Ru'ch* ii)) *Hozeh* le iii) *Nabi* an ni. Hebrai chonga '*ru'eh*' le '*chozeh*' (*hozeh*) hi ei Hrangkhoh chongin "hmutheitu" (*seer*) ti a nia; Hebrai chong '*nabi*' hi deipu (*prophet*) tia hmang a ni. *Nabi* hi inkhat (*singular form*) a nia; *nabiim* ti hi inkhat nêka tam (*plural form*) a nih. A omzia chu "Koia om" tina a nih. Thuthung Luia deipuhai hi Israelhai kuanga thu dik inhriattir hranga Pathian ihmang ngaihai an ni. Khasikin, Thuthung Lui hin hmutheitu (*seer*) tiin mani thu inpuangtu ti hin Hebrai chonga "*Nabi*" *Ru'eh*, *chozeh* (*hozeh*) ti hi a kaikhom thei zit a ni.

Deipu hi Pathian nuamlam le thil la hong tung hrang hril suaktuhai an ni. Pathian le mihriam kong kâra palai an ni. Hebrai chonga *Ru'eh* le *chozeh* (*hozeh*) ti hi chu hmutu (*seer*) tina a ni bika, *Nabi* ti hi chu thu inpuangtu tina a ni. Hi inthum 'Roch, *chozeh* le *Nabi* ti sung a hin *Nabi* ti hi omzia a inlar le lian ual hmang inlar ual tak a ni.

2. Deipu sinthona :- Bible-ah deipuhai sintho dân hi a tangpuiin tarlang ei ti-

a) **Mipui kuanga Pathian Thu inpuang suaktu an ni :-**

b) **Thil tung hrilfia le hrillôk (prophecy):-** Hebraihai laia deipu ti omzia tak chu thuinpuangtu le thu hriltu mani ti a nia,
thil hrillôk hi deipuhai sintum a nia; hi vaih hi ni maka; thil tung hrang hril lôktu an ni. Pathian nuam dân mipuihai kuanga a inhriattir hi an sin poimo tak a ni.

c) **Pathian nuamlam inhriattirna'n roirêltuhai doi le soisêl:-** Deipu khan roireltuhi chu an roirêl dân a dik thei nan le Pathian nuam lama mipui an hruai thei nan Pathian nuamlam hi an inhriattir ngai a ni.

d) **Lungrîl / sungrîl lama satna lama satna le dikna:-** Pathian thupêk bul tak inpuang hrang chu satna le dikna (*Righteous and Justice*) hi a nia; hriattuhai le mipuihai hi Pathian nuam dân lampui dik hruaitu an innang lampui dika mipui kaihruihi deipuhai sintum poimo tak a ni.

3. Deipuhai chu Pathian inpuangna hmangrua (God's mes sage) an nih:- Deipuhai sintho tak chu mipuihai kuanga Pathianin a nuam dân inhriattir, thil zuang tung hrang inhriattir le hrillôkna hai ram roirêltuhai kuanga roirêl dân dik le dik loi inhriattir le nam pumpui (Israel) kuanga Pathian nuam dân inhriattir hi an sintum tak a ni.

Chângvong: (Isa. 6: 8 - 9).

Khan "Tumo ki ifîr hrang, tu mo keini hranga fe hrang?" tiin Rengpa irhai kin hriata. Keima'n, "Keima fe ki ti! ni tîr roh, ki tia. Ki kuang khan fenlan hi namhai hi va hrilhai ro. Irngâi ngot khom unglân inhre thei no chin ni en mai khom unglân hmu ual no chin ni," tiin.

Hrilsôp hrang:-

1. Deipu omzia hi imani ? _____

(c) **Paula Lekhathonhai le lekhaton danghaia:-** Thuthung

Thara hin lekhaton 21 a oma. Paula lekhaton - 13; Johana lekhaton - 3 le Petera lekhaton - 2 a om. Lekhaton dang inthum chu Hebrai, Jakoba le Juda lekhatonhai an ni. Hi lekhatonhaia hin Pathian inpuangna le inhriattirna ei hmu chu :- Pathian chu einia a oma; einia sin a thoa; irtharngamna a ni pêka, soal doi inhne hrangin a ni changpuia, Ama sintho mai hrangin hrâtna a ni pêk ngai.

(d) **Thupuang bua:-** Hi lekhabua ei hmu chu: Pathian chu

iamtuhai inghâk mai le rammual mi murdi chungaroirêltu, irchamneitu a nizia an lang. Bible-a hin Pathian mizia, a nuam dân le a sintho dânhai târlang a nia. Bible tep intamtuhaiin Pathian mizia le a sinthohai, a nuamlamhai Bible-ah hin Pathian Thu roinpui tak lekhabua zia kin a

om.

Bible-ah ziaki angin, “*Pathian Lekha thu murdi hi Pathian phûk-khum a nia, iren indikna hranghai, irsiaminsatna hranghaiin, nun dan dik irchutirna hranghaiin an lâp tak tak a ni.*” (II Tim 3:16). “Pathian Thu (*Word*) chu a hringa, sin a thothei a ni...” (Heb. 4:12). Pathian Thu chu a phut taka om a ni, kha Thu khah Pathian a ni

Chângvong:- (Joh. 5 : 39)

“Pathian Lekha Thu ngûk takin nin irchu ngai, a sângu kumtuang hringna a om ti nin iam sikin kha Pathian Thubuhai khan ki thu inhriattirtu chu an ni.”

Hrilsôp hrang:-

1. Bible hih ithu mo airziak?
2. Bible-ah hin itin mo Pathian Nâi a zuang ichang ?
3. Thuthung Luia Bible zia k sn dan hi iza mani? An irhming hril roh.
4. Thuhung Thara Thurchi Sa (Gospel) tu chongbai mo irziak

2. Jisua Krista sin (Ministry) :- Reng Jisua sin (mihriamhai saninzôkna hranga sin) lian hi inthum a ni.

a) Jisua Krista Ochai sin a tho:- Ochai (*Priest*) ti hi Latin chongin *pontifex* ti a ni. A omzia chu irkal doitu / siamtu le leidâk dôitu / siamtu (*bridge builder*) tina a ni. Ochai sin tak chu mihriam le Pathian kongkâra irhletna / irnaina sa tak siam insat nôkna hi a ni. Ochai chu mihriam le Pathian kong kâra palai (*ambassador*) sinthotu irzomnôkna siamtu irkhel / lei dâk dotu tina a ni.

Ochai sin hi irbôlna inhlan a nia; Thuthung Lui khan irbolna hi Pathian kuang voi tam tak an inhlan ngai. Jisua Krista chu mi murdi ta hranga irbôl nân Ama taksa ngei a' rhlanna, voi khat i' rhlana Pathian milung a chuk tak a ni. Khasikin, Jisua Krista Ochaina chu taituan ta hrang a nia; Pathian lung oina chu Krista irbôlna kha a ni.

b) Jisua Krista Deipu sin a tho:- Jisua Krista ngei hi Deipu roinpui le irsâng tak a ni. Bible-ah deipu danghai khan Messia la zuang hrang thu kha an lei hril lôk ngai a ni. Kha Messia kha deipu roinpui tak chu Jisua Krista a ni. Ama ngei kha Pathianin mihriamhai kuanga a tira, thu a hrilna kha a ni (Heb. 1:2)-a Tianlai deipuhai thuhriil zuang famirkipna chu Pathian Naipa, Jisua Krista hi a ni (Isai. 7:14; 9:6; Mik. 5:2).

c) Jisua Krista Rêng a ni:- Jisua Krista hi Reng a nia ama ngeiin “Sabbath Rengpa ki ni,” a ti (Mk. 2:28)

Chângvong: (Joh. 1:14)

“Thu chu mihriam a zuang changa, ei lai a zuang om taka. A roinpuzia ei hmu, Pa nâi khât nei sun roinpua chu, lungkham le thu takin a sip.”

Hrilsôp hrang:-

1. Thu hi itin mo taksa, n a zuang ichang?
2. “Krista / Messia” ti omzia hrilfia roh.
3. Reng Jisua Krista sintho (*ministry*) chi iza mani/ arhming

IRCHULAI - 5

PATHIAN INLANGNA - BIBLE HMANGIN

A thutum :- *Bible hi Pathian Thu mihriamin ei inhriat theina hranga Pathian inpuangna a ni.*

Tep hrang :- *Deut. 11:2-7; Sam. 77:14, 15; Joh. 1:1, 14; Heb.*

THUMAHRUAI

Bible hmanga mihriamhai kuanga Pathian inpuangna le inhriattirna thu ei irchu hrang a ni. Bible hin Pathian le a chong a nin hriattira Pathian nuam dânhai a nin hriattirna lekhabu irthiang a ni kha khela; Bible hi Pathian mizia (*nature*) ei inhriatna a ni. Bible hmanga Pathian inpuangna le inhriattirna hi a bika Pathian inpuangna (*special revelation*) sũanga lût a ni. Thilsiamhai ata Pathian inhriattirna chu (*general revelation*) a ni. Bible chu Pathian lekhabu irthiang a ni. Bible chu Pathian Thu puang suakna a ni, le Pathian a ni (Joh. 1:1) Bible chu Pathian phûk mit khum a ni (II Tim. 3:16). Bible hi a hlu tak a nia; khasikin ngûk taka Bible ei irchuna san chu a sũanga taituan hringna a om sika a ni (Joh. 5:39). Bible nin tep ngai mo ? Bible nin tepin imo inhriat ni tum ngai ? Bible hmanga Pathian inpuangna le inhriattirnahai chu hiang hin irchu ei ti.

1. Thuthung Luia Pathian inpuangna le inhriattirna : Thuthung Lui lekhabuhaiin Pathian inpuangna le inhriattirna an târlanghai hong sui ei ti.

a) Mosia lekhabu ringa (*Pentateuch*) : Mosia lekhabu ringa Genesis, Exodus, Leviticus, Numbers le Deuteronomy buhaia Pathian inpuangna le inhriattirna chu : Pathian chu itinrêngthotheitu, Pathian inkhat le tinrêng bul a ni. Pathian chu hmun tina om, tinrêng hmutu le inhriattu a ni. Pathian chu hrât tak, satvurna hnâr, a mihai hruaitu, a mihai leh irpôl ngaitu Pathian a ni. Pathian Irthiang, fel le dik, enkoltu a ni.

b) Thurchi irziakna buhaia (*Historical books / ketubim*) : Thurchi irziakna buhai chu - Joshua, Roirêltuhai, Ruthi,

iamomzia le a felzia hmu thei a ni. A nuamlam thotuhai lômlûtta le a nuam loi lam thotuhai hrem zelhtu a nizia an lang.

c) Hla le Thuvârna buhai : Hitaka huap sahai chu - Joba, Sam, Thuvârhai, Thuhrihtu le Hlahai Hla a ni. Hla le Thuvârna buhaia hin Pathian chu itinrêng siamtu, itinrêng chungaroirêltu a nizia an lang. Pathian sinthotheizia le a roinpuizia, a`rthiang, a fel, a dik a nizia hai, lungthungna le mi inren thei Pathian a niziahai hmu thei a ni. Mihriamhai damna san omsun chu Pathian vaih a ni.

d) Deipuhai Lakhubua : Deipuhai lekhabu 17 a huap. Deipu

lekhabuhai chu - Isaia, Jeremia, Jeremia Chap Hla, Daniela, Hosea, Joela, Amosa, Obadia, Jona, Mika, Nahuma, Habakuka, Zephania, Hagaia, Zakaria le Malakia hai an ni. Hi deipu lekhabuhai ata Pathian zia inlang chu - Pathian chu inkhat, hmun tina om, itinrêng chungaroirêltu, a mihai donsuitu a ni. Khakhêla, Pathianin a nâipa Jisua Krista, rammual Inzôkpu hranga a zuang itîr thu le kha Saninhringna hong inlang suak hrang dân târlang a ni.

2 Thuthung Thara Pathian inpuangna le inhriattirna

Thuthung Thar lekhabuhaiin Pathian inpuangna le inhriattirna an târinlanghai chu a dônte'n sui zêl ei ti. Thuthung Thar lekhabuhaia hin Pathianin Saninhringna Jisua Kristaa a siam puihling dân an lang.

(a) Gospel bu minlihai : Thurchi Sa bu minlihai hih Mathaia,

Marka, Luka le Johana ziakhai hi an ni. Saninhringna chu Jisua Krista irhlannaa a hong om phut dânhai Thurchi Sa bu minli hin fel takin an langtir. Pathian chu mihriama a zuang changa, Pathian mizia, a lungrîl le a nuamlam chu Jisua Kristaa hin târlang a ni. Jisua Krista nun le a sintho ata Pathian mizia chu inhriat thei le hmu thei a ni (Joh. 14:9-10).

(b) Tirtônhai sintho : Hi lekhabua hin Irtha Irthiang mizia le

SEN HNINA
PATHIAN LEH IRZOMTUHAI

IRCHULAI - 7
PATHIAN THU ÔITU:-NOVA

A thutum :- *Thu ôina hi Pathian leh irzomna a ni.*

Tep hrang :- *Gen. 6:13-7:5; Heb. 11:7)*

THUMAHRUAI

Bible-ah Pathian Thu ôitu tak chu Nova a ni. Avuana ei irchu hrang mi fel tak, Pathian Thu oi mi Nova thurchi a nia; a nuna enton rua poimo tak a om. Eini khom Pathian thu oitu nun chu ei lâk theina hrangin satakin irnak ei song hrang a ni.

Nova thurchi le a nuna entonrua poimo ualhai tarlang ei ti.-

1. Nova thurchi:- Nova irhming omzia chu “irngamna; irtharngamna” (*rest, comfort, relief*) tina a ni. Nova thurchi hi Gen. 6:9-10:32 sunga hin a om. Nova hi Lameka naipa a nia; a pu (Lameka pa) chu Mathusela a ni. Methusela hi rammuala hring sôt tak a ni. Kum 969 a hring (Gen. 5:27) . Nova khom kum 950 a hring (Gen. 9:29).

Nova chu mifel tak a nia; Pathian le hmun khata lêng suam ngai a ni. Nova chu nai pasal inthum a neia, an irhming chu-Sema, Hama, le Jafetha, a ni (Gen. 5:32; 6:10).

Nova hun lai khan mihriam an sual tak tak ti Gen. bung 6-7ah khan ei inhriat. Khanchu Pathianin a mihriam siamhai le thilsiam danghai inboipai zit a nuam tak a ni (Gen. 6:7). Kha lai khan Pathian mit hmu dik le fel tak chu Nova vaih hi a ni. Gen. 6:8-ah khan Nova kha chu Rengpa mit a tung maia, ti ziak a ni.

2. Pathianin Nova chu irkuang an tuktir:- Gen. 6:13ff) Nova hun lai sualna a sip mihriam le thil siamhai chu Pathianin that pai zit a tum tak a ni. Mi fel tak Nova chu sansuak a nuama; khasikin, Nova le a insungkuahai, ramsa le thil hring chi tinrenghai inleng theina hrangin Pathianin Nova chu irkuang a'n tuktir tak a ni.

IRCHULAI - 6

PATHIAN INLANGNA - KOIINDANGHAI
HMANGIN

A thutum :- *Koiindang Krista takpum a nia, Pathian nuam-lam ei inhriatna bul a ni.*

Tep hrang :- *Sam. 87:1-7; Mat. 16:13-20; Efe. 2:23).*

Koiindang hi Pathian'n arngaiinhlu tak tak ngai a ni. Pathian Nâipa Jisua Krista chu a thoinôk ngêt a ni inlangna chu Koiindang a hong indingna hi a ni. Krista hriat infeltuhai kuang hin Koiindang an ding ngai a ni (Mat. 16:18). Koiindang hi Reng Jisua lengna hmun le Ama irhminga omkhômna, le A thisena irchôk

1. Koiindang:- Koiindang omzia hi hriat masa phot a nang Thuthung

Lui a Hebrai Koiindang hmangna hi chong inhni a om a ni:-

a) Qahal (kha-hal) ti a nia ; a omzia chu koi (*call*) mipui koi khom pungkhom hrilna a ni (Num. 10:2,7). Kha kha Koiindang tina a ni chia no khomin ar-angpui anga hman a ni ngai.

b) Edhah (E-dha) ti a nia, omzia chu ‘inkung’ (*appoint*) tina a ni Pathian mihai pung khom hrilna a ni (Exod. 16:2; 39:32).

c) Ekklesia: Thuthung Thar kha g Grik chonga Koiindang tina chongbâi inlar tak chu **Eklesia** a ni Eklesia omzia chu koi suak (*called out*) tina a ni. A omzia hi ei chongin Koiindang ti a ni. Khasikin, Koiindang omzia chu Pathian mi ni hranga k o i suak Koiindang hrilna a ni. English chonga *Church* ti hi German chong *Kirchi* ti a nih. Scottish chong *Kirk* ti ata lak suak a ni. German le Scottish-hai khomin Grik

2. Koiindang hi Pathian inding a ni :- Hi thu omzia tak chu Koiindang hi Pathian ata ni hranga a koi suak; Koiindang a hrana koi suak hrilna a ni. Thuthung Thara hin Koiindang nina a hrilfia dân chu hiang hin a ni.

a) Koiindang chu Krista taksa (*The Body of Christ*) Efe. 1:22, 23; 4:15; Kol. 1:18; 2:19).

b) Koiindang chu Krista moi (*The Bride of Christ*) a ni sikin Koiindang chu irthiang a ni (*The Church is Holy*) (II Kor. 11 :2; Efe.. 5:26-27).

c) Koiindang chu Pathian mihai pung khom (*God's people*) I Kor. 6:16

d) Koiindang chu Pathian In / Pathian Irtha Irthiang In (*The Temple of God*) (I Kor. 3:16; Efe. 2:21; 22).

e) Koiindang chu Pathian Belrahai (*The sheep of God*) le Pathian insungkuahai (Joh. 10:1-16; I Tim 3:15).

f) Koiindang chu Israelhai (Gal. 6:16; Efe. 2:12, 19).

g) Koiindang chu sabeina / Tungna hring neitu omkhomhai (I Joh. 3:2; Rom. 8:23ff).

h) Koiindang chu chung tianga van Jerusalem Thar (Gal. 4:26; Heb. 12:22; Rev. 21:2, 10)

i) Koiindang chu van chabi neitu thina'n inhnê no ni (Mat. 16:18, 19).

Hi a chung a tarlang tak angin Koiindang chu Pathianin Ama ta hrang piala a koi khom a ni sikin, Pathian inding a nia, a koi khomhai an ni.

Hi a chung a tarlang tak angin Koiindang chu Pathianin Ama ta hrang piala a koi khom a ni sikin Pathian inding a nia; a memberhai chu Jisua Krista Pathianin a koi khomhai an ni.

3. Koiindang nangna le indingna san:- Koiindang hi Pathian ta le thutak chopui le irhngatna a ni (I Tim. 3:15) a nia; Pathian nuam dân inlangtirna le inpuangsuakna a ni. Koiindang indingna san chu-

a) Pathian taituan thiltum inpuihlingna hrangin; khasikin, Koiindang hi Krista'n an hlu tak tak a ni (Efe. 5:25ff).

b) Hi hnuai ram / rammuala hin tho hrang poimo tak a nei.

i) Saninhringna (*salvation*) changna hrang Krista le irzomna neina hrangin.

ii) Pathian sinthona hmunpui Thurchi Sa le Pathian Ram (*Kingdom of God*) indarna hmangrua hranga a ni.

omin hril a ni ngai hmuthei Koiindang chu atuna Koiindang Pathian biak le pôl hranga Biak Ina inkhomhai hi an ni. Hmutheiloi Koiindang chu Krista iamtu a hringa le omhai le mi irthiang lei fe masa murdihai huap zita hrilna a ni. Hi Koiindang hmu thei le hmutheiloi hi Koiindang nkhat (*one*), Jisua Krista-a irsui khom zit a ni (Efe. 4:4-6). An dingtu le a neitu tak chu Pathian Naipa Jisua Krista a ni.

4. Koiindang sin lian:- Koiindang hi Pathian hmangrua tak a ni. Koiindang sintum le a zuitum tak chu Jisua Krista sinthona hi a ni. Jisua Krista sinlian bikhai chu chi thum a ni (*The three-fold ministry of Jesus Christ*) (Mat. 4:22).

1) Pathian Thu hrilna sin (*The Preaching ministry*).

2) Irchutirna sin (*The Teaching ministry*).

3) Damna sin (*The Healing ministry*).

Reng Jisua kha irvana a kâi hnunga khan a hnungzuihai (*his disciples*)-in Thurchi Sa an hril dara, Koiindang indingna hmangrua an ni. Jisua hnung zuihai an thi hnungin ram danga Koiindang indingna hrangin Pathian hmangrua chu Apostle-hai (*Missionary-hai*) an ni. Jisua thupêk chu ram tina Thurchi Sa hril hi a ni (Mk. 16:15).

5. Koiindang thupêk le zôm a poimo:- Koiindang hi Pathian inding le a nuam dân zôm hranga inding a ni. Pathian sintho hrang piala Pathian inding a ni sikin Pathian aio anga hril thei a nih. Koiindang thupêk hi Pathian nuam lam ei inhriatna bul a ni sikin, Pathian iamtu hrangin Koiindang thu hi Pathian thu ang a ni. Koiindang hi Pathian insungkuahai le Pathian aio a ni sikin mi tukhomin Koiindang chu a ngainep hrang ni mah.

Koiindang thu ei ti chu Koiindang inkhompui le committee thurêl hai Koiindang thuiam (*Doctrine*) le sepna (*Discipline*), etc hai hi an ni. Krista iamtuhaiin chu Koiindang thu hi Pathian he anga irngaiin ei zôm ngai tak tak a ni

Chângvong:- (I Tim. 3:15b).

"Pathian sungkua, Pathian hring Koiindang, thutak vong-tuhai chu ianga om hrang mani, nin hriat theina hrangin ki hong irziak a ni."

Hrilsôp hrang:-

1. Koiindang omzia imani ?

2. Koiindang hi itho sika Pathianin a inding mo ?

koina a dong chu a ni. Pathian koina a donga hin a insûngkua tak pa in mâksan a nanga, Pathianin Ram hoi (Kanan ram) a la entir hrang tak chu fel takin inhre maka; khannisian, iamnan a fe tak a ni. Khanchu Pathian koina donin Abraham chu Haran khua a irzirpuihai le a pa in mâksanin a dongma le Lota le a siahlohài hruaiin Pathianin ram a entir hrang Kanan ram chu iamna'n a pan tak a ni.

Kha Kanan ram an panna ram khan châm a tak sikin, Aigupta rama an fe taka, zoro sôt zan an om hnungin Kanan ram tiang an hong kêr nôk ta a ni (Gen. 12 :16-13 :4).

3. Abrahama kuanga Pathian Thuthung (Gen. 17: 1ff): -

Thuthung (*Covenant*) ti hi Hebrai chongin 'berith' a ni. A omzia chu 'khit,' 'irhlop,' 'irzom,' 'irmil' tina a ni. Khasikin, Thuthung chu mi inhni kongkara manih, unit/group inhni kongkara thuthung det siamna a ni. Irzomna, irhlopna hranga thuthungna, thuthunga irmil le khit a ni. Thuthunga a bul tumtu tak chu Pathian a na, thuthung dân chu thuthungpuituhaiin an zôm ngêt ngai a ni. Abrahama kuanga Pathian thuthung irsinsiana chu 'sertan' (*circumcision*) a ni. Pathian leh thuthung siam zoi rengata chu Abrahama irchi sûnga pasal murdi chu an ser hmor an tan ngai a nia, nai pasa lkha ni riat nia an ser hmor chu an tan ngai a ni (Gen. 17: 9-14).

Abrahama chu Pathian iam zoi mile thuzôm mi takin a om mai sikin, itiklai khom Pathian leh hin an irzom mai theia, satvurna a dong a, a tar hnungin naipasal, arhming Isaaka a nei tak a ni.

4. Abrahama iamna le a naipa neisun (Isaaka) a'n hlan: -

Abrahama chu kum 100 a ni hnungin, a dongma Sari khom kum 90 laia ulian a ni hnungin Pathianin, naipasal nang pêk ki ti, a ti pêka (Gen. 17:15-22). Kha thu kha mihriam ngaituan'n chu iam phâk loi a ni. Khannisian, Pathian chonginkung chu iamna'n a sabei ngita, naipasal Isaaka a nei taka ni. Khanchu, an lôm tak tak sikin, an nai irhming khom Isaak an phua tak a ni. Isaak irhming omzia chu 'innui' tina a ni. Abraham hih a suaknu Hagari leh khom naipasal an neia, a'rhming chu Ismael a ni (Gen. 16:15, 16). Chonginkunga nai chu Isaaka vaih hi a ni.

Abrahama dongma tak Sari leh an nai neisun Isaaka chu hâl irvôm thilirhlan hranga Pathianin an phut lai hin Abrahama ta hrangin thil intak tak a ni. A naipa (Isaaka) halirvôm thil inhlan hranga Pathian inphut dân chu- "*Ni nâi khât neisun, ni nren tak*

Pathianin misualhai hremna le inboipai a tum dân chu tuisang lian a ni.

Mifel saninzôk a tumhai chu irkuang hmanga saninhring an ni. Khanchu Pathianin mifel Nova chu meisar thingin irkuang an siamtir tak a ni. A dung 450ft, a khang 75ft, a'rsâng 45ft,-ah lian a'n tuktir tak a ni. Nova chu Pathian Thupêk iamin thuôi takin irkuang a tuk tak a ni.

3. Nova le a insûngmihai inzokin an om :-

Tuisanglian thu hi Gen. 7:8-ah hmu thei a ni. Rammual pumpui hi tuiin a dil / a let lai khan Nova chu kum 600 mi a ni. Rengpa hril angin tui rammual a lêta a dongma a naihai le a moihai an rêngin an lût tak a irthiang le sha irthiangloi, chunglêng vahai khom irnenga bok raka om murdihai khom Nova irkuang a an lût zit tak. Sun sari zoia chu irnenga a hin tui a hong lêt tak a ni.

Misualhai le thil siamhai an hnara hringna phûk sân lak murdi chu an thi zoi tak a ni (Gen. 7:22). Pathian iamtu thu ôitu Nova le a insûngkuahai vaih an zôk tak a ni.

4. Nova nuna enton rua ei hmuhai:- Pathian Thu oimi Nova nuna enton rua ei hmuhai chu -

a) Sualna kêra khom Nova chu fel takin a om:- Nova hun laia mihai sualna lama lût khomhai sian, Nova chu suala lût loiin fel takin a om.

b) Nova chu Pathian iam le thu ôimi tak a ni:- Nova hin Pathian iamna le thu ôina hi a fe irkoppui. Nova chu Pathian iamzoi mi le thu ôi mi a ni sikin, tuisanglian (tui lêt) ata saninzôkin a om.

c) Nova'n Pathian kuang irbôlna maicham a siam (Gen. 8:20):- Bible-ah maicham siam ei hmu masa tak a ni. Maicham siam ti hi "Pathian kuanga irbôlna inhlan" tina a ni. Pathian chu Irtha a nia; (Joh. 4:16). Khasikin, Irtha le lungril pêk taka irbôlna inhlan hrang a nia, kha kha Pathian lôm lam a ni. A omzia tak chu lungril pêka, omzia neia; Pathian pôl tina a ni. Hi

d) Pathianin Nova kuang thu a'ntung:- Nova chu mifel Pathian Thu ôi mi le Pathian iam zoi mi a ni sikin, Pathian thuthung a nei Pathian tui a lêt ta loina hrangin a thuthung entirnan sumpai a irzâmtir a ni (Gen. 9:14-17). Pathian mi fel Pathian Thu ôi le Pathian i a m mi chu saninhringin an om ngai Nova kuang khom Pathianin thuthungna a neia, Kha ang khan Pathian Thu oi le mi felhaihai chu Pathian lôm lamin irbôlna an n e i ngaia Pathian khomin an kuang thuthlungna a nei sa ngai a ni.

Chângvong : Heb. 11 :7

Iamna'n Nova kha sîn matona thil a la ihmu theiloi Pathianin a hril laia khan Pathian Thu zomin irkuang a sina, kha irkuang a khan ama le a insûng mihai saninhringin an om. Khasika khan rammual kha thiamno an changa, iamna sika felna Pathian kuanga om kha a idong a ni.

Hrilsôp hrang:-

1. Nova pu irhming imani ? kum iza mo a hring ?
 2. Nova naihai inthum kha imo an irhming ?
 3. Nova nuna enton ruahai sam roh.
-

IRCHULAI - 8

PATHIAN IAMTU - ABRAHAMA

A thutum :- *Pathian iamindettu chu hlosam ngai mah*
Tep hrang :- *Gen. 12:1-5; Rom. 4:13-22; Heb. 11:8-12)*

THUMAHRUAI

Avuan sun hin Pathian iamtu tak Abrahamama thurchi le ama ata enton rua poimohai ei irchu hrang a ni. Bible-a Pathian iam indet sika satvurna dongtu chu Abrahamama a ni. Kha khela soma inkhat pêk masa taktu khom Abrahamama a ni. A thurchi fel uala ei inhriat theina hrangin a bul rengata toi sarin hiang hin hril inlang ei ti.-

1. Abrahamama hun masa (His early life) :- Abrahamama irhming masa chu 'Abrama' a ni. Inhnunga chu Pathian thuthung ama kuang a zuang chum tena Abrama irhming hi Abrahamama tia koi a ni ta (Gen. 17:5) Abrahamama omzia chu 'mitam tak Pa' (Gen. 17:5) tina a ni.

Abraham suakna hmun chu Kaldai rama Ur khua a nia; a pa chu Tera a ni. Khan Tera insung mihai chu Kanan rama irthon hrangin an suaka; khannisian, Kanan ram tung mân khn Mesopotamia rama Haran khua om hmun an khuar tak a ni. Haran khua chu sum bepar hmunpui (*commercial place*) a ni.

Abraham hi Ur khua ata a pa Tera hai leh an hong suak lai khan dongma a nei taka a dongma irhming chu Saraii a ni. A sangpa Harana naipa Lota khom a om sa. Haran khua an om laiin a pa Tera chu kum 205 mi a ni laiin a thi tak a ni. Tera hin nai pasal inthum a nei Abrahamama Nahora, le Harana an nih (Gen. 11:27). Abrahamama irzirpui laia Nahora irhming choi hi voi hni lai a om. Hi hih thil irkhel inkhat chu a ni. Tera pa hi Nahora a nia (Gen. 11:24) Tera naipa inkhat irhming hi Nahara a ni. An omna khua chu Haran a nia; Harana kha Tera naihai laia inkhat irhming a ni sa. Harana hmuna an om lai hin Pathianin Abrahamama chu a koi.

a ni. Sin milui ata sinthar hong suak hrang a om a itung ngit a ni. Khopui ram takhai chu inding thar nôk ni a ta, hlim takin om an ta, a'rhming irput hrang khom “ *Rengpa chu ki felna a ni,*’ a ti (Jer. 3:16).

c) Thutung Thar, kumkhua thuthung hrang chu siam ni a ti. A milui chu hlosamna'n a monga, athar chu mi lungril a isam inthara, Jehova thu ôi theina a siam pe a ni. (Jer. 31:33). Hi thuthun thar hi chu kumkhua hranga a ni (Jer. 32:40).

d) Sakho biak dan thar, irtha lampui sakho thar hong om hrang chu a hril. Sakho thar hong om hranga biaktu le Pathian chu irpol mai thei ta an ti (Jer. 31:40). Pathian chu lungril le milunga ngaituana lam en fiatu a ni (11;20; 17:10;20:12). Hi sakho thara hin Israel-hai le nam murdi irsui khômna hrang thu Jeremia hin irchutirna a pêk.

Jeremia thuhiril murdi chu changpuitu Baruka hi a irziak zit a ni (Jer. 36:1-9). Baruka chu Jeremia's Secretary a hong ini tak a ni. Kha Jeremia thuhiril lekhabua zia tak kha reng Jehoikima khan a lei hâl pai zit tak a ni (Jer. 36:9-26). Khannisian, Jeremia hin hai takin a irziak nôka, matona a irziak nêka tam ualin a' rziaka, reng sual tak dik lina hai inlangin a dem tak a ni (Jer. 36:27-23).

6. Jeremia thuhrihai a hong tung indikna: - Jeremia thuhiril tak angin Jerusalem khopui chu Babylon mihaiin kum 587 BC-ah khan an siata; Juda mi tamtak sala (*exile / captive*) an hruaihaia, Babulon rama kum 70 vêt sala an intâng tak a ni. Babulon sala an intângna san chu Pathian Thu zôm nuammahaia, an sual ata an let

Chângvong:- Jer. 1:7
Rengpa'n ki kuang, “Naipangte ki ni irti ual no ro, nang ki itirna mipuihai kuang fe'n lan, hril hranga ki thu nang ki pêhai chu hrilhai roh”.

Hrilsôp hrang: -

1. Jeremia irhming omzia i mani? Jeremia hi kho khua a suak mani?
2. Jeremia hi Pathianin itin mo a ikoi?
3. Jeremia thuhrihai ziaaktu (*Secretary*) kha imo arhming?
4. Judahai kha itho mo Babulon sala (*exile / captive*) an intâng?
5. Kum iza mo Babulon sala (*exile / captive*) an intâng?
6. Jerusalem kha itik kuma siat mani? Tu insiat mani?

Iamna sikin Pathian thupêk chu Abrahamana'n a zôm taka ni. A naipa Isaaka an hlana, a naipa that hranga chemte leh invit that a tum lai takin Rengpa vantirton'n, “ *Ni naipa chung khan ni kut insum no'n lan, ite tôn viat no ro, ni nai neisun khom pêk hrangin nin hroi no sikin, Pathian ni chi ti kin hriat ta*” (Gen. 22:12) a tia. Abrahamana' a naipa a'n hlan hranga khan Abraham'n, “**Jehova Jire**” a tia; a omzia chu “Pathianin ngaitua a ti' tina a ni. A naipa kha in hlan ta loiin, inhlanna hmun kôla khan belra chal a lei oma; kha belra chal chu a naipa irthûla halirvôm thil in hlan chu an hlan tak a ni.

Abrahamana hin Pathian a iam zoina tak chu a naipa a inhlana hin a inlang a ni. Khasikin, Abrahamana chu 'iamna pa,' 'iamtu murdi pa,' ti a hong inlang tak a ni.

Abrahamana nuna thil irsinsia hrang poimohai chu: -

1. Pathian koina a donga, iamna le thuoina'n sin a tho.
2. Pathian chonginkung le zoro khit chu chiar loiin iamom takin a nghak zoi.
3. Abrahamana'n Pathian a iamna chu Pathianin a felin a siam tak a ni.
4. Pathian kuanga lungril pêk taka irbôlna a nei ngaia, Pathian a biak dân hi a tak a ni.
5. Pathianin Sodom mihai a hrem laiin takirtai takin a chongchai (Gen. 18: 16-23) Pathian a iamnaa hin beiindong ngai mah.
6. Pathian thupêk oiin la zômin a naipa (Isaaka) nei sun a'n hlan zoia, a naipa irthûla belra chal a pêk. Ama hun a ta ' Jehova Jire' ti thu hi a hong inlang taka ni.
7. Pathian iamna'n a sabei ngita, a nuna hin Pathian iam ngamna irlâpzia a nin hmutir.

Chângvong:- (Rom. 4:3)

Pathian lekha Thu'n imo an sîr kha? Abrahamana khan Pathian a iama, kha a iamna kha thiaminhangtir a ni, a tia.

Hrilsôp hrang: -

1. Abrahamana kha kho ram ata suak ma nih?
2. Abrahamana irhming omzia le isaaka irhming omzia i masni?
3. 'Jehova Jire, omzia imani?

IRCHULAI - 9

PATHIAN KOINA DONGTU - JEREMIA

A thutum :- Pathian Thucha dik hril hrangin mi a koi

Tep hrang :- (Jer. 1:1-10; 38:1-6, 24-28).

THUMAHRUAI

Pathian Thucha hril hrangin mihriam hi Pathianin an nanga, mi dik le iamindet le huaisen mi hi a koi nuam ngai a ni. Avuan hin Deipu Jeremia thuchi le Pathianin a hmanng dan hai ei irchu hrang a ni. Thuthung Luia hin deipu lian (*major prophet*) le deipu chin (*minor prophet*) an oma, Deipu Jeremia deipu lian laia tep sa a ni, asan chu a lekha hi a tam sika deipu liana lut sa a ni. Kum zabi 7-na hun laia Deipu a ni. Ama sintho ruala Deipu chu Depu Isaia a ni. Avuan hin sinthotu huaisen tak, iamindetmi Deipu Jeremia thirchi le a sinthonahai ei insir hrang a ni.

1. Jeremia thurchi: - Thuthung Lui *Map-ah* hin Israel ram le Judai ram a oma, Jeremia hi Judai rama *Anathoth* khua mi a ni. Anathoth (atuna *êAnata* an ti tak khu a ni), Jerusalem khopui ata nâi tak a ni. Jeremia irhming omzia chu ‘Rengpa’n a choiindom’, tina a ni. A pa chu Hilkia a nia, a insungkua irchihai rengata Pathian sinthotu insungkua an ni. Jeremia suakna kum hi 645 -640 B.C. vêla suak niin an lang. Deipu ni hranga Pathian ata koina a dongna chu kum 627 B. C. kha ni a ti. Judai ram reng Josia inlal lai (kum 640-627=>13) sênga a ni. Reng Josia chu kum 609-ah khan a thia. Pathian ata koina a dong lai hin Jeremia chu ruathar thoibap a ni. Khannisian, Pathian iamindet mi a nia, mi huaisen tak a nia, Pathian thucha hrilna sika martara thi niin hril a ni.

2. Deipu Jeremia hun laia Israelhai dinghmun: - Deipu Jeremia hi Judai ram sintho a nia, a sintho lia Juda reng chu Josia a ni. Josia inlal kum (640-609) a ni. Kum 609-ah khan Josia a thia, a naipa Jehoahaza chu tha thum vaih an lal. Kha zoia Jehoiakima kha kum 609-598 B.C. sêng a hong inlal tak a ni. Ama zoiin Zedekia chu kum 609-598 B.C. sêng a hong inlala, ama inla sêngin kum 587 B.C.-ah khan Juda khopui Jerusalem chu Babulon rêng le mihaiin an hong insiat tak a ni. Hi hun sêng hin deipu sin hi a itho tak a ni.

3. Deipu Jeremia Pathianin a koina:- Jeremia hi kum zabi 7-6 B. C. laia deipu hrang koi a ni. Judai ram Juda reng lai fel tak Josia hi a oma, Pathian Thu oia, Juda-hai sualna le an tunkulianna hi ar vei tak tak ngaa ni. Reng danghai Jehoahaza, Jehoiakima, Jehoiakina le Zedekia hai chu Pathian iam indik mi ni ma hai. Josia hin Pathian an biak dan sa loihai chu siam insat a tum ngai a ni. Mipuihai hi an milung takin Pathian nâi nuamna le a thu zomna nei ngai ma hai.

Kha lai taka khan, mifel routhar fel tak inkhat hi Jerusalem-ah Anathoth khuaa mi Jeremia hi a oma. Ama chu Helkia naipa a nia, ochai naipa, sakho insungkua mi a ni. Pathianin a zuangchong-puia,” Namhai lai deipua nang ki inkung tak a ni”, a’nhri. Jeremia chu a’rsin tak taka, “*O Rengpa Pathian, naipangte kêng ki la nia, thu hril khom thei ma ung,*” ki tia. Khanisianlan, Rengpa’n ki kuang, “*Ki naiinpangte ki ni irti no ro,hril hranga ki thu nang ki pêkhai chu hrilhai roh*” (Jer. 1:7) a tia. Jeremia hih Pathian ata koina a adongzoro chu 627 B.C. vêl a ni, kha kha Josia dam sung hin deipu sin a itho a ni.

4. Deipu Jeremia’n hâi takin sin a thona: - Jeremia hi a sinthona hin a san a dengtheina a tuanga; khasikin, Jeremia hi ‘deipu beiindong’ (*weeping Prophet*) tiin irhming phua a ni. Reng fel Josia chu kum 609 BC-ah khan Meggiddo hmuna khan Aigupta sipaihai leh an irdoina khan a thia, Deipu Jeremia khomin a châ tak tak a ni. Josia thi hnungin a naipa Jehoaza hi tha thum dok an lala, Josia naipa ngêt Jehoiakima an lal nôka, ama hi reng sual tak a ni. Pathian nuamloi lam sin ngai a ni. Khanchu mipui khomin millim pathian an biak tak a ni.

Pathian Thupek angin Jeremia’n reng Jehoikima thil dikloi tho chu a dem tak a ni. Temple kholoia mipui laia hâi takin Pathian thupek chu a hril tak a ni. Millim pathian biak loi hrangin a hril (Jer.7:8-9). Jeremia chu athian mi a nia, Pathian ata thuhai kha mipuihai a hrila, upahai rek chu a chung a ningmur taka ni. Khan khomin, Jeremia chu hai takin Pathian Thucha chu a hril mai tak a ni.

5. Deipu Jeremia’an Pathian Thupêk a’rchutir dân: -

Jeremia dinghmun hi asân an taka, kha dinghmun intak kara khan Pathian Thu chu hai takin arzichutir ngai a ni. Thu a irchutir hi lam minlia om a ni:

SEN THUMNA
IAMTU NUNCHAN SA

IRCHULAI - 11

IAMTU NUN:- OM DAN IRTHIANG

A thutum :- *Pathian le mihriam mit hmua irthiangna.*

Tep hrang :- *(Isai 6:1-4; I Joh. 3:1-3; Phil 1:27; I Pet.; Heb. 12:14)*

THUMAHRUAI

Ei Pathian ziapui tak chu irthiang (*Holy*) ani. Kristian nunchan sa tak inkhat chu “Irthiangna (*Holiness*) a nia; khasikin, irthiangna hi a poimo tak a ni. Irthiangna ei ti hin sêngtiang le pentianga irthiangna hi Pathian le mihriam mit hmua a nia, khasikin ei irchu hrang hi Pathian le ei mihriam champuihai laia nundan irthiang hi ei irchu hrang a ni.

1. Irthiangna (*Holiness*) omzia:- Irthian (*holiness*) hi Thuthung Lui Hebrai chongin *godos* ti a nia; Thuthung Thara Greek chongin *hagios* ti a ni. a omzia tak chu (*separation*) tina a ni. Sakhua lama (*in religion sense*) Pathian ta hranga a hrana om tina a ni. (*set apart for God and his service*) irthiangna chu porinche le saloi ata irkiang le koploi tina a ni.

2. Thuthung Luia irthiangna:- Thuthung Luia Pathian nam irthianghai chu Israelhai an nia; irthiangna ti hi asân an ûar tak tak

IRCHULAI - 10
KRISTA SIKA MARTAR - STEFANA

A thutum :- *Krista iamtu det tak mi le Irtha sip mihai chu mar tar an ngam.*

Tep hrang :- *(Tir. 6:1-15; 7:1-60; Heb. 11:23-26; II Pet. 2:15)*

THUMAHRUAI

Thuthung Thara Krista leh irzoma chi loia tuang ngamtu le thi ngamtu chu Stefana a ni. Thuthung Thar chu Stefana hi Krista sika martar masa tak a ni. Thuthung Thar Koiindang inding phut laia khan stephana chu Koiindang Upa sari inthang laia mi a nia, “Pathian Irtha le varnaa sip a ni.” Ama thurchi hi irnghai nuam a om, Krista iamtuhai ta hranga inthorn a hranga entonrua sa tak a ni. Stefana irpêkna le huaisenna ata hi irchu hrang poimo tak ei nei. Nangni lai khom nakana chu Krista missionary le Koiindang sinthotu poimo tak takhai nin la chang thei a ni. Krista Koiindang inding hi irpêkzoina le martar nangna hmun a ni. “Martar-hai thisen hi man boiin / makana’n luang ngai mah,” ti hi Stefana martar nina hin a dik takin a inlang a ni. Martar-ah thi Stefana thurchi hi ei hong sui hranga ni, kuluk takin ei irchu hrang a ni.

1. Stefana thurchi:- Stefana hi Juda mi dik tak a nia, Grik chong chu man chong ang taka hmang thei a ni. Stefana irhming hi Grik

2. Stefana chu Koiindang Upa sarihai laia mi a ni:-

Thuthung Thara Koindang inding phut laia khan, Stefana hi Upa inthang masa tak laia mi kha a ni (Tir. 6:1-15). Bible-ah Upa srihai irhming ziak lama khom hin Stefana hi a msa taka a chuang. Tir. 6:5-ah kahn, “*Stefana, iamtu det tak le Irtha Irthiang sip le Filipa, Prokora, Nikora, Timona, Permena, Nikola, Juda saphun, Antiokei khua mihai an inthanghai.*” tiin ziak a ni. apostle-hai changpui hrangin Koiindangin Upa sari an inthanga, kha upahai laia khom ilâr ula tak chu Stefana hi niin a’n lang.

3. Stefana chu Pathian Irtha le Vârnaa sip a ni: - Kristian n una poimo tak, roiinpui le irsâng tak inlang chu “Irtha Irthiang sip” hi a ni. Hla phuatu’n, “*Irtha vaih kam a nang,*” tiin a hril. Pathian Irtha Irthianga sip mi’n an dong paih thei ni ngai mah, Pathian sintho a ni. Stefana le a rualhaikiruk chu Irtha Irthianga sip zit an nia; khabana, vârna’n an sip sa ni. Stefana chu chu Kristaa ipêk zoi, iamna det taka ni. Hi upahai hi Irtha sip viah ni mahaia, nun dana irhming sa zit an nia, khotâng le Koiindanga mi kâm om tak an ni. Irthaa sip an ni sikin, Stefana sinthona hi Koindang mipui

4. Stefana chu Jisua Krista iamtu det le huaisen tak a ni: - Stefana chu upa irhming vaih irput maka, Thurchi Sa hrilna lama mi huaisen inlâr tak a ni. A kuanga om Pathian Irtha khan vârna le huaisenna roiinpui a pêka, Pathian roiipuina hrangin sinthotheina roiinpui tak neiin sinirkhêl thoitheina a nei tak ni. Krista sin a thoa, iamtuhai kuang Thurchi Sa a hrila, mihaiin an doia chu inhnê thei ngai ma hai.

Stefana chu Kristaa mi huaisen le kamom tak a ni ti a nuna hin a inlang a ni. A doituhai khan an chela, roireltuhai makunga an sêla, kha sûnga khom Stefana chu irzal loiin huaisen takin tuangdi-arna a inei mai a ni. Na takin an doi le an sêl khomin roireltuhaiin a sualna inhriat thei ual hliak ma hai. Kha nêkin, Stefana hmêl kha vantirtôn hmêl angin kêng an ihmu tak a ni. Irtha Irthiang sip a ni ti a takpuma hin fêl takin a inlang a ni.

5. Stefana chu Thurchi Sa sika martar-in a thi: - Stefana hi Krista sika lunga dengthatin martar-ah thi a ni. Reng Jisua chu pathian Naipa a nizia le soal ngaidamtu a ni thu hi Stefana thupui tak a ni. Thuthung Luia Mosia dân nêkin Jisua Krista iam hi soal ngaidamna a nizia thu a hril uar ngai sika khan Juda mihai an ning an mur tak a ni. Khasikin, Stefana chu an chela roirêltuhai kuanga an intung ngai a ni. An hnôl dân chu, Hi pa hin ei Tempil Irthiang le ei dân hi a hrilinsiat ngai. Nazaret Jisua’n ei tempil hi insiat a ta, Mosie Dân ni pêkhai hi indanglamtir zit a ti kin inhriat a ni,” (Tir.6:14) tiin an hnôl.

Stephan an chel lai khan roirel buala murdi’n Stephan chu an chuta, a hmêl kha vantirton hmêl angin an hmu tak ani. Roirel buala khan Thurchi Sa a puangindara, an irchibul Abraham ren-

“Khanisian, Stephana chu Irtha Irthiangin a sipa, irvan tiang a thir chiana, hiang hin a hril, “*Irvan irhong ki hmua, Pathian chang tiang Mihriam Naipa ngir khom ki hmu,*” (Tir.7:56) a ti.

Khan, ama doituhai chu an ning an mur uala, khua ren-gata an kel suaka, lungin an deng an deng tak a ni. Khachu thun hriatuhai khan an puanhai kha Saula ke bula khan an sia, a lei enkol tak a ni.

Stefana chu lungin an deng sup sup laikhom Rengpa a koia, “Rengpa Jisua kirtha la ro,” a tia. A thi vang tak khomin ama dengtuhai ta hrangin a chongchaia, “*Rengpa hi an sintho insual hi anhre pehai mai no roh,*” a tia, kha thu kha an sir zoin chu a hrang

Chângvong: II Peter 2: 15

“Lampui dik an pêtsana, an irhmang ta. Beora nâipa Balaama lampui an zui ta. Ama khan chu thilsual tho an lâp takin ar hriata.”

Hrilsôp hrang:

1. Stefana irhming omiga hril roh ?
2. Stefana huaisenna san tak hi imani ?
3. Stefana nuna hin Kristian nunzia itin mo ei hmu ?
4. Kristian “martar” ti hi imo a omzie ?

(Potifara dongma) khomin zalpui hrangin a'n thema; khannisian, iamom mi tak a ni sikin nuam maka, a pu dongma khan a pasal kuang a khan a siat lam tiang report a pêka khan chu Josefa chu intângna ina (Jail) ina khan an khum tak a ni (Gen. 39:20) Josefa chu iamomna le dikna a nei sikin, inhnunga chu mi irmang hrilfia theitu a hong nia; Aigupta rama irchong takin Pathian satvurna a hong dong tak a ni.

c) Daniela le a rualhai iamomna:- Davida le a rualhai hi Babulon reng lal Nebuchednazzara thuneina hnuaiia ram dang sala an hruaihaia; kaldai chongin an irhminghai khom phua a ni. Davida chu Beltesazzara a tia; Hanania chu Sadraka, Misaela chu Mesak, Azaria chu Abadnego a tia (Duet. 1:7). Reng Nebuchednazzara roirêl lai khan Pathian hin iamom takin an oma iamomna nei nohai sian chu saninzôkinom no nihai, an Pathian chu masan nuam mahaia; Pathiana iamom takin an om sikin, hremna khom tuangdiar takin an tuanga; khannisian, saninzôkin an om (Duet. 3:19). Pathiana iamomhai hi itinrenga saninzôkin an om ngai a ni.

3. Iamomnotuhai chung a thil tunghai:-

a) Akana iamomnona chung a:- Akana iamomnona le sualna sikin Israelhaiin Ai khua chinte inhnê loiin mi tamtak an thi phâk ta a ni (Josh. 7:1ff)

b) Juda Iskariote chung a:- Juda Iskariot chu Jisua zuitu a nia; khanisian, iamomnona sikin, sum 30 tangka ringota inlâpna sabeiin a rengpa jisua Krista chu a zuarpai tak a ni. khasikin, a hringna chu mualpinphoitakin a om tak a ni (Tir. 11:8).

c) Anania le Saphari sangramhai chung a:- Anania le Saphari sangram chu Pathian thilpêkna thua Irtha Irthiang huangin an inthurual sikin, tirkohai ke bula hin mualinphoi takin an thi tak a ni. (Tir. 5;1-11).

4. Iamomna inlangna hmun:-Iamomna inlangna hmun chu hi a hnuaiia ang hin a ni.

a) Mani ta hranga iamomna:- Iamomna le Krista iamtu nun

Pathian ziachu irthiang hi a ni tiin an iam ngit tak a ni. Israelhaiin an Pathian chu Pathian irthiang porinche koploi angin an iam a ni. Isaia 6:3-ah Irthiang Rengpa chu a'rthiang e, a'rthiang e, a'rthiangliai,....." tiin an hril. Pathian irthiangna makunga a hin chu mihriamhai chu porinche tak niin an inhriat a ni.

3. Thurthung Thara irthiangna:- Irthiangna hi Thuthung Thara chu Grik chongin *hagios* hi hmang a ni. Thuthung Thara chu sâng lam tianga irthiangna hi a ngai poimo tak a ni. Reng Jisuan lungrîla irthianghai chu an vâna sa e, Pathian an la ihmu hrang sikin, (Mat. 5:8). Ziaktu dang Paula le Johana khom irthiangna hi sâng lam tianga irthiangna hi an hril ûar tak khom a ni. Thuthung Thara Reng Jisua hril dân chu lungrîl sânglam irthiang hi a hril ual tak a ni.

a) Irthiang chu lungrîl lam tianga irphut a ni :-Mi lungthung mo, Pathian lungthung mo, mi en nuamnohai hi sâng tiang lungrîl ata irzir a ni. Entirman- Pharisai hi pen tianga irthiang an uara sâng tianga irthiangna an tum no sikin Jisuan a demhai a ni.

b) Irthiang hi Pathian hmuna a ni:- Jisua lungrîla irthianghai chu an vâna sa Pathian an la ihmu hrang sikin ?(Mat. 5:8) tiin a hril. Irthiangna boiin Pathian hmu thei ni mah (Heb. 12:14).

c) Irthiangna hi Pathianzia pui tak a ni (Holiness as God's character) : - Pathian chu Irhha a nia; (Joh. 4:24) a nia; irthiang liai a ni. Ama biak bûkhai chu Irtha le thutak le irthiang takin chubai an mûk hrang a ni.

d) Pathian irthiangna chu a mihaiin ei chang hrang a ni (we may share in His holiness): - Irthiangna chu Pathian ta a nia; Ama pôltuhaiin iamna irhngattuhaiin ama irthiangna chu an chang ngaêt hrang a ni.

e) Taksa irzukna sual ata irdînna le ruithei thil (zu le ruithei thil dang) ata insum thei/irdîn theina hi om dân irthiang chu a ni: - Fâk sa no irdâi sa no, taksa irzukna sual ata insumna chu

a takpumpui Pathian ta hrangin a vong irthiang ngai a ni.

4. Om dân nun dan irthianga irzômpui inkhat chu faina hi a ni:- Thuvarin “Irthiangna chu Pathiana sakhua lam tianga nâi tak a ni. (*Cleanliness is next to godliness*). Taksa fainahai, sil le kai fainahai, In, bêl bûr fainahai, fâk le infainahai, irthiang takin ei omin chu lungrił tiang khom a ni changpui sa ngai a ni.

5. Irthiang hranga koi ei ni: -

6. Ei irthiang hrang chu ????????????????

Taksa lama hrisêlna sa tak khom a ni. Khan Pathian le mihriamhai irthiangna chu Pathian nuam dân tak a ni.

Changvong:- (I Pet. 1:15-16)

“Nangni a koitu a irthiang angin nangni khom nin omlam murdia lei irthiang roi, Pathian Lekha Thu’n keima ki irthiang sikin, nangni khom nin irthiang hrang a ni” a iti ang khan.

Hrilsôp hrang: -

1. Irthiangna ti omzia hi imani?
2. Irthiangna hi imo a poimona san ?
3. Taksa fainnona , sil le kai fainona le ina irthiang nona hin ei takpum hrangin imo ni nih ?
4. Ruaithe thil (zu le дума, inzûp) ata irdin theina hrang hril ro.

IRCHULAI - 12

IAMTU NUN: -IAMOMNA (*FAITHFULNESS*)

A thutum :- *Mi iamomin chu Pathian in a choiirsâng ngai.*

Tep hrang :- (*Lk. 16:9-13; Sam. 37:3; Thuv. 28:18-20*).

THUMAHRUAI

Iamomna hi iamtuhai nuna a poimo tak inkhat a nia; Pathian le mihriamhai laia ei iamomna tak hi ei sinthona puihlingna tak a ni. Pathian ni nuamlam chu iamomna nei hi a ni. Koiindang sinthotu iamomna boi chu a sintho kha a omzia a iboi a ni. Iamom chu thu vaia ni loiin mani sinthona ngeia inlangtir hi a ni.

1. Iamomna omzia:- Iamomna hi iamna (*faith*) ti leh hin arzui mai a ni. Bible-ah sui loiin iamna chu mihriamin Pathian a iamom zia chung a irhngat ngamna hi a ni. Iamomna chu iamtu nun reng a nia; Pathiana iamomna khan a sin ei ithona hin Pathian chipum le inzapuma a thu zôm mai hi a ni. Iamomna hi mihriamhaiin nei ngît hranga Pathian thil tum a ni. Iamomna chu takirtâinahai, diknahai, irpâknahai, intaknahai a huamsa zit a nih.

2. Bible-ah iamtuhai chung a thil tunghai:- Iamomna hi Pathian zia a nia; Ama iamtuhai tho tum tak chu iamom taka sintho mai hi a ni. Iamomna ei inhriatinfel theina hrangin Bible-ah mi iamomhai thu ata ngaitua ei ti-

a) Nova iamomzia (Gen. 6:9-22):- Nova hi Pathian Thu a ôi sikin, iamom takin irkûang a tuka, zoro sôt tak iamom takin sin a tho a ni. Mihriamin an in nuisan an iamno khomin Pathian Thu ôi sikin iamom takin irkûang a tuka, a insûngkua chu zokna a nia; iamomna nei no sianlan chu irkuang kha tuk zoi no nih. Iamomna nei mi chu tuangdiarna khom an nei ngaia; Pathian ata satvurna khom an dong ngai a ni.

b) Josefa iamomna (Gen. 39:42):- Josefa hi Jakoba nai a nia; a upahaiin Josefa chu an zuara Aigupta rama Faroa kuang a om tak a ni. Rengpa chu Josefa kuang a oma; a pu mit a tunga sungkûa ten khom hrulaitu nina khom iam zoiin a pêk tak a ni. Kha lâi khan a pu dongma

a) Tuangdiarna hi hlohlingna a ni:- Tuangdiarna ti chu thlohlingna ti khomin hril thei a ni. Mihriam laia hin mi hlohling hlochuk ei tihai hi tuangdiarna taka sinthotuhai hi an ni. Entîrnan loi le irhuan neina lama, lekha irchuna lama, Office-ah sintho le thil dang dang hin tak irtâi taka tuangdiarna hin mi hlochuk an ni thei ngai a ni. Loi nei mi le lekha irchu mihai khomin thei takin tuangdiar taka sin an tho'n chu a ra lômman an ât ngai a ni. Tuangdiarna nei loi chu hlosamna a ni ngai a ni.

2. Tuangdiarna hi inlâpna a ni:- Tuangna hi intak tak chu a nia; khanisian a bul ata a mong dena tuangdiarna chu lam tinrenga inlapna tak a ni.

a) Taksa le irtha nuna tuangdiarna :- Mi tin ta hranga entonrua ni hrangin lam tinrênga tuangdiarna hi a ni. Kristian ta hranga tuangdiarna inlangtirna chu lampui tam tak a om a ni.

b) Mani sinthona tinrenga intak tuangzoina- Mitin hi sintho hrang chit a neia; mani sinthona lama hlochukna tak chu intakna hai tuangzoinahai a ni. Mi thlohlinghai chu an sinthona lama takirtâi taka tuangzoihai hi a ni.

3. Irchûna sa dongthei hrangin tuangdiarna a nang :- Irchûna (*Education*)-ah hlohlingna hrangin tuangdiarna hi a poimo tak tak a ni. Irchuna lampang a hin insungkua irchuna a oma; school-ah irchuna a oma; insungkua-ah chu nu le pa hi irchutu masa tak an ni. Nu le pa hin Pashian Thu le omdân satnahai an irchutira irchuna le inthornahai an irchutirngai a ni. Mi pualoi chu kha irchuna kha tuang zoiloin irngai nuamloin a tôpa chu mi hlosam le mi baiin an dong ngai a ni. School college le training-ah hin mi thlohling chang hrangin a bul ata a mong dena tuangdiar a poimo tak tak a ni.

4. Insumtheina lama tuangdiarna :- Insumna thila hin tam tak a oma Kristian vanglaihahi ta hranga poimoualhahi chu tarlang a ni. Insumna thila hin ulian (*puihling*) hai nekin vanglaihahi hin irdîn hrang tam tak a om-

a) Fâk le in lampanga: - Fâk le in lampanga hin ruithei thil chi tam tak a oma. Entirna'n zu,

taka ei iom hi a ni. Ei hruaituhaiin tho tum (*assignment / homework*) an ni pêkhai hi iamom taka ei tho zoina hi a ni. Kha kha iamomna ti hrang zit a ni. Naipang ei la nilai hin chu tho tum le mophurna ei la nei intama khannisian nakana ram le nam hruaitu le Koiindang hruaitu poimohai la chang ei ta, sintum mophurna tam takhai ei la dong hrang a ni. Kha sintum chung a khan iamom takin sin ei tho hrang a nang a ni. Iamommihai chu Daniela, Nehemia hai an nih.

b) Mani insungkua iamomna:- Mani insungkua chung a ei iamomna masa tak hrang chu nu le pehai chung a ni. Pathian Thuin nu le pahai thu ôi chu dam sôtna a ni (Efesi. 6:1). Mani inungkua ei iamom chu nu le pahai thu zômhai pi le pu inza thei le enkôlnahai hi a ni. Insungkua a sin tho hrang an ni ipêk hi takirtâi taka sin zoina hi ei iamomna, neinun enkôl lama, nu le pahai omna kara khom iamom taka sin ei thona hi choiirsângna ei dongna a ni.

c) Midang chung a iamomna:- Ei Bible-ah khan (Rom. 12:17) a khan "*Miin ni chung a an itho ni nuam lam ang takin mi chung a khom tho roi*" tiin zia a ni. Mihriam hi mani ta hrang vaih a ni mak mea; midanghai kuanga iamna le sinsa sin hi a poimo tak a ni. Rual le rual kongkâra le midang ei kongkâr indetna bul tak chu lungthungna le iamomna hi a ni.

Reng Jisua khom eini saninhringna hrangin iamom takin Kross-ah hemden a om tak a ni. eini misualhai hin nun thar ei nei theina hrangin misualhai an hemde Kros-ah khan mifel tak Reng Jisua chu hemde a ni. Kristian nun chu midanghai chung a iamomna hi a nia; midang chung a ei iamomna hi Kristian nun ei itârlangna a ni. Midang changpui innanghai ei ichangpuina hi Jisua Krista ei changpuina a ni. Midang chung a inlangtir a ni.

d) Koiindanga iamomna:- Koiindang chu Jisua Krista takpum (Efesi. 1:23) a khan hmu a ni. Einihai hi a ttakpuma ônhai ei ni (Efe. 5:30). Krista chu ama takpum Koiindang chu saninhringtu a nia; Koiindang lu a ni (Efe. 3:23). Koiindanga iamom loi chu Pathian ta hrangin iam om thei loi a ni. Koiindang sûnga iamomna chu hihai hi tarlang a ni.

i) Thilpêka hin ei iamomna ei inlangtirna a ni. Ei pêk indik le indik loi hi Koiindanga ei omna hin a inlang mai a ni.

ii) Thilpêk enkôlna hi eini iamomna inlangtirna le Koiindang sepna dân zomna iamna a ni.

iii) Fâk le nêka iamomna a pêk nuam

- iv) Nupang le pasal nei chungchanga iamomna.
- v) Koiindang sepna (*discipline*) dân zômna chungchanga iamomna.

Ei Bible-ah tômte chung a nin iamomna tam tak chung a in omtir ki ti ,a ti-

e) Ram le khotânga iamomna:- Pathianin Ram hi Rengpa ta a ni a tia; khasikin ei lêngna ram hi Rengpa ta zit a ni. Ram le khotâng siamtu chu Pathian a nia; A neitu Pathian nuam lama iamomna hi a inang a ni. Ram le khotânga ei omdân hrang chu - Ram satna hranga dân thua iamomna khua le tui satna hranga iamomna Govenrment thil enkôlna lama iamomna, nam satna hrang dân thua iamomna ramsa insûng sahai enkôlna lama iamomna le thil hringhai chung a Pathian nuamlam anga iamom taka enkôlna hi a ni.

Changvong:- Thuphuang 2:10-11)

“Ni tuang hranghai hi ite chi no roh. Irngâi ta! Nin laia mi senkhat intângna ina khumin Setana’n nangni a ifia hrang a ni. Khante sôn sôm dengthei nin ti. Thi dênin keimaa iamomin om roh, khanchu inhnêna lomman hringna renglukhum nang pe ki ti.”

Hrilsôp hrang: -

1. Iamomna omzia tôite hril roh ?
2. Bible-ah iamomtuhai mi inhni irhming sâm roh ?
3. Iamomna poimona iamani ?
4. Iamomna hi itika mo intak ni iti ?

IRCHULAI - 13

IAMTU NUN: -TUANGDIARNA

A thutum :- *Tuangdiarna chu hlohlingna a ni.*

Tep hrang :- (*Mat. 10:22; Rom. 8:25; Jak. . 1:12; I Pet. 2:18-25; Jak. 5:8*).

THUMAHRUAI

Tuangdiarna hi thiltum neia hmang a ni ngaia; thil sa siamna lama tuangdiarna a oma thilsa loi lama tuangdiarna a om ngai. Pathian nuam lama a nin chu a sa zit a nia; tuang zam zama hlohlingna hi Pathian iamtuhai mophurna a ni. Lam tinrênga diarna hi a poimo tak a nia , irchuna lama hlolingna hrangin tuangdiarna a nanga, hruaitu hlolingna hrang khomin tuangdiarna hi a nang ngêt a ni. Mi tu khomin tuangdiarna nei loiin ra lôman dong ngai mah. Avuan hin tuangdiarna hlutzia le hringnuna a poimoziahai ei irchu hrang a ni.

1. Tuangdiarna omzia:- Tuangdiarna ti chu tuangsôt thei, dorôi thei, diar thei tina a nia; Tuangdirna hi tuang intak lai khoma chiar loaia diar taka tuang zam zam hrilna a ni.

Tuangdiarna hi ei nuam sika ni maka loman dongna tuang diarna a ni ual. Loisin thohai le irchulai (student)-haiin tuang hnunga an sinthona ra lômman an dongna san tak chu an tuangdiarna sika a ni. Iamtu hai tuangdiarna chu Pathian sika a nia; an tuang zoiin chu hringna renglukhum an hmu hrang a ni. Ei Rengpa Jisua Krista hi tuangdirarna lam mahruaitu le hnena changtu a nia; einihai ta hrang piala tuangna irtemtu Krista tuangdiarna hriatmaiin lôm taka tuangdiarna hi iamtu hai tho tum a ni. H i tuangdiarna omzia inhriatmaia lamtinrenga lôm taka tuang zâm zama hlolingna râ lomman dong hrangtu ei ni.

2. Tuangdiarna hmangrua poimohai:- Tuangdiarna poimohai chu ei thei lam hrang takin hi ang hin tarlang a ni-

3. Insumtheina ra:- Insûmtheina ra ei ti hi Galatia ziaka Irtha râ ei ti kha a ni (Gal. 5: 22, 23). Insumtheina râ nei hrangin chu a nang . Mani tumna le hratna ringot sabeiin chu insumtheina ra dongthei ngai mak me, Pathian chi puma lamtinrenga mani nun hi Krista Thurchi Sa leh irhmê phot hrang a ni (Fil. 1:27) Mihriam irhming ni thang le roiinpui le tinreng hlohlingna an chang thei ngai a ni.

Changvông:- I Kor. 9:25

“Irsiatnaa changhaiin chu lam tinrenga an irdîn ngai. Anni chu Reng lukhum siat thei hmu hrangin an irsiata ; eini chu renglukhum siat theiloi hmu hranga a ni.”

Hrilsôp hrang: -

1. Insumtheina hi itho mo a nang ?
 2. Insumtheina nei hrangin point ringahai kha hril roh ?
 3. Insumtheina hranga ringahai laia hin imo intak tak hrang anga ni ibe ?
 4. Insumtheina râ imani ?
-

b) Nupang le pasal irditna lama:- Nupang le pasal irditna lama hin thei taka insumtheina hi a poimo. Siat le satna lama mani taksa le nunchan irenkolna sa a nang. Kha taka insumtheina kha iamtuhai nun a nia; Bible-ah iamom taka insumtheina nei mi chu Josefa a ni. Tuangdiarna nei loia insumtheina nei loi hi a mongna tak a chu beidongna le chapna a ni ngai a ni.

5. Tuangdiarna hi hnêna le choindômna a ni (I Pet. 1:6; 4:13):- Tuangna hi ei hrô nôn chu lomna om thei maka intakna a ni ngai, Kha laia iamtuhai entonna hmang hrang tak chu Jisua Krista vaih a ni. Krista chu ei entonrua tak a ni. A pa nuamlam sin sika tuang a nia; sualna le hlemna tinreng tuang zoiin a mongna taka chu hnêna a chang tak a ni. Kristianhai chu Krista tuangna hi ei irkop hrang a ni. Bible-in Krista tuangna koppuituhai nin nih, sikin lom unglan, roiinpui taka; a zuang inlang tena chu raifan le lômin nin la isip hrang a ni (I Pet. 4:13) Khasikin iamtuhai chu thi dena iamom taka tuangdiarna nei mai hrangin Bible-in a nin hril a ni.

Chângvông:- (Mat. 10:22-23)

“Keima sikin mi tinin nangni la hnôl an ti. Khannisian tu khom a mong dena tuangdiar ka chu saninhringin om a ti”

Hrilsôp hrang: -

1. Tuangdiarna hin imo a idong hrang ? Point minli sam roh.
2. Bible-ah tuangdiarna changtuhai irhming sâm roh ?
3. Tuangdiarna nei hrangin tumo entonrua tak a ni. ?

IRCHULAI - 14

IAMTU NUN:- INSUMTHEINA

A thutum :- *Insumtheina hi puihling nun a ni.*

Tep hrang :- *(I Kor. 9:24-27; Gal. 5:22-26; II Pet. 1:5,6).*

THUMAHRUAI

Insumthei hi english chongin chu *self control* a nia; a omzia tak chu mani irsep theina tina a ni. Insumtheina hi iamtu nun lungrîl le ngaituana tianga hrilna a ni. Insumtheina hi mani nun inhriattheina a nia; mihriam tinin ei poimo chit a ni (Gal. 6) Paula hin insumtheina hi Irtha ra kuakhai laia a sia; Krista zuitu nuna irtha tiang sintho hong inlang suakna a ni. Mihriam insumthei min chu a hringnun a indettir thei ngai a ni. Puihling tak hong ni theina bul chu insumtheina a ni. Paula lekha thon I Tim. 3:2-ah khan Koiindang hruaitu zia chu insumtheina hi a ni tiin a hril. Tita. 2:2-ah khan Putarhai khom insumtheina nei hrangin Paulan fuina a pêk. Irchutirhai le nu lepahai khom hi insumtheina a poimo tak a ni. A vuana ei irchu hrang lesson chu insumtheina a ni. Hi hih mitin hmang hranga poimo tak thupêk a nia; a bîkin vanglaihahi ta hranga poimo ual a nih.

1. Mihriam nunzia le irzukna hratzia:- Pathianin mihriam a siam phut ata irzukna neia tuiinhral nei mi ei ni fâk le nêk irzukna nei mi, sil le kaia, sum le puan, in le loihai, le nupang le pasal irditna lama irzukna nei mi rêng ei ni. Hi irzukna le nuamna thuhai hi mihriam irzir rengata hong irzirpui a ni. Mihriama hin ite irzukna le nuamna nei loi mi chu mi angloi (mi piangsual) a ni. Sia le sa hriat mi ei nia; ei taksa pum le ei nun sa le siat hranghai hi mihriam puihling a inhriat thei ngai a ni. Ei irzukna le ei nuamna murdi ang hin om inlan ei taksa le nunzia a isiat chit hrang a ni. Khasikin taksa le Irtha lama ei nunzia asa theina hrangin insumtheina mihriamin ei inang zit a ni.

2. Insumna hranga lampui senkhat omhai:- Taksa le nunzia

a) Chong le thuhirilna lama:- Biblein “*Ni thu khan thiam nang inchang ata ni thu ngêtin thiamno nang inchangtir a ti*” (Mat. 12:37) a ti. Chong le thuhiril hi mihai ta hranga satvurna a nia; mihai ta hranga siatna khom a ni thei. Chong le thuhiril hi a dinghmun ena chong hi a nanga; nang le midang innattir thei a ni. Midang satna le felna hril nêkin midanghai siatna, derna ata insumtheina hi a poimo tak tak a ni.

b) Ningmur le nuarna lama:- Mihriam puma hin nuarna le ningmurna hi a om thei rêng a nia; khannisian hi taka insumtheina hi irtha ra poimo tak a ni. Bible-in ni ningmur chu indâipai ro ningmurna hi invethai rôpsuama kêng a om ngai (Thuhiriltu. 7:9). Ningmurna le nuarna ata insûmtheina nei hi mani lungril nun ei inhriatna a ni.

c) Ruithei thil:- Zu le inrui thei thil chi dang dang chu - Zu, kanja, kani, drugs, le thil danghai hi ei taksa le Irtha nun nin siattu tak a ni. Kha khela insûngkua Economic-ah insiattirtu a ni.

Ruithei thila Bible-ah a ihril chu Zunrui mihai le rôluak mihai chu hong inriangtir tir an ti (Thuf. 23:20;21) “.....*Zu’nrui mihai hi Pathian Ram lua viat no nihai*” (I Kor. 6:10). (Efe. 5:18)-ah “*Uain inrui uar no roi siatna bul a ni*” (Efe. 5:18) tiin Paulan a hril a ni. Ruithei thila voikhat irtem hi voi tam tak fâk nuamna a om ngai a ni. Khasikin rui thei thila insum vaih ni loiin mâksan ngêt a nang a ni.

d) Inzûp le hmuama:- Duma (*tobacco*) hai hi inzûp le hmuam hin mani taksa a siat thei a ni. Mit le hmaihi khom duma fâk le inzûp a hin an siat ngai a ni. Khasikin duma inzup le hmuama hin insum hi asa tak a ni. Insûmtheilona hin taksa a tuara mani irchi (*generation*) dên khomin a zui thei ngai a ni.

c) Naipang le pasal irditna lama:- Nupang Pasal irditna ata hi sualna uirena-hai a hong om thei ngai a ni. Insumtheiloina hin Koiindang dân balam anga fe loiin Koiindang sepna a hong om ngai a ni. Nupang pasal insumtheiloina hin ruathar dongma an rota, nu pa thu zomnona a nia; pa hriat loa nai vong a hong om ngai,

Irchulâihai (students) inhriatmai hrang:**1. Sakrament hi itina mani ?**

Sâmna: Pathian satzia, lungkhamzia inlangtirna hmangrua le Krista ta hranga thi dena iamom hranga iamtuhai chongirkhâmna a ni (Mk. 8:34)

2. Kristia'n sakramen a indinghai hi imani?

Sâmna:- Sakramen inhni Baptisma le Rengpa Zâmbu (Mat. 28:19; Lk. 22:19).

3. Sakramen poimona imani ?

Samna:- Koiindanghai iamna irchutirna vongindikna le inpumkhatna (Efe. 11:1-6)

4. Kristan sakrament a siamna san imani ?

Samna:-

- a) Irtha lam thilhai entirnan (Rom. 4:11)
- b) Koiindangin kumkhua Krista inhriatmainan (I Kor. 11:24)
- c) Pathian thuthung irsinsianan (Heb. 9:15-17)

5. Sakramen hih Irtha lama imo sin a tho ?**SEN MINLINA****IRCHULAI - 15****SAKRAMEN
(SACRAMENT)**

A thutum: - Sakramen hlutzia le poimona inhriattir.
Tep hrang (Text): -Mat.26:26-30; I Kor. 10:16-22

THUMAHRUAI

Sen minlina hin Pathian Thu buah (*Theological book*) Sekramen thu bîk ei irchu hrang a ni. Sakramen hi Koiindang tinin an innang le a poimo tak a ni. Sacramen hi Koiindang murdi'n thilser poimo takin ei nei chit ngai a nia; Pathian Thuthung om Koiindang innang tak a ni. Koiindng senkhat Quakes pôl le hi Salvation Army pôlin chu Sakramen hi nei mahaia; Roman Catholic len vangin chu Sakramen 7 (*sari*) an neia; ei Presbyterian Koiindangin chu Sackramen 2 (*inhni*) ei nei. an irhming chu- Baptisma le Rengpa Zâmbu sakramen a ni. Hi Sakramen inhnihai hih Jisua Krista inding a ni.

Koiindang nina bul tak chu Thu le Sahramen (*Word & Sacrament*) sin hi a ni. Koiindanga sinthotu ei inamindetna (*ordination*)-na san hi a bîkin Koiindang thir serh (*Sacrament*) sinthona hrang a ni. Sacrament hi Pathian Naipa Jisua Krista inding le inkung a nia; Koiindang hi Krista Takpum (*Body of Christ*), Kristian Koiindang members tinin Sakrament hlutzia le a poimohai hih ei inhriatinfel nget a nang.

1. Sakramen omzia:- Sakramen (Eng. *Sacrament*) ti thu hi Latin chong "*Sacramentum*" ti ata hong suak a ni. Sakramen ti omzia chongbâi chu "*irsinsiana*" '*khomâkirsâmna*' manih, '*iamomna chonginkung*' manih tina a ni. Sakhua lama manih Koiindang serh le sâng, irthiang infai hranga sêr bîk tina khomin hmang a ni. Sakramen chu Koiindang thil irthiang serh le sâng thil pentiang inlang theia thil irsinsiana Irtha lama thil inthuk tak irthiang taka inlangna hmangna hranga Pathianin a inkung thupêk a ni.

Grik chonga sakrament an hril dânin chu "*Musterion*" ti a

inlapnahai hmanga irsinsiana namindeta iamtuhai hranga pêk tiin ziaik a ni. England Koiindang thuiama chu sakramen chu sêng lam le Irtha lam tianga satvurna donghai pen tianga le hmu theia inlangna a ni tiin a hril.

2. Sakramen irhming omzia:- Sakramen irhming omzia hi lampui chi thumin hiang hin hril ei ti.-

a) Iamomna chonginkung a ni:- Sepaia lûthaiin *recruitment/training*-ah iamomna chong inkhamna a ni. Sorkâr (*Government*) ta an ni ta sikin, iamomna khomâk irsamna chonginkungna an nei ngêt ngai a ni. Sorakr mi an ni tak sikin, an râlhai chu an pa le nu -u le sang tena khom kap that thei hranga chonginkungna an ni.

b) Thu'rthup le Thu inthûk a ni:- Mihriam irtha le taksa chu Pathian ta a nia, irtha hi taksa tianga hmu thei loi, iamna'n ei idong thei a ni. Hi sakramen ei idonga hin sêngril lama hmu thei a nia; kha khah thu'rthup le thu inthûk an langna a ni.

c) Serh irthiang bîk a ni:- Sakramen chi hnihai-
i) Baptisma le ii) Rengpa Zânbu hi Koiindang thikl serh bîk a ni sikin; a siamtu, a tôntu le a changtuhai hringnun khom Reng Jisua ta hranga thil serh irthiang bîk a ni. Khasikin, sakramen irthiang, irpôlna irthiang (*Holy Communion*) tiin ei ihril ngai a ni.

3. Sakramen fe lam chi hni'n hrilfia thei a ni:-

a) Irbel entirna le irsinsiana ((badges and seals) a ni:-
Pen tianga hmu thei Pathian lungkhamna entirna le irsinsiana (*badges and seals*) a ni.

b) Lungril sêng tianga Pathian Thuthung satvurna :-
Lungril (sêng tianga) Pathian Thuthung satvurna kha Ama ngêiin a inkung kha an hmu ngêt hranga lei inkung tak kha a ni. Kha lei inkung takhai chu iamna sika felnahai (Rom. 4:11), sualngaidamnahai (Mk. 1:11), iamna le suakintharnahai (Mk. 16:16), Krista a thina le thoinôkna irzomnahai (Rom. 6:3) a ni.

4. Sakramen-ah thil inthum a nanghai:-

- a) Jisua Krista inkung ngêt a ni hrang.
- b) Pathian lungkhamna irsinsiana manih, entirnan hmu thein a om hrang a ni (Entirna- tui, uain le bai)
- c) Sêng lama lungril tianga satvurna le a irkop hrang a ni.

5. Sakramen inlâpna (efficiency):- Eini PCI thurin khan Sakramen inlâpna le nangna Krista satvurna sika le iamna a chang irtha'n a itho sik vaih a ni.

a) Sakramen chu Pathian lungkhamna dongna a ni. Hi taka lungkhamna (*Grace*) ti hin Pathian Irtha satvurna chi dang danghai, thilpek iamna sual ngaidamna le sabeina hringnahai hin Pathianin manboi a ni pêk a ni.

b) Pathian lungkhamna chu Jisua Krista zuang inlang, sakramen ei chang nahin ei irkoppuzia an lang a ni. Khasikin, irkoppui sakramen ti khomin irhming inlang a ni.

c) Sakramen hin iamtu irzalhai a enkol sinthona an hringtira Koiindang irpumkhatna an omtir ngai a ni.

d) Sakramen chu Krista thupêka irngat a ni; khasikin, iamom taka hmang a nang iamom taka hmang a nin chu Pathianin sin a tho ngai. Hi hin Krista le irzomin iamtuhai chu siam an ni.

Sakramen hi fâk le in vaiha hin inlâpna om ngai maka, lungril le Irtha taka changtuhai ta hrangin chu Irtha satvurna dongna hnâr a ni.

Changyong: I Kor. 10:16

"Satvur khilât chungâ lômthu ei insîr hi Krista thisen irzompuina a ini loi mani ? Bai ei ikhoi ngai khom hi Krista takpum irzompuina a ini loi mani?"

Hrilsôp hrang: -

1. Sakramen hi ichong ata suak mani ? A omzia hrilfia roh.
2. "*Musterion*" (Grik chong) omzia imani ?
3. Sakramen omzia chi thumhai irhming sam ro ?

3. Baptisma chang dân:

a) *Baptisma changna san*:- Jisua Krista Iamtu thar ta phot chu pa Naipa le Irtha irthiang irhmingin Baptisma an chang ngêt hrang a ni. Baptisma chang hi Reng Jisua le Tirkohai sintho hun lai rengata baptisma chang hi lei tho ngai a ni.

Mihriamin Reng Jisua chu a hong iama, Krista a changa Krista chu a saninhrintua a poma, Koiindang mihai mithmua Krista iamtu a ni a nizia hmu theia tarinlangnan baptisma hi chang a nang. Naite khom iamna ti le baptisma omzia inhriat no khomsianlan, nu lepahai mophurna lakin baptisma an hong chang ngai a ni.

b) *Itin mo baptisma ei ichang*:- Grik chongbâi *baptizo* omzia angin baptisma hi tuia phûm tuia inchia irsil tuia inchia, tuia inthek manih, tuia indui manih, ei ichanga hin baptisma chang dân dik a ni zit. Paula lekhaton khan Baptisma ei chonga hin Rengpa kuanga phumin ei om tak a ni (Rom. 6:4; Kol. 2:12). Senkhat Koiindangin chu hi ichanghai takin Baptisma hi tuia phumlût nget hi a dik an be a ni. Hi ichanghai a hin tuia phum kher hril maka tui hmanga Baptisma ei chang hin Jisua Krista Baptisma chang laia phuma a om chu ei irzompui dan hrilna a ni.

c) *Baptisma changna hmun*:- Bible a hin baptisma changna hmun dang danga hmu thei a ni. Tuidung (Mat.3:13), ivapanga (Tir. 16:13,15) khua a ti hi Tirkohai sinthona bua voi thum ei hmu (Tir. 2:38;41 8:12,13; 19:5) insung ti hi voiminli ei hmu (Tir. 9:17;18; 10:48;16:33; 18:7,8); ramkara ti le ivapanga ti hi voikhat ei hmu (Tir.8:26; 16:13,15). Atun hin chu Biak ina, insunga, ivadunga, sen tam tak chu baptisma changna hmun an nei ngai a ni. Kho hmuna khom nisianlan, a poimona tak chu Krista baptisma changna tak hi a ni.

d) *Baptisma hi tu irhminga chang hrang mani*:- Baptisma chang hi Tirtonhai sinthona bua chu- Jisua irhminga baptisma chang roi tiin ei hmu Jisua irhminga baptisma chang ti omzia hi Jisua irchamneinain chang roi tina a ni. Baptisma chang laia tho dân (*formula*) hrang Reng Jisua ngeiin, 'Pa le Naipa le Irtha Irthiang irhmingin' baptisma chang hrangin thu a ni pêk (Mat. 28:19). Khasikin, atun ten hin Pa le Naipa le Irtha irthiang irhmingin baptisma hi an chang mai ngai a ni.

IRCHULAI - 16

BAPTISMA SAKRAMEN - I BAPTISMA OMZIA LE A NANGNA SAN

A thutum :- *Baptisma sakrament omzia hi Koiindang inhriat-tir*

Tep hrang :- (Mat. 28:16-20; Tir. 2:38,39)

THUMAHRUAI

Baptisma Sakramen Koiindang hmanng hranga Krista inding a ni. Ei ni Presbyterian Koiindangin Sacrament hi inhni ei neia; -

a) Baptisma le b) Rengpa Zânbu hai hih an ni. Atuna ei irchu hrang tak chu Baptisma sakramen omzia le a nangna san hi a ni. Baptisma sakramen hi pol danghai irselna thu hin inkhat a om a ni. Sen tamtak Koiindangin chu Sakramen hi nei mahaia; Quakers (*Society of Friends*) le salvation Army haiin chu Sakramen nei hi a nangna inhre mahai Quaker pôlhai len vangin chu dam sũa sintho hi sakramen angin an irngai. Baptisma hi Pathian Irtha le lungkhamna (*Grace*) sintho, lungril sũa tianga inlangna a ni. Baptisma hin sôpinfaina irthiangna a irkôk a ni sikin, iamtuhaiin inhriat infel nget a nang a ni.

1. Baptisma omzia:- Baptisma ti omzia hi Grik chongin "*Baptizo*" ti ata hong suak a ni. Grik chonga *Baptizo* ti hin English chong khomin Grik chong ata lâkin *Baptism* an tia; Hrangkhol chong khomin Baptisma ei hong ti tak a ni. A omzia tak chu 'tuia phûm' le 'tuia inchia' 'tuia sopfai' 'tuia inthek' mani tina a ni (Exo. 30:17-21' Lev. 11:25). Khan, Kristian hmanng dânna chu kha nêka omzia inthûk ual a nia; Pa le Naipa le Irtha Irthiang irhminga tuia sopinfai, tuia irsil, Jisua Krista iamtu, a thuthung irzompuitu, Ama ta ei ni; tina a ni. Krista thina le a thoinôkna le inpumkhatna a ni (Rom. 6:3-7; Kol. 2:11, 12), hringna thara hring hranga Pathian kuanga irpêkna a ni sa (Mk. 1:4; I Kor. 6:11; Efe. 5:25-27).

Baptisma hi pentianga inlang theina iamna le samna entirna Pathian lungkhamna thuthung indangna le namindetna a ni (Rom. 4:11). Iamna-ah Krista neituhai chu Baptisma an changa hin lam hil le full-member a nina anlanga, Jisua Krista leh an irzoma irsinsiana a ni. Baptisma ei chang hi Krista taksaa khan full-member a hong ni ta ti a entir a ni. Kristian Baptisma inthûk omzia ual tak chu a

1. Krista le ei irzomnahai le soal ngaidamnahai (Gal. 3:26,27; Tir. 2:38) a ni.
2. Jisua Krista thina le thoinôkna irzompuinahai le Krista taka ôn ninahai a entir ual a ni (Rom. 6:3-5 I Kor. 12:13)
3. Krista hringna thara Pathian kuanga irpêkna a ni (Rom 6:3,4)
4. Baptisma changtu chu Koiindanga lôm lûtna a ni (I Kor. 12:12-13)
5. Irtha Irthiang ang ata Irthiangna fâina le soal sopfaina irsinsiana a ni (Mk. 1:4)
6. Pathian lungkhamna Thuthung le namindetna irsinsiana a ni (Rom 4:1)

2. Baptisma nangna san:- Jisua Krista iamtuhaiin Baptisma ei changna sanhai chu hiang hin a ni-

- 1) Jisua Krista ngeiin Baptisma Sakramen a chang sika a ni 9Mt. 3:13; Joh. 1:33).
- 2) Reng Jisua le a hnung zuituhai thupek a ni sika a ni (Mt. 28:19; Tir. 2:38).
- 3) Jisua irchutir. Ama kaihruai ngaihai'n an lei tho ngai (Tir. 8:36; 10:47). Entirman-Saula, Kornelia; le a dang dang.
- 4) Jisua Krista zui mai hrang le pom zel hranga chongirkhamna a ni (Lk. 9:26)
- 5) Soal thisena Krista nun thara innun tumna a entir (Kol. 3:1).
- 6) Jisua Krista leh irzomna le iamomna entirna le Irtha satvurna dongna lampui a ni.
- 7) Koiindang chu Krista takpum (Efe. 1:23) a ni sikin Krista Baptisma changtu chu Koiindang members puihlingna irsinsiana mipuihai mit hmua Krista ei iamna a entirna a ni.

Baptisma Sakramen chu Jisua Krista ei iamtuhai irphumna le irzomna bul a entirna; kha sikin, Kristian murdin chu Baptisma omzia a nangna sanhai hi inhriat infel ngêt hrang a ni.

Chângvong: Rom. 6:3

Krista Jisuaa Baptisma chang murdihai chu a thina Baptis-in ei om thiai tih nin inhriat mo ni mah ?

Hrilsôp hrang :

1. Baptisma ti hi ichong mani ? a omzia bul tak imani ?

IRCHULAI - 17

BAPTISMA SAKRAMEN - II BAPTISMA CHANG POIMONA LE CHANG DÂN

A thutum :- *Baptisma chang ngêt a nang*

Tep hrang :- *(Mk. 1:9-11; Mat. 28:16-20; Rom. 6:3-6).*

THUMAHRUAI

Baptisma omzia le a nangna sanhai chu ei irchu taka, atun Baptisma poimona le chang dânhai ei irchu hrang a ni. Atun chu Baptisma hi Koiindang ta hranga poimona le Baptisma chang dân hi ei irchu hrang a ni. Baptisma hi Jisua Krista ngeiin Baptisma hi a changa Ama ngeiin Baptisma hi inchangtirhai hrangin Koiindang kuang thu a pêk sika Baptisma hi hong irzir a ni (Mat. 28:19; 20) Baptisma hi Krista iamtu irsinsiana a ni sikin, a poimoa, baptisma chang ngêt a nang a ni.

1. Baptisma poimona:- Baptisma omzia bul enim le Bible-ah an lang dan enim Baptisma hi a poimo tak a ni. Rom 6:4-ah, “*Baptisma ei changin a kuang (Krista kuang) phumin ei oma a thina kha ei irkoppui a ni,*” tiin ziaa a ni. Baptisma poimona tak Krista thupêk a ni. Jisua Krista ngetin Baptistu Johana kuang Baptisma a chang (Mat. 3:13-17). Ama ngeiin Baptisma inchangtir hrangin Koiindang kuang thu a pêk sikin, Baptisma hi a hong irzir tak a ni (Duet. 28: 19; 20). Jisua Krista iamtu ei nizia irsinsiana ani. Kristianhai hin Reng Jisua iamtu ei nizia irsinsiana nan Baptisma chang hi a poimo a ni. Krista Koiindang insungkua mi ei nizia a entirna khom a ni. Baptisma chang hi saninzôkna chu ni maka; khannisian, saninzôkna changhai irsinsiana a ni sikin Baptisma hi a poimo a ni. Thuthung LuiaJudahaiin Juda sungkua mi an nizia irsinsiana nan pasalhai chu Serhtan an ni ngaia kha kha Pathian mi an nizia irsinsiana a ni. Khan ang khan Thuthung Thar khom Reng Jisua thupêk angin Krista iamtu nizia irsinsiana a ni.

Baptisma chang poimona chu Jisua Krista iamtu a nizia irsinsiana: - Krista thisena sopfai le ngaidam ninahai Irtha suakinthar

2. Koiindang masahai ngâidân:- Rengpa Zânbu Sakramen chungchanga hin tianlai hun laihol (*middle age*) vêl ata irsêlna le ngaidam chi dang a hong suak tak a ni. An ngaidan chu-

a) Roman Catholic Koiindang ngâidan:- Bai le uain chu chongchaia inhlan zoiin bai le uain ni ta maka; Krista taksa le thisen tak tak a ni an tia. Hi hih nina irsôn (*Transubstantiation*) tiin an phua.

b) Lutheran Koiindang ngaidan:- Sehrat dut le tui irpola sehrat dût a hrana lâk pai nôk theiloi ang hin bai le uain chu Krista taksa le thisen le a irzom/irkop tak a ni an ti. Hi hih nina irkop / irzom (*Consubstantiation*) tiin an phua a ni.

c) Zwingli-a ngaidân:- Bai le uain hi Reng Jisua, kin hranga a tuangna hriatmaina hranga irsinsiana a ni an ti. Hi hih ‘inhriatmaina’ mani ‘irsinsiana’ mani tiin an phua.

d) Calvin-a ngaidân:- Bai le uain hi chongchaina ei irhlan hnungin Krista taksa le thisen khan Irthain a luah sipa, a changtu’n iamna’n ei dong a ni a ti. Hi hih donna (*receptionism*) an phua.

e) Presbyterian Koiindang ngâidan:- Eini Presbyterian Koiindang thuiam (*doctrine*) No. 8-na-ah khan sakramen inlapna om chu sakramen thil sika ni loiin a santu sika khom ni ual mak Krista satvurna sika le iamnaa changtu irtha’n a tho sika vaih a ni tiin Rengpa zanbu hi a om. Ikhom nisianlan Presbyterian Koiindanghaiin chu sakramen thil lam nekin a changtu’n iamna hranga a chang chu a poimo taka ei irngai a ni.

3. Rengpa Zânbu Sakramen omzia:- Rengpa Zânbu sakramen chu Rengpa thina hriatmaina hranga bai le uainhai hi a nia....tiin eina PCI Thuiam No. 08-ah hril lang a ni. Rengpa Zânbu irhming chi dang danga hril a ni. Arhming chi dang danghai hi a omziahai hril infel hrangin a toilam angin irchu ei ti.

a) Rengpa Zânbu (Lord’s Supper): -I Kor. 11:20 Kristian eini misualhai ta hranga a tuangna le a irpekna hi hriatmaina (*remembrance*) maina hranga Krista iamtuhai Irtha tianga bu nêk suamnan an hmang.

b) Irpôlna irthiang (Holy communion) :- I Kor. 10:16 Reng Krista le ama iamtuhai ei irpolna le iamtu le iamtu

4. Baptisma chang hranghai:- Thuthung Thar a hin baptisma chang hranghai chu Jisua Krista iamtuhai le an naihai vaih chang hrang an ni (Tir. 2:39). Bible-ah abikin tirtonhai sinthona baptisma changtu chu - 1) Ethopia mi (mitilre) (Tir. 8:35-38 2) Soula (Paula) - (Tir. 9:17-18) 3) Kornelia Tir. 10:24, 43 48) 4) Ludi le Filipi lungina intang Tir. 16:14-18; 31:33) 5) Krispus -Tir. 18:8 6) Johana hnungzuihai (Tir.19:4-5). Hi

a chung a mihai hi Jisua Krista an iam zoia Baptisma chu chang an ni. Reng Jisuan ama iamtuhai vaih Baptisma inchangtir hrangin thu a ni pêk (Mat. 28:19; Mk. 16:16). Jisua Krista iamtuhai hi Pa le Naipa le Irtha Irthiang irhmingin an baptise ngai a ni.

5. Baptisma chang dân chi hni:- Koiindang hong inding phut ata avuan ten hin Baptisma sakramen hi chu Koiindang tinin suizom zel a nia; Baptisma inchangtir dân chu lampui chi hni a om:-

ii) Puihling Baptisma (Adult Baptism) a ni. Naipang Baptisma hi Aglican Koiindang, Methodist Koiindang, Presbyterian Koiindang haiin an hmang mai a ni. Senkhat Koiindang chu naitesen Baptisma hi pom mahaia, Ei ni Presbyterianin chu naitesen lai ata puihling denin baptisma hi ei ichangtir ngai a ni. Niatesen Baptisma hi kum zabi 5-na AD vêl rengata an phut niin an lang.

Naitesen Baptisma an inchangtirna sanhai chu-

a) Jisua Krista iamtuhai chu Jisua mihai tina a ni. Iamtu nu lepa le naihai chu irzomna an nei sikin, baptisma inchangtirna ni Reng Jisua ngeiin naipanghai hi a kuanga hruai a iphalhaia sat a vur haia, Pathian Ram chu hi anga naipangtehai ta kêng a ni a ti.

b) Baptisma Thuthunga hin mi murdi naipangtehai tepin an huap zît a ni:- An ta hrangin irsinsiana a ni tiin hril a ni. Jisua Krista ngeiin Naipangtehai kha ki kuang inhongtirhai unglan khaphai no roi, Pathian Ram chu hiang mihai ta keng a ini, tiin a hril. Puihlinghai kuanga khom khan “tukhom naipangte’n Pathian Ram a ilom anga lôm loi chu a sunga lût thei viat no nih” a tia (Mk. naitesenhai khom Jisua mihai an ni sikin, baptisma an chang nget hrang

Naitesen Baptisma chang hi senkhat Koiindangin chu hmang ngai mahaia eini Presbyterian Koiindang le Koiindang dang dangin chu naisen le naipang Baptisma changtu ei nei ngai a ni. Pathian mi nina irsinsiana le Koiindang mi ni namindetna Baptisma hi naipanghai khomin an chang hrang a nang Tir. 16:31-34-ah Baptisma an chang laia khan naipang khom an om sa ni ngêtin an lang.

5. Baptisma hi voi khat vaih chang hrang a ni:- Baptisma omzia ei hril tak angin Baptisma chu ei Rengpa thina le thoinôkna irkoppuina a nia; Krista iamtu murdi chu Baptisma hi a chang ngêt hrang a nang a ni. Khan Baptisma hi voi khat vaih a chang hrang a nang. Reng Jisua hi voikhat vai a thia; voi khat a thoi nôka khasikin voi khat vaih baptisma chang hrang a ni.

Chângvong: Mat. 28 :19

Khanchu, hmun tina mihai kuang fe unglân, ki irchutirhaiin siam unglân, Pa le Naipa le Irtha Irthiang irhmingin baptishai unglân, Thu nangni ki ipêk murdi hih zôm hrangin irchutirhai roi.”

Hrilsôp hrang :

1. Baptisma hi itho mo ei changa ?
2. Tu irhmingin mo Baptisma ei chang hrang ?
3. ~~Tuhâin mo Baptisma an chang hrang ?~~
4. Baptisma voi iza mo ei chang thei ?

Irchulaihai (Students) hranga hriatmai hrang (memory):

- Samna:* -Pa, Naipa le Irtha Irthiang irhminga tua irsil, sôpfai (Mat. 28:19; Mk. 16:16)
2. Tu hai mo an baptis ngai?
- Samna:* -Krista iamtuhai le an nâihai.
3. Baptis hrangin ithil mo an hmang?
- Samna:* - Tui, Pa,naipa le Irtha irthiang
4. Baptismachangasûng tianga Irtha satna pêktu hi ikmani?
- Samna:* -Krista iamtuhai le an nâihai.
3. Baptis hrangin ithil mo an hmang?

IRCHULAI - 18

RENGPA ZÂNBUSACRAMEN (*Lord's Supper*) A omzia le indingsuaktu

A thutum :- *Rengpa Zânbusakramen omzia inhriattir*
Tep hrang :- (*Joh. 6:53-58; Lk. 22:14-23; I Kor. 10:16f*).

THUMAHRUAI

Rengpa Zânbusakramen (*Lord's supper*) ei iti hin lungril inlang chu Kalvari tanga Jisua Krista tuangna thu hi a thir ngai a ni. Rengpa zanbu chu Krista thina hriat maina ti hi a hril ual ngaia; Khannisian Rengpa Zânbusacramen hin Jisua Krista sinthona ata a thi denin a huamziat a ni ti ei inhriat hrang chu a ni.

Rengpa Zânbu hi Koiindanghai thilserh irthiang tak Kristan a thina inhraitmaina hranga siam a nia; bai le uain hmanga Jisua taksa le thisen irzompui theina, Krista le ama iamtuhai impumkhatna le irzomnahai indettiena hranga a ni. Baptisma Sacramen chu naitesen ata puihling denin an chang theia; Khannisian Rengpa Zânbu rêk chu Koiindang dan sûnga iamtuhai vaihin an chang thei ngai a ni. Hi irchulai a hin Rengpa Zânbusuaktu Koiindang pol danghai ngai dan le a omzia ei irchu hrang a ni.

1. Rengpa Zânbusacramen inding suaktu:-Rengpa Zânbusacramen inding suaktu chu Pathian Naipa Jisua Krista a ni. Reng Jisuan a thi tona a hnungzuituhai leh Rengpa Zanbu inhnung tak an fâka, an fâk suam lai khan Jisuan nin nin hriatmaina hrangin hiang hin hong tho ngai roi (Lk. 22:19) tiin a hrilhai kha khah Reng Krista hriatmaina bu a nia; Rengpa Zânbusacramen hong irphutna a ni. Jisua Krista thi hnunga Koiindang a hong inding rengata Rengpa Zânbusacramen hi an hong nei zêl tak a ni. Ei Koiindang ei hong nei zêlna san chu hiang hin a ni-

- 1) Jisua Krista thina le a thisen suak hriatmaina hranga a ni. Hi Sakramen hmangin Pathianin a Thuthung Thar a inding a ni.
- 2) Krista taksa le thisen ei irkoppuizia entirna.
- 3) Krista le Ama iamtuhai irzomzia entirna.
- 4) Krista thisena thuthungchu ei pom a niti irsinsiana (Mat. 26:26-28;

2. Rengpa Zânbu fâktuhai mophurna:-

Rengpa Zânbu sakramen hi Reng Jisua inding a ni. Ama iamtuhaiin chu an fak ngêt hrang a nia; chongchaina neiin Irtha le thutak le irthiang takin a fak hrang a ni. Rengpa le a chonginkung iamtuhaiin Irtha satvurna an dong ngêt hrang a ni.

Pastor le Koiindanga upahaiin Pathian kola inlartakin sem an ta mipuihai khan ei ta hranga Rengpa Jisua a irpêkzia ei sual ngaidam a nizia ngaitua sêngin ei la inghak hrang a ni.

Rengpa Zânbu sakramen fâktuhai mophurna le irenfia dan hrang lampui sari ngaitu hrang a ni. Mania ei irenfia hrang chu - a)

Thilsual ata irsirna a om mo ? fâktuhaiin irsir rise (I Kor. 11:28; Joel. 2:12ff).

b) Saninhringa om hrangin Reng Jisua Krista vaih hih an irhngat zoi mo? c) Krista-ah hringnun thar hi iamtuhaiin innang a nia; a fâktuhaiin a itum nget hrang a ni (Rom. 6:19)

d) Jisua Krista irpêkna hlu tak le poimona tak hi an ta hrang a ni ti an inhriat a nang (Mk. 10:45; Joh.10:4ff).

e) Mani hringnuna lam tinrenga Krista inhriatmaina a nang inhriatmaina Rengpa Zânbu fak hranga inkhom hong man a ni (Rom. 3:8; Thup. 1:5)

f) Krista taksa fak le thisen in hi kumtuang hringna neina a ni. Hi thu iama Rengpa Zânbu Sakramen faktu mani ? (Joh. 6:53-56).

g) Krista chu ei ta hranga satvurna hnar a ni. Ama iamtuhai chu mita hranga satvurna an tuma (Mat.44;ff Fil.5:5; IJoh.2:10-11).

Khi a chung a chi sarilai khi a fâktuhai mophurna a ni. Rengpa Zânbu ei chong a hin bai le uain ei fâk zoi chia hin ei chongchai ngai a ni. Chongchai hin irhai boiin lungrîl pêka bongtên chongchaina nei hrang a ni. Hi taka chongchaina tôi ei ti a hin thil chi thum a huam a ni-

i) Lômthu hrilna

ii) Sual thupha chôina hai le

iii) Krista-ah irhlan tharna a ni.

Chongchaina tôia chongchaina tangpui chu hiang hin a ni.

“O lungthungtu Pathian ni lungthungna zâra keima mi sual tak hi ni ngaidamna, saninhringna lampui ni nih siam pe tak sikin, lômthu ki hril. Ki Reng le ki Saninhringtu Krista taksa

c) *Lomthu hrilna (Encharist)*:- Mat. 26:27 Jisua Krista ei ta hranga a irpêkna sika iamtuhaiin lomna hruai ei fâk suamna hril nan an hmang. d) *Hriatmaina chongirrhâmna (promised)*

:- Mk. 14:22 I Kor. 11:26) Jisua Krista a zuang nok maka hranga iamom taka om mai hranga ei chonginkung hril nan an hmang.

Hi a chung a ei hril takhai khan Rengpa Zânbu sakramen omzia chu ei inhriat thei a ni. A omzia bul tak chu Jisua Krista thina hriatmaina hi a nia; kha rengata khan lampui chi minliin a omzia a nei tak a ni.

4. Rengpa Zânbu a hmangrua:- Rengpa zanbua thil hmanghai chu bai le uainhai hi an ni. Judahaiin bai le uain hi Ferkân hruaithea bu khalai an siam laia an fak ngai kha a nia; Reng Jisua dam laia an fak le an in ngai kha a ni. Rengpa Zânbu bai kha Jisua Krista Taksa a entira, uain chu Jisua Krista thisen entirna a ni (I Kor. 11:23) Jisua Krista thisen entirna a ni. Rengpa Zânbu sakramen hmangrua hi chu thil hmusit om le molte a nia; Khannisian, ei Rengpa thupek a ni sikin Pathian inrenna dongna lampui, sual ngaidamna lampui le Kristian nuna Irtha lampui poimo tak a ni. Khasikin Rengpa Zânbu entirna le thutumhai hi lungril taka ngaituan Zânbu hi ei fak hrang a ni.

5. Rengpa Zânbu chang hrang dan:- Rengpa Zânbu chu Koiindang dân irzoi mihai vaih hin fâk thei a ni. Rengpa Zânbu chu irthiang a nia; fak hrangtuhai le fak irthiang loi chu-

a) Koiindang pena omhai (*under disciple*)-ah hin chu fak thei ngai mahai.

b) Dan irzoiloi mihai fak thei ni mah.

c) Chuk loi puma Rengpa zanbu fak thei ni mak, Bible-in “*Tukhom chulkloi puma Rengpa bai hi faka, a khilat hi in ka kaiin Rengpa takpum le thisen thiamno chang an ti. (I kor. 11:27)*)-ah

Chângvong: -Mk. 14:24

“*Khanchu, Jisuan an kuang, “Hi hi ki thisen mi tamtak ta hranga suak, Pathianin Thuthung Thar namindetna a ni.”*”

Hirilôpnana:

1. Rengpa Zânbu indingtu le indingna san hril ro

2. Rengpa Zânbu sakramen omzia minlihai kha imani ?

3. Rengpa Zânbu fâk tôna ei lungril irput danhai hrilsop ni ri se ?

Baptisma Sakramen irzompui-

Irchulaihai (Students) hranga hriatmai hrang (memory): -

1. Baptisma chang dân chi hni imani?

Sâmna: - Naitesen baptisma le Puihling baptisma

2. Ithosika mo naitesen an baptis?

Sâmna:-a) Naitesen khomPuihling ang taka saninhringna changtuhai an ni sika (Mk. 10:14)

b) Thuthung Thara Thurchi Sa sũaga naitesenhai khom

an lût sa sika a ni (Mk. 10:14ff).

c) Pathian lungkhamna le taituan hringna chang inruk an

ni sika a ni (Matt. 19:14; Mk. 10:14).

3. Pa, Naipa le Irtha Irthiang irhming sika baptisma ei ichanga

hin imo an entirna?

Sâmna:-a) Pathian inkhata mi inthumhai chu senthei loia biak le iam

hrang a ni, ti a inhriattir. (Matt. 28:19).

b) Saninhringna chang hrangin Pathian Thu inkung le a sintho chu iam ngei hrang a ni ti le mipui laia thop

hrang a ni ti a`n hriattir (Rom. 1:17; 10:9f).

c) Taituan Pathian irchon luatu ni hranga Pa, Naipa le

IRCHULAI - 19**RENGPA ZÂNBUR SACRAMEN POIMONA LE A FAKTUHAI MOPHURNA**

A thutum :- *Rengpa zanbu sakrament hlutna inhriattir.* **Tep hrang :- (Mat. 28:16-20; Joh. 6:48-56; IKor. 11:23-34).**

THUMAHURAI

Rengpa Zânbur chu dokâng (maichâm) IKor. 10:21 tiin hril ngai a ni. Hi sakramen-ah hin Krista chu *hruaitu tak* a nia; khasikin a hlu a ni. senkhat Koiindang a chu Rengpa Zânbur hi “Mirthianghai bu (*bread of pilgrimage*) tiin an hril ngai a ni.

Sakramen hi Koiindanghai thilserh irthiang a nia; Krista`n ama thina hriatmaina hranga siama; Ama le a iamtuhai irpumkhatna le irzomnahai a ni.

1. Rengpa Zânbur sakramen poimona:- Rengpa Zânbur sakramen inkhôm hi Koiindanga inkhôm poimo tak a ni. A poimona chu ei inhriat theina hrangin hi ang hin tarlang a ni-

a) Rengpa Zânbur sakramen hi Krista le a thina om a ni a entira Krista thina le a tuangna le a thina hriatmaina hranga bai le uain ei fak le ei in ngai a hin saninzôkna, ngaidamna ki changna hranga ei inhriat maina hranga a ni.

b) Eini saninhringna hranga Pathian thilmanboi pek, Pathian ata ei dong sikin lomthu hrilna a ni. Khasikin Rengpa Zânbur hi lomthu hrilna tiin irhming pelin a om tak a ni.

c) Bai le Krista taksa le uain Krista thisen a entîr, kha khah nitina ei hringnuna Pathian satvurna ei dong chu a ni.

d) Thurchi Sa bu ziaka inlang angin Rengpa Zânbur chu Rengpa le irpolna an nei theina hranga a ni. (Mat. 18:20) Iamtu hai Irtha tianga irchomna hmangrua poimo tak a ni (Joh. 6:5-58).

e) Bai ei ifak ang khom hi Krista takpum ei irzompui a ni. (I Kor. 10:16) Sakramen-ah bai inkhat ei ichang chit hi Pathian mi hai irzomna taka Krista le takpumkhat einizia a entirna a ni.

f) Rengpa Zânbur ei ifakna hin chu Rengpa chu ei inpâka, ei choiindoma, a lungthungna kha ei idong a ni. Krista khan pumkhatin ei irpôl thei a ni. Rengpa Zânbur sakramen inkhôm hi serh tak le irpek tak le lungrila chongchangna nei ngêt hrang a nang a ni.`

3. Saninzôkna hmangrua chu Pathian Naipa Jisua Krista saninzôktu a ni:- Reng Jisua vaih hi ni saninzôktu omsun chu a ni (Tir.4:12). Mihriam suala tak ta saninzôkna hmangrua om sun chu Reng Krista a ni. Thuthung Luia chu soal ngaidamna ran thisen hmangin irbôlna an nei ngai a nia; irbôlna inhlantu ochaiin nitin an sualhai irbolna an nei ngai; khannisian, an sualhai kha taituanin fâi thei mak. Thuthung Thara chu Jisua Krista hringna inhlanna le a thisen hlu tak hi saninzôkna hmangrua tak a ni. Khasikin Reng Jisua'n, "*Hi khilât hih ki thisen, Thuthung Thar, nin ta hranga suak chu a ni*" (Lk. 22:20) tiin a hril. Pathian Naipa Jisua Krista Kros-ah thina khan soalna chu pai a nia; saninhringna a om taka; khanchu Pathian le mihriam irngeina a hong om tak a ni (Efe. 214).

4. Saninzokna lampui:- Joh.14:6; Heb. 3:10; 5:9) saninhringna lampui om sun chu Reng Jisua a ni. Saninhringna chu Rengpa a ni (Sam. 9:8). Tir. 4:12-ah khan Tu dang kuang khom saninhringna hi irvan hnuai mihriam irhming iphua laia ni saninhring thei irhming dang reng reng om mahai tiin zia k a nia; eini saninhringna sin thotu chu Pa le Naipa le Irtha Irthiang a nia; Pathian Naipa pomtuhai hi saninhringna lampuia irloina an ni. Krista-ah saninhringna nei dan lampui chu hiang hin hril thei a ni. a) Jisua Krista Thurchi Sa hriat le pomna hi a ni. Thurchi Sa chu a iam murdihai ta hrangin saninzona hranga Pathian sinthotheina a ni (Rom.1:16; IKor. 1:18,21). b) Soal ni irhriatna irsârna simna le suakintharna. c) Iamna saninhringna hmu hrangin iamna hi a poimo tak a ni.

5. Saninzokna changtuhai mophurna:- Saninhringna changtuhai chu Pathian hmu infeltuhai Krista hringna changtu an nia; mophurna an nei chu hiang hin a ni.

a) Saninhringna changtuhai chu Pathian an iamna sikin sintho loiin an iom hrang a ni.
b) Saninhringna changtuhai chu midang ngai-saktuhai le changpuituhai an ni hrang a ni. Saninhringna Thurchi Sa chu midanghai kuang semdarhrang a ni. c) Saninhringna changtu chu iamna sika pathian siinthotuhai an ni. Pathian ta hranga sinsa thotuhai an ni (Efe. 2:10; Jak. 2:14-26). d) Krista ta hranga hringna an ni (Sam. 97:10; Gal. 2:20). e) Pathian Thu irchu le zômna (II Tim.2:15; Heb.

3. Irchulâihai ta hranga hriat hrang poimo:

Rengpa Zâmbu fâk theiloihai chu hihai hi a ni-

- 1) Krista taksa le thisen irngaihlu loihai (Heb. 13:22)
- 2) Pathian pôl loia Irtha lama hratna nei loi pentiang rengata iam mihai (I Tim. 4:8; Joh. 4:23)
- 3) Thil soal ata sim nuam loihai (Mat. 5:23)
- 4) Koiindang dân zom loia omhai Koiindang dân pena omtuhai.
- 5) Krista vaih hih saninhringtu a ni ti iamloituhai an ni, thil danga lungthungtuhai an ni.
- 6) Soal tho ta loi hranga Pathian kuanga chonginkung tak hnunga inhriatpuma thil soal thomai (Hos. 10:11; Heb. 10:26).

Chângvong:- I Kor. 11:27

"Khasikin, tukhom chukloi puma Rengpa bai hi fâka, a khilât hi in ka kaiin Rengpa takpum le thisena thiamno chang an ti."

Hrilsôpna:-

1. Rengpa Zâmbu a poimohai imani?
2. Rengpa Zâmbu thil hmanghai hih imani? Imo a en-tîrna?
3. Itho mo Rengpa Zâmbu hi ei fâk khera?

SEN RINGANA

GOSPEL THUPUI TAKHAI

Thurchi Sa (*Gospel*) hin thupui lian tak tak a neia; thupui takhai chu:- 1) Saninhringna (*salvation*) 2) Lungthungna (*love*) 3) Ngaidamna 4) Thiamchangtirna (*justification*) 5) Lungkhamna /inrenna (*Grace*) 6) Iamna le sinthona (*faith and work*) 7) Irthiangna (*holiness*) a ni.

Hi Gospel thupui lian 7 (*sari*) tarlang laia hin 4 (*minli*) ei irchû hrang a ni:- 1) Saninhringna (*Salvation*) 2) Lungthungna (*Love*) 3) Iamna le sinthona (*Faith and Work*) le 4) Thiamchangtirna hi ei irchu hrang a ni.

IRCHULAI - 20

SANINHRINGNA (*SALVATION*)

A thutum :- *Saninhringna omzia*

dik tak inhriattir Tep hrang :- (*Isa. 53:1,2; Tir. 4:12; Joh. 3:14-17*).

THUMAHRUAI

Saninhringna hi mihriamhai innang tak a ni. Sual ata saninhringna a nia; taituan thina ata saninzokna a ni. Mihriam hi ei mani nuam lama min Pathian dân thupek an siat sikin mihriam Irtha chu taituana thina hmuna om hrang a ni. Kha thina khur ata saninhringna kha a ni.

Saninhringna chu Pathian lungkhamna le inditna ata hong om a ni. Pathian thiltum poimo tak a nia; Pathian saninhringna a hong inlangtirna bul chu mihriam suala an hong lût siat reng ata saninhringna chonginkung chu a uang inlang tak a ni. (Gen. 3:15).

Saninhringna hi mitin ta hranga uang inlang a ni. Saninhring thupui tak chu thil ichi om le thil sual le sa loi ata sansuakna hi a ni ual tak a ni. Pathian ata saninhringna thuhai ei inhriat thei lam zôngin hiang hin a tôi lam takin tarlang ei ti.

1. Saninhringna omzia:- Saninhringna (*salvation*) ti hi ei chongin chi thumin hmang thei a ni, saninzokna, sansuakna, le saninhringna a nia; arêngin thu hmuna khat a ni. Ei chongin 'saninhringna' chongbai hi ei hmang intam ual a ni.

English chonga *salvations* ei chongin saninhringna ti a nia; Latin chong chu *salvare* (saninhringna hrang) ti a nia; a omzia chu 'hriselna' ti le 'changpuina' tina a ni. Hebrai chonga chu *yesua* ti a nia; a omzia chu hadamnale zokna a irkôk a ni. Grik chonga chu *sateria* an tia; a omzia chu 'sansuakna' 'indamna' manih, 'enkôlna' tina a ni. A omzia bul tak chu ichi om le natna mani siatna ata sansuak hrilna a nia; sala intang ata inzôkna a ni.

Thuthung Lui khan saninzôkna chu Pathianin a mihai hih râlhai ata sansuak, sal intangna rengata a sansuakna a ni. Thuthung Thar khomin saninhringna chu sual sintho theinahai le sual thuneina hnuai a mihai sansuakna a nia; Pathian Naipa Reng Krista ata hmu thei a ni. Hi saninhringna thu hin taksa lungril le Irtha tianga saninhringna a hmu zit a ni.

2. Bible-ah Saninhringna a hmang dân:-

Thuthung Lui le Thuthung Tharin saninhringna a hril a hin Pathianin mihriam sansuak dân thu a ni. Hi irchulai bua hin Thuthung Thara saninhringna thu hi a hril inlang ual a ni. Saninhringna thu hi Thuthung Thara voi 45 vêt a hrila a om a ni. Saninhringna chu Pathian lungtkhamna le lungthungna sik ringot a om a nia; Bible-ah a hril lam chu hiang hin a ni-

Saninhringna chu sansuak le saninzôk a ni-

- i) Saninhringna chu sual ata sansuakna a ni (Mat. 1:21; Gal. 1:4).
- ii) Pathian ningmurna ata sansuakna a ni.
- iii) Ichi om râl ata saninhringna a ni (Lk.1:71,74).
- iv) Taituan thina ata saninhringna a ni (Joh. 3:16,17).
- v) Irmangna dingmun ata sansuakna (Lk.19:10).
- vi) Taksa natna le lungril natna ichiomna thil saloi ata saninhringna a ni (Mat. 8:25; Mat. 9:21).

b) Saninzokna chu Pathian thil manboi pêk a ni (Rom. 6:23). Mihriamhai kuanga Jisua Krista iam sika taituan hringna pêkna a ni (Efe. 2:8). Pathian thilpêk roiinpu tak chu Krista a ni. Ama ata hringna thar nei hi a bul tak a ni.

5. Iamtu hringnuna poimo tak chu lungthungna a ni:- Hi ang hin Jisuan a hril “*Nangma lung ni irthung ang denin ni bômhai lungthung ro (Mk. 12:31)* ti hi a ni. Lungthungna thu hi Bible-ah inlang tam tak a omaureng chung a tarlangnahai tômte ziaak inlang ei ti-

a) Lungthung irhlomna *ringot no chu tute kuang intâng no roi (Rom. 13:8)*

b) Jisuan *Lung nin irthung irhlomin chu mi murdihaiin ki irchutirhai nin nih ti inhria an ti*” (Joh. 14:35)

c) Thil dang nekin milung takin lung irthung irhlom hi uar roi (I Pet.4:8)

d) Lungthungna nei loiin chu thina-ah ala iom mai a ni (IJoh.3:14).

e) *Tukhom lungthungna nei ka chu Pathian nai a ni, Pathian an hriat sa ngai a ni (I Joh.4:7).*

f) Jisua thupêk chu “*Nin râlhai kha lungthung inlân deng nangni intheitirtu chu chongchâipe ro (Mat. 5:44)*”

Chângvong : I Kor. 13:5, 6)

“Lungthungna chu om insual ngai maka, mani hranga sa zong ngai mah, a ninginmur nuam ngai maka; sual insap ngai mah; lungthungna’n chu felloina lôm ngai maka; thutak a lom ngai.”

Hrilsôp hrang :

1. Lungthungna omzia insîrsôp ni ri se.
 2. Thupêk roiinpui masa tak imani ? Tu kuanga hril mani ?
 3. Lungthungna hi kho reng ata suak mani ?
 4. Nin râlhai lungthung thei ung mo ? Deng ningni intheihai
-

6. Saninzokna râhai:- Miin Krista-ah saninzokna a hong neiin chu Pathianin a chung a hiang hin inlang a ti-

a) Pathian le irngeina le a kuanga lût theina (Rom. 5:1; Efe. 2:18).

b) Pathian nai nina le Pathian insûngkua mi (Joh. 1:12; Gal. 4:5).

c) Pathian irchon luatu (Fil. 3:20).

d) Taituan hringna nei (Joh. 10:28)

e) Mi suak inthar vana irhming ziaak le irtha Irthianga sip (Lk. 10:20)

f) Thiam changtima chang le Irtha Irthiang in a hong ni (I Kor. 6:19; Kol. 1:14)

g) Krista-ah thil siamthar a hong ni (Joh. 14:20; IIKor. 6:17).

h) Lomna thurthup irtharngamna, sual hnêna hai an hong nei (Fil. 4:7)

i) Irthiangna le insumtheina an nei (IKor. 6:11).

j) Sual inzôkna lukhum le silkai irbelna an nei (Isa 59:17; 61:10).

Chângvong : Rom. 10:9, 10

“Ni bâiin Jisua kha Rengpa a ni tûin ni thopa, thina ata Pathianin a kaithoi tini lungrila ni iamin chu saninhringin om ni ti. Lungrila iam chu thiam inchangtir an nia, bâia thop chu saninhringin an om sa ngai.”

Hrilsôp hrang :

1. Saninhringna hi Hebrai le Grik chongin imani ? A omzia hril roh.

2. Saninhringna lampui iamtu hi tumani ? Itinmo a ihring ?

IRCHULAI - 21
LUNGTHUNGNA (LOVE)

A thutum :- *Pathian lungthungna hi ni sinthona tina inlangtir roh*

Tep hrang :- *Mk. 12:30-31; Joh. 3:16; IKor. 13:4-7*

THUMAHRUAI

Thurchi Sa thupui tak chu ‘lungthungna’ a ni. Thupêk roiinpui tak khom lungthungna a ni (Mk. 12:30). Lungthungna hi Irtha ra sênga inkhatna a ni. Galatia 5:22-23-ah khan Pathianin hi ang hin Irtha a tarlang a ni- “Irtha ra chu lungthungnahai, raifannahai, irngeinahai, tuangdiarnahai, khonzanahai satnahai, iamomnahai, nunhoinahai, insumtheinahai a ni. tiin a hril. Hi Irtha ra laia hin lungthungna hi a masa taka a tarlanga; thil dang dang murdi nêkin lungthungna hi a hlutak a ni. Lungthungna omzia le a hlunahai hi ei inhriatfel theina hrangin a tôilamin hiang hin tarlang a ni.

1. Bible-ah lungthungna hril dân:- Thuthung Thar zia kana Grik chonga lungthungna chongbâi hi chi minli an neia; an irhming chu hiang hin a ni-

a) Eros:- Hi hi chu pasal le nupang irlungthungna a ni. Thuthung Thara hi chongbâi Eros hi hmang ni ngai mah.

b) Philia:- Hi hih rual le rual kongkar irlungthungna a ni.

c) Storge:- Hi lungthungna hi nu le pa le naihai kongkara lungthungna hrilna a ni.

d) Agape:- Hi hih Pathian lungthungna hril nan hmang a ni. Agape lungthungna kha Krista hringnuna khom Irtha Irthiangin a pêk lungthungna a ni. Kristian nun ze irsang tak a ni.

Bible-ah hin Agape ti le philia ti hi ei hmu tam ual tak a ni. Thuthung Luia chu lungthungna ti chongbâi hi irzat takin a hril. Hebrai chonga chu ‘*ahab*’ ‘*dod*’ ‘*ra*’ ‘*ya*’ le ‘*hasaq*’ tihai hi lungthungna hrilna

2. Lungthungna hi Pathian ziapui a ni:-

Bible-in Pathian chu lungthungna a ni. Pathian lungthungna chu hiang hin ei kuang a zuang inlang Ama zâra lungthungna ei nei theina hrangin Pathianin a Naipa neisun rammuala a zuangtîra hin (Joh. 3:6; IJoh.2). Hi hin a lungthungna chu mi murdi ta hrang a ni ti an lang. Lungthungna hi a lian tak a nia; Pathian le mihriam irzomna bul khom hi lungthungna sika hong om a ni. Pathianin mihriam le a thil siam danghai ta hranga a ithona murdi hi lungthungna sintho zit a ni.

3. Thupêk roiinpui masa tak chu lungthungna a ni:-

Hi hih Agape lungthungna a ni. Reng Jisuan dân irchutirhai kuang a khan, “*A kâm nang tak chu hi hih a ni, ‘Israelhai, irngâi roi ! Rengpa ei Pathian vaih hi Pathian a ni. Rengpa ni Pathian chu ni lungrîl murdîn, nirtha murdi ’n, ni ngâituana murdîn, ni hrâtna murdîn lung ni thung hrang a ni*” (Mk. 12:29,30) tiin a hril. Hi lungthungna hi thupêk roiinpui tak tak chu a ni.

Inhnina kamnang chu hi hi a ni, “*Nangma lung ni irthung ang dênin ni bômhai lungthung roh’ ti hi. Hi inhnihai nêka thupêk nang ual reng om mah,*” tiin Jisuan a hril (Mk. 12:31). Lungthungna inthûk tak chu Agape a nia; kha khah Pathian ata suak lungthungna chu a ni.

4. Lungthungna sika thupêk roiinpui lian tak chu Jisua Krista a ni (Joh. 3:16):- Pathian lungthungna sika thupêk roiinpui tak Bible irchâng tarlang chu hi ang hin Johonan a hril, “*Pathianin rammual lung a thung tak taka, khan chu a Naipa khat nei sun a pêka; ama iamtak kha chu irhmang loiin kumtuang hringna an neina hrangin (Joh. 3:16).*

Pathian lungthungna zâra vân thilpêk roiinpui tak ei donga taksa le Irtha tianga satvurna ei dong tak a ni. Pathian lungthungna ei chang sikin Ama chu ei lungthung hrang a ni (Mat. 22:36).

Pathian ei lungthungzia chu ama thupêk ei zômna hai, ei pôlnahai ei choiirsângnahai, le

IRCHULAI - 23

THIAMCHANGTIRNA

A thutum : *Devana (court) makunga Krista iamtu-hai thiamchangtirna*

Tep hrang : *Isaia. 53:7; Mat. 27:11-14; Rom. 8:28*

THUMAHRUAI

Thiamchangtirna (*justification*) thu hi saninhringna irtana suakintharna thu le sual ngaidamna thuhai leh hin a irzom hlat a ni. Saninhringna hrilfiana inkhat chu thiamchangtirna hi a ni. Pathian makunga hin Reng Jisua zâra misualhai chu thiamchang an ni. Hi thiamchangna hi tianlai Koiindang siam insathai (*reformation period*) -ah khan asan an irngâi irsângin an hril uar a ni. Paula lekha thonhai thiamchangtirna ti thu hi voi 29 vêl a oma; Thuthung Thar lekhabu danga voi 10 vel a om. Thiamchangtirna hi thil dang dai irngâi no mani. saninhringna lampui a ni. Thiamchangtirna chongbai omzia hril inlangin irchu ei ti.

1. Thiamchangtirna omzia:- Thiamchangtirna hi roirêlna chongbâi a ni. Hebrai chonga thiamchangtirna chu *hitselik* an tia, an hmang dân chu dân ata fel, thiamchang le a dika om ta tia inpuangna a ni. Thiamchangtirna hin dinghmun irsonna a siama, dinghmun dika an dinga mifel a ni ti a hong inlang tak a ni.

Thiamchangtirna hi Grik chonga chu *dikaiosis* a nia; a omzia chu dika pom mifel tia inpuangna, mifela tep tak tina a ni. Kha khah Pathian le mihriam kongkâra thiamchangtirna hong om theina dân hrilna a ni. A omzia dang chu dânin inphût murdi ata zalenna hriatnan hmang a ni. Thiamchangtirna sin hi roirêltu sin a nia; thil suala tep tak le thiam loi changa tep a ni. Entirnan Adama irchi mihring murdi irchi pêktu sualna sika thiam changloichangtu tep tak kha Pathian Naipa Jisua Krista an iam photin chu an iamna sikin thiam changin om an ti. Kha thu kha iamna thiamchangtir (*justification by faith*). a ni.

2. Thiamchangloina san:- Thiamchangtirna fe dânhai le a rahai ei hril mânin mihriam hi thiamchangtirna ei nino sanhai hi ang

IRCHULAI - 22

IAMNA LE SINTHO (*FAITH AND WORK*)

A thutum : *Iamna chu sinthona leh irzomzia inhriattir.*

Tep hrang : *Heb. 11:1-3; Efe. 2:8-10; Fil. 2:12; Jak. 2:14-26; Thup. 2:10)*

THUMAHRUAI

Bible-ah Thupui inlar ual tak chu Pathian iamna le sinthona hi a ni. Iamna le sinthona hi a irzom hrang a nia; iamna neia sinthona boi chu a thi a ni. A vuana ei irchu hrang chu iamna le sinthona irzom dan a nia; hi thupui inhni Iamna le sinthona hi saninhringna lampui a ni. Hla phua tun “Lomna irkip chu sinthona hi a ni” a ti.

Saninhringna chang hrangin Pathian iamna a nia; kha ei iamna khan sinthona irkipin saninhringna famirkip ei dong thei ngai a ni. Mihriam chu saninzokna chang hrangin taksa iamna sinthona le ei hringnun omdânhai a hin a ihuap zit a ni.

1. Iamna omzia:- Thuthung Lui nêkin Thuthung Thar a hin iamna ti chongbâi hi a tam ual hriat thei ol lamin iamna (*faith*) omzia hiang hin hril ei ti-

a) Iamna hin thil sabeihai om ngêt inhriatna thil hmu-loihai hrilfiana a ni. (Heb. 11:1) Mihriamin a thil sabei tak Krista saninhringna chu mihai hmu thei loi ni khomsian thil om tak tak thil dik tak le om nget a ni ti hriatna.

b) Iamna chu Jisua Krista Pathian chonginkunghai pomindetna le saninhringna hranga Krista sintho irnghatna a ni.

c) Iamna chu ei mani irnghat hrang ni maka i) Pathian irnghat a ni (Joh. 14:1; Rom. 4:24) A chonginkung

iamna a ni (Heb. 11:13)

ii) Krista irnghat (Joh. 6:29. Tir. 16:31; 20:21).

d) Iamna hi sabeina dik chia le a irzom a ni. sabeina hin malam a tir maia; thil a isabei chu a zuang tung nget hrang ti hriat infelna a ni. e) Iamna chu Jisua Krista kuang panna Jisua Krista pomna le Ama vaih iamna a ni. Martin Luther'n Iamna tak tak chu iamna infel le lungril det tak hmanga Jisua Krista pomna a ni a ti. f) Iamna hi Pathian thilpek a ni.

A omzia chu mihriam hriatna, satna le vârna sika neitheï ngai loi a ni. Pathian Thu hriat le ata a nia; Jisua Krista leh (Fel. 1:29; Irtha Irthiang leh irzomna a ni. g) Iamna chu lungril sung tiang ata irphut a ni. Pathian Thu a ni tia; irphut a ni. Pathian Thu ni tia pomna Pathian ei iamna chu Irtha Irthiang changpuina zara iam thei ei ni. h) Iamna chu Pathian Thu oina a ni. Pathian le a Naipa sinthona le thina chu poma a thupêkhai ôi ngêt hrang a ni.

i) Iamna chu Rengpa irngat ngamna a ni. Dengtheina le intakna kara khom ni hruaitu irngat ngamna hi a ni. j) Iamna chu irngam loina a ni. Reng Jisua ei iamna ei irngatna hai irngamhoi taka ei omna a ni. Iamna boiïu chu tuten Pathian inlom thei ngai mak (Heb. 11:6).

2. **Iamna sika felna le thaimchangna dongtuhai:-** Bible-ah hin iamna sika felna donga irhming satna neihai chu hi a hnuaihai hi an ni:-

a) **Abrahama:** - Abrahama chu Pathian a iama, kha a iamna khan thiam inchantir a ni (Rom. 4:3). Pathian ruala siam a ni (Jak. 2:23). b) **Nova:** - Nova kha iamna sika ama le a insung mihai saninhiringin an om (Heb. 11:7).

3. **Iamna le sinthona irhlop a ni:-** Jakoba 2:14 -26-ah khan iamna le sinthona irhlop dân fel takin ei hmu sinthona boia iamna vaih hi chu omzia a nei loi a ni. (Jak. 2:17) a hril. Iamna sinthona kha arhlop irkiptir ta....(Jak. 2:22) ti ei hmu. Khasikin, iamna chu sintho a inei nget hrang a ni. Mihriam chu thil sa tho hranga suak ei ni. Paula'n, " *Thil sa tho hrangin Krista Jisuaa khan isiam a omin, ama kut suak ei nia;.....*(Efe. 2:10) tiin a hril.

Iamna hin sinthona kha a irkiptir a ni. Abrahama iamna le sinthona thua khan hiang hin Bible-in a hril, "A iamna le a sintho kha ar hlopa, a sintho khan a iamna kha

4. **Iamna sika lungthungna saninzokna:-** Paula'n, " *Lungkhamna sika iamnan saninhiring nin ni. (Efe. 2:8)* tiin fel takin a hril. Hi thu omzia chu Pathian lungkhamna hi a bulpui tak a ni tina a ni. Mihriamin ei felna mani ei satna sika ni maka; Pathian lungkhamna chu A Naipa Jisua Krista a zuangin langna hi a ni. Kha lungkhamna kha Jisua Krista ei iamna'n saninhiringna ei chang a ni.

5. **Iamna râhai :-** Miin Pathian Naipa Jisua Krista a iamna sika ra sa tam tak a hong nei ngai a ni iamna rahai chu-

a) Pathian felna neina (Rom. 4:24)
b) Krista lungril angna ni theina (Efe. 3:17; lomna thurthup hrilna niin (Rom. 5:2).

c) Sual ngaidamnahai (Rom 3:25) le thiamchangna hai (Rom 5:1f) d) Irthiangna (Tir. 26:18)

e) Irtha Irthiang sepna le Krista irsinsiana nei. f) Krista lungril angna nei, lomna le hlimna dongna (Rom. 5:2)

g) Râhai : Setana doi inhna h) Pathian irchon lua theina le a kuanga om theina a ni (Rom. 5:2) Rengpa Jisua ei iamna indetna hin taituan hringna a ni.

Chângvong : Jak. 2:17 & 22.

17 " *Kha ang denin sintho boia iamna vaih hi chu omzia a nei loi a ni.* "

22 " *A iamna le a sintho kha ar hlopa, a sintho khan a iamna kha a irkiptir ta ti nin inhriat.* "

Hrilsôp hrang :

1. Iamna hi iamini

2. Iamna neia felna le dik dongtuhai tuhai ma nih ?

Paula irhming inhni -‘Suala’ ti le ‘Paula’ ti hi Bible-in hmang irkop sian khom eini’n chu ‘Paula’ ti ei ihmang ual tak a ni. Paula irhming hi Sap (*English*)-ah chu ‘St. Paul’ tiin ziak ngai a ni.

3. Paula - Juda mi: - Paula hi Juda sakhua mi insûngkuaa hong sei lian a ni. Paula ngeiin, “*Juda, Kilikia rama Tarsa khuua suak ki ni, kho poimo mi kêng ki ni....*” Tir 21:39; cf. 22:3f.) tiin a hril. Paula hi Israel mi, Abrahamama irchi, Benjamina irchi a ni. Ama ngeiin, “*Keima ngei khom Israel mi, Abrahamama irchi, Benjamin nam ki ni,*” (Rom. 11:1) a ti. Hebrai mi a nina khom ama ngeiin a’n puang (II Kor. 11:22).

Iam dân tangpui chu Paula hi kumzabi inkhatna(1-na) vêla suak niin iam a nia; Paula hi Stefana kha lung le an dengthat lai vêla khan kum 33-36 inkâr vêla mi niinan iam. Paula hi Dân inhriat mi, Farisai pol laia mi a ni. Bible-ah hmu dân angin Paula hi Juda mi a nina chu hiang hin ziak a ni: -

a) Paula chu Juda mi a ni (Tir 21:39; 22:3).

b) Paula chu Israel mi a ni (II Kor. 22; Rom 11:1). ‘Israel’ ti hin Thuthungna nam mi ti a irkôk a ni.

c) Paula chu Hebrai mi a ni (Tir. 23:6; Fil. 3:6). ‘Hebrai’ ti hin Juda, Hebrai chong ngeia la chong thei ti a irkôkna a ni. Juda in-thekindarhai tam takin Hebrai chong thei ta ma haia, Grik chongin an chong taka; khan, Paula chu Hebrai chong thei, Hebrai tak tak irti ngam mi a ni.

d) Paula chu Abrahamama irchi a ni (II Kor. 11:22). Abrahamama irchi ni chu nam irhiang bîk tina a ni.

e) Paula chu Farisai a ni (Tir. 23:1,6; 25:5; Gal. 5:4).). ‘Israel’ ti

hin Thuthungna nam mi ti a irkôk a ni.

f) Paula chu Gamaliela ke bula sei lian a ni (Tir. 22:3).

Hi a chungna nina danglam bîk le irsâng bik hi Paula hin a neia; khasikin, hâi takin a nina hi a tarlang a ni.

4. Paula - Grik ram le vârna nei mi a ni: - Paula chu Kilikia rama Tarsa khuua suak a ni. Paul’n, “*Kiliki rama Tarsa khuua suak ki ni, kho poimo mi kêng ki ini....*” (Tir. 21:39) a ti. Juda mi ni khom sian, Grik rama suak le seilian a ni sikin Grik chong le Grik vârna (*sophia*) chu an hriat tak tak a ni. Tarsa khuua hi kho upa tak

69 Mihriamin zom khomsianlan dân inkhat a zom thei nôn chu thiamchang theilo a ni. Paula hril angin dân chu thiam loi nin changtirtu vaih ni loiin ei thiam loizia nin hriltu le soal nin hriattirtu a ni (Rom. 3:20). Dan hi thu zôm loihai hi thi hrang ei changa roirêltu a ni (Gal. 3:13). Kha dân thupek ata mi tukhom thiamchangtir ei om thei ngai loi a ni. (Gal. 3:11) Dân irphuta sin chu thiamchangtirna zel om mah.

b) Pathian ningmurna ata:- Bible a khan ningmurna neia irzir ei ni laiin a hril (Efe. 2:3) a ni. Mihriam ama nuamlam anga omin Pathian dân ansiat sikin Pathian ningmurna a om hi thonsualhai chungna Pathian ningmurna reng atathiamchangthei tute om mak.

c) Roirêlna ata thiamchangloina:- (Rom. 8:114; 10-13) Bible-ah hril lam angin mi murdi hi Pathian roirêlna makunga ei la inding zit hrang a ni. Pathian makung a hin mitinin mani thurchi ei la inpuang zit hrang a ni. (Rom. 14:10-12). Hla phuatu’n, “*Ei sik sika Pathian devana la ngîr zit ei ti,*” tiin a hril. Pathian devana hin mitinin mani sintho ang zêla roirêlpe ei la ni hrang a ni. Thiamchangtu ei om loi a ni.

3. Thiamchangtirna irhngatna (Ground of justification): Thiamchangtirna bulpui le irhngatna tak chu Jisua Krista felna thuôina le thina hi a ni. Pathianin misualhai chu an omdân sa tak le dik tak hmang vaihin thiamchangtirna a ni ti Paulan a hril. Jisua Krista thina kha Pathianin mihriam hi dânin a inphut chu lâkpai hrang dân hnuaia omtir a hong ni tak a ni (Gal. 11:4). Krista thisenin misualhai sualna chu a hong inboi tak a ni (Rom.3:25; 5:3). Kros-ah khan Krista taksa irbôlna ngêi khan mitin sualna chu roirêl pekin, misual âioin hrem a ni (IIKor.5:21) Kha Krista felna chu eini misualhai felna hrangin Pathianin thiam a nin changtir tak a ni. Khasikin Krista chu ei ta hrangin felna-ah dikna irthiangna-ah thiamchangna lama a ni hruai tak a ni (I Kor. 1:30)

4. Thiamchangtirna a nangna:- Thiamchangtirna ei innangna san chu hi a hnuaia thilhai hi a ni.-

a) Dân khit hruina ata thiamchangna:- Felna dikna kha Adaman an hriat taka khan thuôina famirkip kha an phutta kha dân kha Adama irchi murdi’n zôm thei loiin an oma; mi murdi sual thiamchangloina a lûttir a ni.

b) *Pathian le mihriam kongkâra irhmumâkna (Pathian thinurna) ata thiamchangtirna:-* Adama sual ata mi murdi hi sual ata mi murdi hi Pathian ningmurna tuang hrang ei ni, khêl thei viat ni mak, Khannisianlan, Pathian lungkhamna zuang inlanga a Naipa Jisua Krista ei iam tika Pathian ningmurna chu lâkpaiin a om zel hrang a ni. Kha rengata chu Pathian le râi ei nina chu a boia, Pathianin a nai hrangin a ni pôm tak a ni (Rom. 8:16,17; I Joh. 3:1).

c) *Pathian roirêlna thiamchangtirna:-* Pathian roirêlna thiamchangtirna bu Jisua Krista a ni. Ama boiin tute thiamchang ngai mahai, Pathian roirêlna hin thiamchanga ei om theina hrangin eini âiô'n Jisua Krista chu Pa makunga a inding tak a ni (Rom. 8:1; 14:10-13).

d) *Mi murdi hi misual ei nia; thiamchang loi zit ei ni:-* Krista thina zâra Juda le Jentail suak le suak loihai hi Krista-ah hin irang zitin Pathian makunga thiamchangin ei om thei tak a ni.

5. Thiamchangtirna rahai:- Thiamchangtirna changtuhai chu Pathian ata satvurna rahai an dong thei tak a ni.

a) Sual ngâidamna le Pathian roinpuina sabeia lomna (misual chu mi fel ti pôm theina a nei) (Rom. 5:1).

b) Irngeina, sual ngâidamna, Sani-nhringna, felna hmuna a ni.

c) Pathian choiindomna a hmu hrang a ni (Rom. 8:30)

d) Jisua Krista leh irzomna (Rom. 8:16,17).

e) Krista zara Judahai le Jentailhai le suak le suakloi dinghmun irangna a ni (Rom. 1:16f; 3:29).

f) Pathian nâi ni theina Krista rualhluttu ni theina (Rom. 8:16,17).

g) Thina ata hringna a lutna a ni (Joh. 5:24).

h) Krista iamna ata thiamchanghai chu Pathian Irtha irthiangin a ompui mai ngai a ni.

Chângvong : Rom. 8:1-2)

“Khasikia khan, atun chu Krista Jisua omhai ta hrangin chu thiamno inchangtirna zel om ta mah. Krista Jisua hringna Irtha dân khan sual le thina dân ata chu a nin suaktir tak.”

Hrilsôp hrang :

1. Thiamchangtirna omzia imani ?

2. Thiamchangtirna irhngatna bul tak ima nih ?

3. Thiamchangtirloina san chi thum sam roh ?

4. Thiamchangtirtu hi tu manih ?

SEN RUKNA

PAULA LE THURCHI SA

IRCHULAI - 24

PAULA THURCHI LE A SUAKINTHARNA

A thutum: - *Koindang dengintheitirtu kha Thurchi Sa hriltu le Koindang indingtu a hong ni ta.*
T ep hrang: - *Tir. 8:1-3; 9:1-6, 20-22; 22:6-11; 26:12-18; Gal. 1:22-24; I Kor. 9:16, 17)*

Thumahrui

Paula hin thurchi sei taka neia; a phuta khan chu Kristianhai dengintheitirtu a lei nia, a hong suakinthar (repentance) zoia chu Thurchi Sa hriltu lian tak (*Krsita Misssionary*) le Koindang phuntu a hong ni ta. Paula thurchi le a hong suakinthar thuhai ei inhriatinfel thei ualna hrangin hiang hin a thurchi hi sui ei ti.

A. Paula thurchi masa (*Early life of Paul*): -

1. Paula hi tu manih? : - Paula hi Juda sakhua mi a ta sei lian a ni. A thurchi sui dânin Paula chu ke irval a nia, irthahrui nei intam mi a ni. Sam (*hair*) nei intam loi, mitmul rêk chu a nei intam, hnâr inkûi viat mi a ni. Mihriam lian rak loa a nia, tumna nei inthûk mi a ni. Vârna nei le dân lama mi theithiam mi a ni. Hmêl irngaiom mi tak le lungkhamna nei mi a ni.

2. Paula irhming omzia: - Paula hun laia hin Rom rama om Judahai khan irhming inhni an nei ngaia, inkhat chu Juda irhming a nia; inkhat nôk chu an omna ram, Rom irhming mani, Grik irhming mani an nei ngai (Tir. 7:23; 10:18; 13:1). Khasikin, Paula hi irhming inhni a neia, inkhat Juda irhming, “Saula,” ti a nia; inkhat chu Rom irhmng, “Paula” ti a ni. ‘Suala’ irhming omzia chu “Pathian kuanga ngi / zong,” tina a nia; “Paula” irhming omzia chu ‘Pa te.’ Toi te.’ tina a ni.

**PAULA - KRISTA TIRKO SINTHO HRANGA
IRSIAMNA
IRCHULAI - 25**

A thutum: - *Thurchi Sa sin tho hrangin takirtâi taka
irsiam a nang*

Tep hrang (Text): - *Tir. 9:26-31; Gal. 1:15-20.*

THUMAHRUAI

Paula thurchi le a suakintharna chu ei irchu taka, a suakinthar zoia chu Thurchi Sa hril hrangin a irsiam zel tak a ni. Sintho hranga irsiamna hi iamtu nun sa tak a ni. Tir. 9:26-31-ah khan Paula hi Damaska khuaa thu a hril hnungin Jerusalem panin a chum ti ei hmu. Gal. 1:17-ah chu Damaska khua lam inlâna ahmu hnunga, tute hril loiin, Arabia ramchara pana a fe thu le Damaska khua a hong kir nôk thu hai, kha zoia Jerusalem a pan thu ei hmu. Paula ngeiin hiang hin a hril, “*Jentialhai laia Thurchi Sa ki hriltheina hrnagin a Naipa kha ki kuang an lar lai khan, tûte ni san hrangin irdon ma ung.....*” (Gal. 1:16-18). Tirtonhai sinthona bua chu Paula hin a suakinthar zela khan sinthoa fe zoi zel niin a’ n lang. Khan, Galatia lekhatona hmu dana chu Paula hi kum thum (3 years) sintho hrangin a’rsiam a ni. Hi thua hin hrilfia intakna a om. Mi thiamhai (*Scholars*) tam ualhai hril dâna chu Paul’ n inlarna a hmu hnungin Arabia ramchara panin, fianriala Pathian pôlna a hong nei phota, kha hnunga Damaska khua a hong om nôk tak a ni. Mi senkhatin chu Arabia ramchara hin kum thum (3 years) a châm ti khom an om. Gal. 1:18-ah hril dânin chu Damaska khua hin kum thum a châm ti a ni. Khan, Tir. 9:19-ah “*Damaska -ah khan irchutirhai kuang idor sîn ten mani a châm,*” ti hi Gal. 1:18-ah “*kum thum*’ tia Paula ihril leh hin irang ni thei a ti.

Pathian Rama sintho hranga Paula irsiam lam chu Bible-ah

Paula ngei khomin puan in (*tents*) siam thei tak a ni Tarsa hi Grik vârna khopui a ni. Irchuna (*education*) lama khom University omna hmun a ni. Tarsa khua hi Paula suakna le seiliana a ni sikin, Grik vârna lungril le ngaituana chu a hong iseilianpui tak a ni.

5. Paula - Rom mi: - Paula chu Rom mi a nina hi ram thuneituhai kuang ngeia hin a hril, “*Kei chu Rom mia suak pial ki ni,*” (Tir.22:28) tiin a hril. Tianlai khan Rom mi nina nei hi a hlu tak tak a ni. Rom mi ni loa, Rom mi nina nei hi thil olsam ni mah. Irchoiirsângna sika pêk thei khom ni ngai mah. Rom reng inlal tak (Kaisara’ n) a ram ta hranga mi kamom tak le a khua le tui ta hranga iamomtuhai chu Rom mi nina a pêk ngai a ni.

Rom mi nina (*identity*) hi a hlu tak tak a ni. Rom mi chu vik thei ni ngai mah, khit phiar thei le hêmbe thei ni ngai mah. Paula hi Tarsa khua a om lai rengata a pa ata Paula insûngkua chu Rom mi nina hi an lei nei tak a ni. Khasikin, Paula hi Grik le Rom nun le lengna kara sei lian a nia, Rom mi le Grik mi khom niin a a hril. Paula hi Jentail a nina tak chu Rom mi a nina le Grik lungril le vârna a irputa hin Jentail mi, ti thei a ni.

6. Paula - Kristianhai dengintheitirtu: - Paula chu a pianginthar ma’ n khan Kristianhai dengintheitirtu a eli ni (Tir. 8:1 ff). Stefana hi lunga dengthat laia khom khan Paula (Suala) khom an ithat kha a pompui sa a ni (Tir. 7:60). Mi tam tak a chela, intângna ina (jail) ina a khumhai a ni. Kha anga Kristianhai that tumin Damaska khua dâna a fea, lampuia Krista inlarna a hmu, a piangthar tâk a ni (Tir. 9:1-19). Khanchu, Thurchi Sa hriltu (Krista Tirko) a hong ni taka, Koiindang a hong phun tak a ni.

B. Paula suakintharna

Paula suakintharna thu hi Bible irchanga hin a’ n lang- Tir 9:1-10; 22:1-12; 26:2-23; gal. 1:11-17; Fil. 3:3-17). paula suakinthar dân hi irningloia voikhat zela zuang chum pe thut a ni.

1. Paula inlârna hmu:- Paula inlârna hmuna hmun tak chu Damaska khua lampuia a ni (Tir. 9:3-4). Paula suakintharna thurchi hi

Khanchu, Damaska khua lampui panin a fe taka; Damaska khua atung tōnin voi khat rengin irvân ata a'rhilin vâ irkhêl tak a zuang vâ vâ pe phuta! Paula chu hnuai a'rtet rak tak! Khanchu, irvân ata rôl irhai a zuang inringa, “*Suala, Suala, itho mo deng ni ni inthei?*” a zuang tia, Paula chu a chi tak taka, Paulan, “*Rengpa, tu mo ni ini?*” a tia. Irhaiin, “*Jisua, deng ni intheitirtu kha ki ni, thoiin lan, kho sūnga lūtin lan, ni itho hrang nang lei hril an ti, a tia.*” Paula fepuituhai kha chamang rakin an oma, irhai vaih an inhriatta; khannisianlan, mihriam tute hmu ma hai.

Khan. Suala chu a hong thoia, a hong meng a, ite hmu thei ta maka; khanchu, a kuta an kaia Damsaka-ah khan an hruai lūta, Juda ina a tung tak a ni. Sūn thum sūng chu rammual hmu thei loiin a oma, ite fâkin in thei maka, a chongchai ringot tak a ni. kriatianhai dengintheitir hranga Damsaka khua pantu (Saula) chu lampuia Krista'n a'rtokpuia, kristaa nunthar danglam a hong ni tak a ni.

2. Paula chung a sintho hrangin Pathianin Annania a tir: - Paula chung a inlârna ikrkhêl a chum lai takin Annani kuanga Rengpa a zuang inlâra, Rengpa'n, “*Thoiin lan, lamlian 'intûn' an itia khan fe'n lan, Juda ina Tarsa khua om Saula zong suak roh.*” Ama chu a chongchai lai tak a ni' tiin a zuang hril. Annanian chu Saula nun hi a lei inhriat infel a ni. Jerusalema Koiindanghai dengintheitirtu a ni zia a'n hriat sikin, annania chu fe nuam chchia mah. khannisian, Rengpa'n, “*Fe chian roh, hi pa (Saula) hi Jentailhai, renghai le Israelhai kuang ki'rhming pe lūttu hranga ki inkung kêng a ni.*” a tia.

Khanchu, Annania chu Paula zong suak hrangain a chuma, Juda in chu a va lūta, thil omzia a hmûin chu a'rkkhêl a ti tak tak! matona nun rông tak le Kristianhai dengintheitirtu paula chu ngui taka omin, ite hmu thei loa om rak kha a hmu taka ni. Annania'n, “*Ureng Saula, ni mit a vâ nôk theina hrang le Irtha Irthianga ni sip theina hrangin, ni hongna lampuia ni kuanga inlâr Rengpa Jisua khan ni kuang a ni hong itir a ni,*” a tia (Tir. 9:17).

Khan, irning loi rengina mit ata hlip anga om a tâk zoia; khanchu, a thoia, Baptisma a chang tak a ni. Bu le anh a fâka, a hong harsuak tak a ni. a suakinthar zoiin, Damaska khuaa khanidor sūn ten mani chu a châm tak a ni.

3. Paula chu Damsaka khua Thurchi Sa a hril: -Paula chu Krista inlarna a hmu (suakinthar) hnungin Damaska khua khan Jisua chu Pathian Naipa a ni tia hril phut tak a ni. A thurchu inhriat murdi'n chu a sâna 'rkhêl an tia, asan chu paula hi Jerusalema iamtuhai dengintheitu a lei ni ngai sikin, a suakinthar zoia chu Thuhriltu lian tak (*Krsita Tirko*) a hong chang taka ni. Suala thuthrila khan mi a inhnê ok taka ni. Koiindang indingtu a hong ni tak a ni.

Changvong: (Gal. 1:23 &24)

“Tiana deng nintheitu khan inrampai a itum khah iamna thu a hril lik ta, ti irhai vaih an hriata; Khaang khan keima sikin Pathian an inpâk ta.”

Hrilsôp hrang: -

1. Paula hi irhming iza mo a nei? Arhming sâm roh. Kho khua suak mani/
2. Kristian dengintheitir hranga, Jerusalema phalna a ilak kgha tu kuang mo a ilâk?
3. Damaska khua lampuia khan imo a itong?
4. Damsaka khuaa khan tu ina mo Paula a itung?
5. Damsaka khua Paulka zong suaktu le a mit indamtu kha

Paula inzin voi khatna hi Tir. 13:4-14, 26-ah hin ziaa a ni. A voi khat zinzinna zoro chu 46-48 A.D. vèla niin an iam. A inzin voi khatnaa hin a rual chanpui inhni Barnaba le Johan Marka hai a hruai hai sa a ni. Paula hi Koiindang dengitheitirtu a lei nia; khanisian, a suakinthar zoia chu Krista Missionary roinpui tak a hong ni taka, Pathian Ram Thurchi hril hrangin sa takin a hong irsiam tak a ni. Ei nia laia hin teh Missionary lungril (*Missionary mind*) nei mo ei om ta! Pathian Ram sin hranga lungilr irputtuhai chu mi van nei an ni. Paula hi Krista Tirko (*Missionary*) a nia, Thurchi Sa hrilin voi thum an zin suak a ni. Atuna hi Paula inzin voi khatna ei irchu hrang a ni.

1. Antiokei Koiindang rengata Paula inzinsuak a ni: - Antiokei hi Suria ram khopui (*city*) a ni. Antiokei khuaa hin Kristian Tianlai, Jerusalem-ah dengitheina a hong tunga khan iamtu tam tak chu Antiokei khopuia khan an rota, Kristian an hong tama, Koiindang a hong hring taka, Krista iamtuhai hih '**Kristian**' tia koi masa tak hmun a hong ni tak a ni (Tir. 11:26). Hi Antiokei Koiindangin Paula le Barnaba inzin hrangin an intha (*farewell*)-hai tak a ni. Hi khuaa hin sinthotu le mi'rehutirtuhai an oma, an irhming chu- Barnaba, Sumeona, Nigeria, Lukia, Menaia hai an ni.

Khan, iamtuhai chu bungheiin an chongchai laiin Irtha Irthiang a zuang chuma; Irtha Irthiangin, "*Barnaba le Saula hi anni ki inkungna san tho hrangin ni'rsentir roi,*" a tia. (Tir. 13:2).

Thurchi Sa hril hrangin Pathianin a ti, ti an inhrita tak a ni. Khan chu bu ngeia an chongchai zoiin, Paula le Barnaba hia lu chungu kut irnhatin an nam indata, pathian Ram thurchi hriltu, Missionary hrangin an tir suakhai tak a ni.

2. Thuchi Sa hrila an inzin phutna khuahai: -Thurchi Sa hril hranga Antiokei Koiindang ata Paula le Barnaba titsuak an ni lai khan, Barnaba tupa ruotharte Johan Marka khom an hruai sa a ni. An inzin suakna voi khatna hi chu inzinna ram chu irzat ok mah. An inzinna ram chu- Sieukai, Kupra chômbung, Perga, Pisidia rama Antiokei, Ikonion, Lustra le Derbe hai an hro a ni. Antiokei ata irkuangin Selukai an pana, khan, Selukai ata Kupra

1. Arabia rama Paula a fe: - Paula ngeiin, "*Ki ni mân daiiah tirko lei ni tâk, Jerusalem mihai kuang fe ual ma ung. Arabia rama ki fe pat taka.....*" (Gal. 1: 17) tiin a hril. Paula hi mi thei tak, dân inhriat mi le sakhua mi tak a lei ni. Grik vârna le Juda-hai lekhabu le sakhua thuhai hi a'nhriat intam sa a ni. Paul'an kha a inhriathai kha aruktok ti maka, arabia ramchar hmuna Pathian pôl hrangin a irsiam tak a ni.

Tianlai chu snthotuhai irsiamna hmun *Monastery* an nei ngaia, atunlai hin sinthotuhai irchûna hmun Bible School le Theological College a om tak a ni. Paula hun lai chu la om mah; khasikin, ram kara, ram rila hin Pathian pôla sintho hranga irsiamtharna hmun a ni. Tianlaia sinthotuhai- Mosia hai, Elija hai, Josua hai khomin sin an tho hrangin ram chara Pathian pôlin hun an hmanng masas phot ngai a ni.

Reng Jisua hnungzuituhai (*disciples of Jesus*) khan kum thum (*3 years*) sùng an irsiam anirsiam zoi hnunga Irtha Irthiang inthum tharna an ngêk nôka, kha zoia kêng sinthona an la ikop ngai a ni.

Paula irsiam dân khom hi Jisua hnungzuituhai irsiam dân ang a ni. Damaska khua lampuia Jisua Krista inlârna a ihmu dân hai, Jentai-hai kuanga Thurchi Sa hril hranga Pathianin a lei ikoi dân hai a ngaitua nôk nget ni thei a ti. Paula hin Pathian Ram sinthona le Pathian pôlna a ngai poimo ti a inlang a ni.

2. Damaska khuaa Paula a hong kirnôk: - Paula'n, *Damaska khua tiang ki hong kir nôk lik tak a ni,*" (Gal. 1:17) a ti. Koiindang dengitheia a tuma hmun Damaska tiang a hong kir nôka, iamtuhai lai omin zoro sôt tak a om tak a ni.

3. Jerusalem-ah Paula a fe: - Paula chu Damaska khua rengata a fe nôk taka ni. Jerusalem hi Koiindang inding phutna hmun a ni sikin, Jisua hnungzuituhai kha an om ngai a ni. Khan, Petera leh an irhmua, Jerusalem-ah khan sùn sômhleir-vinga vèl a châma. Kha hmuna khan, Tirko danghai chu hmu maka, Jisua hnungzui laia mi Jakoba (Koiindang hruaitu poimo tak) vaih a hmu sa a ni. Paula hin Reng Jisua kha a damlaiin a hmu ta nosikin Jisua

4. Suria le Kilikia rama Paula a fe: - Paula'n, "*Kha zoin chu Suria le Kilikia ramhaia ki fe nôk tak*" Gal. 1:21) tiin a hril. Jerusalem ata Suria le Kilikia rama a fe nôk tak a ni. Suria ram hi Palistina ram sak (north) tianga om a nia, hi ram khopui chu Antiokei a ni. Kilikia ram sũa hin Tarsa khopui a oma, kha khua kha Paula suakna le seilianna hmun a ni. Paula hi sintho hrangin a suak tak tak hrang a ni taka, a lei omna rama a insũa mihai le a rualhai kha ma thurchi inhriattir hrangin a suaknakhua hi a va ihrô ni ngei a ti.

Paula hi theina, varna nei mi a nia; khanisian, Pathian sintho hrangin irsiamna tak tak a nei. a suakinthar hnunga khom kum thum vêt sintho hranga irsiamin a hun hlu tak a hmanga, kha zoia chu Thurchi Sa sintho hrangin a suak tak a ni. J. Oswald Sanders'a, "*Paula irsiamna hi Post graduate course (B. A. zoia irsang ual) irchuna a ni,*" a ti. Paula hi snthona lama irsiamna sa tak tak a neia, Pathianin a hmang satzia le a sinthona sat vurin a omzia hmu thei a ni. a sinthonahai ei la irchu zêl hrang a ni.

Chângvong: - Galatia 1:16, 17

"Jentailhai laia Thurchi Sa ki hril theina hrangin A Naipa kha ki kuang an lâi lai khan, tute ni san hrangin irdon ma ung."

Hrilsôp hrang: -

1. Paula kha Thurchi Sa sintho hrangin itho mo irsiamna a inei? Kum iza mo irsiamna a inei?
2. Kho rama mo Paula kha Pathian pôl hrangin a i fe?
3. Damaska khuaa khan tu'n mo ama thurchi a ihril?
4. Jerusalem-ah khan tuhai mo a zu ihmu/ Sũa iza mo Jeru-

IRCHULAI - 26

PAULA INZIN VOI -I-NA (The First Missionary Journey)

(46 -48) A.D vêt

A thutum: - *Pathian Ram Thurchi hril (Missionary sin) hi Paula sintum lian tak a ni.*

Tep hrang (Text): - *Tir. 13:4-14, 26; Rom.1:18.*

(The First Missionary Journey)

THUMAHRUAI

Pathian Ram Thurchi hril hi Missionary sin a nia, Paula hin hi missionary sintum hi a nhringnuna thupui lian tak a ni. Thuchi Sa hrila a inzinna hi voi thum vel a nei. Paula', missionary sin a tho sũa hin mêl 20,000 vêla inzin niin, hriat a ni. Reng Jisua Krista zuangna san chu hi rammuala Pathian Ram Thurchi Sa insip hi a ni. Paula hi Reng Jisua leh an irtok ata chu Krista sin (Thurchi Sa sintho) hi a sintuma a ihmang zel taka ni. A sintho sũa hin Mission sintho dân (*missionary method*) a inei senkhat chu hiang hin tarlang a ni.

1) Irtha Irthiang hruaia omin, Thurchi Sa sinthona hmun bik nei ual loiin, an chumna hmun tina Thuchi Sa sinthona hi a sin ngai a ni.

2) Paula'n Thurchi sa hril hi khopui poimo le lian ualhai hi a'r zin ngaia ni. Asan chu khopuia hin mi tin , nam chi tin an om ngai sika niin an lang. (Entirnan- Korint, Efesi, Antiokei, Thessalonika, etc).

3) Paula hin sin atho sũa hin mihaiin Thurchi Sa an hril loina hmun an

thang an ngai a ni. Rom. 15:20-ah khan, "*Mi dang lung-phûm*

chungu sin inding ki ni loina hrangin Krista lan hriatloina hmun

kipa Thurchi sa inpuang hi ki nuamlam a ni." tiin Paula'n a hril.

4) Thurchi sa hril hi mani khata tho mai chi ni mah ti Paula', an

Barnaba le a tupa *Marka* chu Kupra chombung panin an fe tak a ni. Paulan chu a rual thar Sila a hruaia, Suria le Kilikia ram an pan tak a ni. Sila hi Silvana ti khom a ni (I Theso. 1:1; II Kor.1:19) Sila ti chu Grik irhming a nia; Silvana ti chu Latin irhming a ni. Kha zoiin chu *Derbe* khuahai le *Lustra* khuahai an hrôa, Koiindang a lei phunhai kha iamna lam a indettirhai tak a ni.

Lustra khua a khan ruatharte fel tak Temothe hi an hmua an inzinna khan an hruaisa tak a ni. Timothe nu chu Juda a nia; a pa chu Grik a nia sertan loi a ni sikin ser an intantira, an inzinna khan an hruai sa tak a ni.

2. Makedonia rama lût hranga koina:- Asia minor rama Thurchi Sa hril mai a tuma; khannisian, Irtha Irthiangin Asia ram thunsîr a khapa; khasikin, Frugir le Galatia ram an irfang tak a ni. Musia ram le Bithunia rama fe an nuama Irtha khan phal mah. Khasikin Musia ram khela Troas khua an fe tak a ni. Troas-ah an om lai khan zana inlarna an donga Paula inlânran Makedonia mi inkhatin Makedonia ram hong kaiinlan ni hong san roh (16:9) tiin ngênna a dong tak a ni. Khan chu Pathian koina irngaiin Tuipui lam Makedonia ram an pan tak a ni. Troas a irthokin Semothraki khua tûk nôka Neapolis khua an fea, Filipi khua an tung tak a ni.

3. Filipi khua Paula le Sila sinthona:- Makedonia rama hin Filipi khua chu khua poimo tak a ni. Filipi khuaa hin naipang fel tak *Ludi* (puansen duk zuartu) hin Paulahai thuhiril ata Ludihai insûngkua chu Jisua an iam tak a ni. An ina Paulahai chu an intungtirhai tak a ni.

Paula chu Filipi khua sin a tho laiin nikhua khat chu chongchaina hmuna an fe laiin dongmate inkhat ramirhli ichel tasan a theina sika khan a puhai sum tam tak a lei pek ngai a ni (16:16). Paulan Jisua irhmingin a sûnga ramirhli an inhnotsuak tak a ni. Khanchu a puhai khan an sum hmuna ngai a om ta no sikin, Paula le Sila chu an chelhaia an zembithai hnungin intangnaina (Jail ina) an khum tak a ni. Intangna ina an omlai khomin an chongchaia Thurchi Sa an hril mai ngai a ni.

Khan Jail ina khan irning loiin hningnupui a hong thoa; jail inkharhai a hong irhong ving taka. Khanchu jail in nghaktuhai

Barnaba hi Kupra chôngbunga lei om ngai a ni. Kha ram chôngbunga khua inkhat Paphos-ah khan Juda mi doithe Barisua, Eluma doithe (kha kha Grik chonga a'rhming a ni) an ti chu a om. Barisua khan Paula thuhirilhai kha doiin ramoptu vâr tak Serjia-Paula chu in-iamtir loi hrangin a lei beia. Kha thu khah Paula'n an hriatin, na takin a hal tak a ni. Khanchu, Barisua mit chu a cho pe rip taka, ama hruaitu hrang zongin a'r vâk a'r vâk tak a ni. Ram optu Serjia khan chu Reng Jisua a hong iam tak a ni.

3. Pisidia rama Antiokei khua an tung (Tir. 13:13ff): - Paula le a chanpui inhni Barnaba le Johan Marka hai chu Kupra chôngbunga ata hmar tiang panin irkuanga an fe pata, Pamphulia rama Perga khua an tung tak a ni. Perga ata chu Johan Marka khan Jerusalem lam tiang a rotsanhai tak a ni. Marka hi ruatharte la naipang ula a ni sikin, intakna tuang hrangin tuangdiarna la nei zoi loi a ni.

Pisidia rama Antiolei khua an tungin Sabbath ni-ah Synagog-ah an va inkhôm ngai a ni. Sabbath ni a hong tungin chu mi tam tak an hong inkhôm ngaia. Paula hai sinthona ata mipui tam tak an lômtir ti Juda-haiin an inhriat le Jentail-hai'n Thurchi Sa an dong ta ti an inhriatin chu a sân an ning an mur taka, Paula thuhirilhai le a irchutirnahai chu a an doi tak a ni. Khannisian, Paula chu matona nêkin Thurchi Sa hia hril ual tak a ni. Paula'n, "*Keini hi chu Thurchi Sa kha hril hrangin kin izuang a ni.*" a tia. (Tir. 13:32). Paula le Barnaba'n, "*Pathian Thu hi nangni kuang hril masa hrang rêng a ni; khanisianla'n, nin hnôla, kumtuang hringna nei zel loaia nin irngai hnung chu inhre roi, Jentailhai tiang irhei kin ti,*" an tia. (Tir. 13:46). Khanchu, Juda-hai khan mipui an palâkhaia, Paula le a rual irpalpuihai chu an khua rengata an inhot suakhai tak a ni.

4. Ikonion, Lustra le Derbe khua an tung (Tir. 13:13ff): - Juda-haiin Paula le Barnaba chu Antiokei ata an inhnotsuak hnungin Ikonion-ah, Lustra le Derbe-ah an pan tak a ni. Sunagogah Pathian Thu an hril zela, mipui tam takin an bôma, Juda le Grik mi tam takin Reng Jisua chu an iam tak a ni. Ikonion khuaa khan zoro sôt zan an oma, kha lai khan Juda kaia iamloituhaiin buaina an siam nôk tak a ni. Khanchu, mipui laia irhnialna a hong suaka, a senkhatin Paula le Barnaba an kopa, senkhatin Juda-hai an kop tak a ni. Paula hai chu mualphoi an irsaktira, lunga deng that an tum sikin Ikonion chu an suaksana, Lustra le Derbe le vela ramhaia an fea, kha rama

5. Lustra le Derbe khuaa an sinthona (Tir. 14:8-28): - Ikonion an suaksana Lustra khuaa a pan tak a ni. Kha hmuna khan mi inkhat a suak ata ke'n bai a oma. Kha pa khan Paula thu'nsir kha a'ngaia,

Paula'n damna hrangin iamna a nei ti an hriatin chu, inring takin, "Ni ke'n ngir suak ro" a tia. Kha ke'n bai kha a'rchoma, ke'n a fe thei tak a ni. Lustra khuaa mipuihaiin Paula le Barnaba sintho ata Pathian sinirkhel kha an hmu khan Lukaoni chongin inring takin an khêka, "Pathianhai kha mihriam angin ei laia an hong isuak tak a ni hi," an tia. Barnaba chu 'Zeusa' (Jupiter)' an tia, Paula chu 'Mercuria' (Hermia) an ti. Anni ruai chu Pathian anga biak an tum tak a ni.

Chângvong: -Tirtonhai. 13:4

"Khanchu Irtha Irthiang itir suakin Selukai khuaa an chuma; kha takata khan Kupra chômbungna irkuangin an fea."

Hrilsôp hrang: -

1. Paula inzin voi khatna idor kum mani?
 2. Paula le Barnaba hai kha kho khuaa rengata inzin suak mani?
-

IRCHULAI - 27

PAULA INZIN VOI 2-NA
(*The Second Missionary Journey*)

(49 -52) A.D. vêt

A thutum: - Europe ram denin Thurchi Sa a tung
Tep hrang (Text): - Tir. 15:11-18; 22)

THUMAHRUAI

Tir.15:36-18;22 sùng hin Paula inzin voihnina chu ei hmu Thurchi Sa hril hranga inzin a ni. Sapchongin chu *Missionary journey* tiin lekhabua ziaik inlang a ni. Paula inzin voi hnina zoro hi lekhabu dang danga ir-ang maka; senkhatin AD 50-52 sùng tiin an hrila, a rêng renga insapin an zin voihnina kum hi AD 49-52 kâr sùng vêla a ni.

Paula inzin voikhatna khan chu Asia minor rama arfang intam ual a ni. Hi voi hnina inzinna chu Asia hmar lam tiang phutin Suria le Kilikia ram an zina; kha rengata Makedonia ram an lût tak a ni. Paula inzin voi hnina khopui lian a hrô hai chu-Filippi Thessolonika, Beroia, Atheni, le Korinth khopui-hai a ni.

A inzin voihnina sùng a lekha thon chu I Thesalonika a nia; arziakna hmun tak chu Korinth khuaa a ni. I Thesalonika hi Paula lekhaton masa takna a ni. Kum AD 50/51 vêla ziaik a ni. kha hnung zel a khan II Thesalonika lekhaton hi a irziak suizom zêl a ni.

Paula inzin voi hnina hin Paula chu Sila hruaiin Jerusalem reng ata a hruaia; an inzin suak tak a ni. Atun hin Paula voihnina khuahai le a sinthonahai ei irchu hrang a ni.

1. Paula'n Sila hruaiin Suria ram Kilikia ramhai Derbe le Lutra khuahai an inzin:- Antiokei khuaa khan idôr tôk mani chu an irngam hnungin Paulan Barnaba kuang "Tho fê nôk ei ta, kho tina Rengpa Thu insirinei urenghai pan ei ti" (Tir. 15:36) a tia; Barnaba'n chu a tupa Marka kha an laia tuang sa a nuama, Khannisianlan Paulan chu nuam viat ta maka asan chu Marka chu Pamfulia eam tina a kîrsana an sin a zoipui no sika a ni (Tir. 15:38). Khasikin Missionery roiinpui inhni Paula le Barnaba chu an inzin irkop thei ta loi a ni. Kha reng ata chu Paula le Barnaba chu an irfuk thei ta loi a ni.

2. Troas kua-ah Paula sinthona:- Efesi kua-ah buaina a boi hnungin chu Paula'n iamtuhai a koi bukhaia; inthorna chongbai a hrilpuihai a ni. Paula chu Makedonia ram arfang suaka; Grik ram a tunga kha hmuna khan tha thum a om hnungin Suria ram tiang fe hrangin arsiama; khannisian, Judahaiin, Paula chu that an tum sikin, Makedonia ram tiang a kîr nôk chian tak a ni (Tir. 20:3).

Paula hin zuitu a nei mai ngai a ni.

Zuituhai chu Spatera (Pura naipa), Aristarka hai, Sekunda hai, Gaia hai (Daebe kua mi), Timothea hai, Asia rama Tukika hai, le Trofima hai an ni. Kha mihai kha an lei fea-ah Paula chu Troas a khan an lei nghak a ni.

Paula le Luka chu Filipi kua ata irkuangin Troas kua an tunga kha kua a khan Paula le a rualhai chu sun sari an om tak a ni. Troas kua a khan Pathian ni an inkhoma a tûka Paula chu a fe tum sikin, zan lai denin Pathian Thu a hril ngit laia khan ruatharte inkhat Eutuka chu a lei inmusua, an omna in tala inthuma in tukver rengata irnenga a taka, an zu hrutin chu a thi chian tak a ni. Khannisian, Paulan nin char indong no roi a hrang la chat mah a tia; Paulan Eutuka chu an dama, bai an fak tira, khovar denin a chongpui zoiin chu a fe tak a ni. Eutuka kha a hong damin chu in tiang an fe tak a ni. Atûka chu Troas rengata Paula chu Asso-ah khan an fea kha reng ata irkuanga chuangan Mileto a fe tak a ni.

3. Mileti kua Paula a fe:- Troas kua rengata Paula rualhai chu irkuangin Assi an fea; Paula chu kein Assi a fe. Assi kua rengata irkuanga an chuanga Mitulini kua le Samo chombung an lûta, a tûk noka chu Mileto an tung tak a ni. Jerusalem-a Penticost hmang ngêi an nuam sikin an irhnota, kha hmuna khan om insôt mahai.

Mileti-ah hin Efesi kua-ah upahai a koi khoma, thu poimo tak a hrilpuia, fûina thu a hril. Paula hin an irhmu nôk ta loi hrang thu a hril sa. a hril sa. Kha hmuna khan an rengin an chapa, a hmel an hmu nôk ta no hrang thu Paulan an sir kha an milung irngâi siatna bi tak chu a ni. Khan chu chap pumin an irsen tak a ni.

4. Jerusalema Paula a fe:- Paula le a rualhai chu Mileti ata irkuangin an suaka, Troas kua hai Rodi khuahai le Patara kua le kua tam tak sirin Tolema kua an tunga, kha hmuna khan sun khat an oma, a tûka chu Kaisari kua an tung. Kha hmuna khan Pathian thu a hriltu Filipa (upa sari laia mi) ina kin tunga, ama hin

4. Filipa kua rengata Amphipoli, Apollonia, Thesolinika kua an fe:- Paula hai chu Amphipoli le Apollonia an khela Thesolonika khuahai Atheni (Grik khopui) Korinth khuahai an hroa; Koiindang an phun zela anni doitu tam tak khom an hong suak sa mai a ni. Atheni rengata Korinth kua a pana, Priskilli le Akuilahai sangram khom an va hmuhai sa a ni.

Korinth khuahai zalen takin cholni rikipin Thurchi Sa an hril ngai a ni. Korinth kua a hin an om sot tak a nia; tha sôm le tha riat (*18 months*) a châm / a om phâk a ni. Kha rengata Efesi an hrôa, Efesi rengata irkuanga Kaisari -ah an tunga Jerusalem hruaituhai an zu hro kha hnungin chu Antiokei-ah an kir nôk tak a ni.

5. Paula inzin voihnina irsinsiana:-

a) Jerusalem Inkhompui thurêl kha iamtuhai an inhriatztir zêl.

b) Lustra kua mi fel le iamom tak Timothe an hmu.

c) Lung ina khom thuhriina masan mah.

d) Missionary inhni (Paula le Barnaba) inthural thei loi hi thil poimo tak a ni.

e) Paula inzin voi hnina hin Paula lekhaton masa tak I Thessolonoka hi Korinth kua ata zia kum chu AD 50/51 vêla a ni.

Chângvong: Tir.15:36

“Zoro sôt ian hnunga chu Paula'n Barnaba kuang, “Thoi! Fe nôk ei ta, kho tina Rengpa Thu ei irchuna murdia ei urênghai pan ei ta iamna an ngîr hmunhai le irhmutir rei” a tia.

Hrilsôp hrang: -

1. Paula inzin voi hnina hi kho kua mo a om intam tak ?
2. Inzin voihnina hin tumo a hruai kha ?
3. Paula le Barnaba an irmilnona hi tu sika mani ?
4. Filipi kua nupang fel tak kha imo arhming ?

IRCHULAI - 28

PAULA INZIN VOI 3-NA
(*The Third Missionary Journey*)

(53 -57) A.D vêl

**A thutum: - Koiindang enkôl mai a nang.
Tep hrang (Text): -Tir. 18:23-21:16)**

THUMAHRUAI

Ei irchu tak angin Paula inzin voi khatna le voihnina hin chu Thurchi Sa le Koiindang inding hrangin Asia ramhai, Makedonia ramhai le Akaia ramhai arfang suak thu a ni. Inzin voi thumna hin hi Koiindanga lei iniding takhai kha enkol le indet hrangin a inzin a ni. Paula inzin voithumna chu AD 53-57 vêl sũa a nia; Luka khom a omsa niin anlang “kin” ti irziak a omsa a ni.

Maton a lei irfang tak Galatia ram le Phrugia ramhai a hong irfang suak zit nôk a ni. Sak lam tiang arfang suak zoiin chu thang tiang a chuma Efesi-ah a lût tak a ni. Efesi khua hi Asia minor khopui a nia; khua irchong tak niin anlang (Thup. 18:12ff) Efesi khua sin a thona hi an hlohling tak a ni.

Efesi khua sin a tho zoiin Tros khua a fe nôk ti thu ei hmu hi Tros khua a hin sũa sari vel a oma; zân khat chu Paula hi thu a hril sôt sikin ruatherte inkhat Entuka chu a in musua irsang ata a taka; Paulan an dam nôk tak a ni. Troas khua ata fein Assi ram, Mitalini ram, Sumi chombung hai, Mileti-ah a fea; kha rengata fe zitin Patera khuahai Tunihai, Ptolemaihai an hrô sa a ni. Kha ram ata Kaisari-ah pan zêlin Jerusalem an pan tak a ni. Khan Jerusalema khan an lei chela Roma hruai a ni tak a ni.

Paula inzin voi thumna hin Paula chu rual sa tak tak a hruaia Dr. Luka-hai Timothe hai a hruaia Makedonia ramhai ata Gaia le Aristarka haiin an zui sa a ni. An ni khela khom mi kiriat vêl a hruaihai sa a ni (Tir. 201ff). Paula inzin voi thumna khua a hrô hai le a sinthona poimohai ual chu hi a hnuaihai hi a

1. Paula Efesi khua-a sinthona:- Paula chu sũa tam tak Antiokei a om hnungin iamtu hai an det theina hrangin Galatia ram le Phrugia ram arfang suak zoiin Efesi khua a zu tung tak a ni. Efesi khua khan India mi Apolloza Pathian Thu'n sir thei takin sin a lei tho Irtha Irthiang hi tu khom lan hre mahai khanchu Paula 'n an chung a kut a rnhata Irtha Irthiang an dong zêl tak a ni. Baptisma changtu hai chu pasal sômhleihni an ni (Tir.17:7). Paula chu Sinagoka khua a khan tha thum sũa Pathian Ram thurchi a hril ngai a ni. Mihai an sel hrai sikin, Sinagok-ah sintho nuam ta mah. Paulan an ni chu a maksan haia, Kristianhai a hruai-haia, a nitin zing dar 11.00 ata kholoi dar 4 ten Turana irchutirna ina thu a hrilpuhai ngaia; kha hmun a khan kum hni vêl a ompêk a ni.

Pathianin Paula kut a hin thil irkhel danglam tak a tho ngaia a hmai huinana le a puan silhai tôn ringot khomin an dampui ngai a ni (Tir. 19:14)-ah Khan Paula sintho angin Juda ochai inlal tak Skeva nai pasal sarihaiin tho an nuama khannisian, ramirhli khan an kuang, “*Jisua kin hriat Paula khom kin hriat, nangni rek hi chu tuhai mo nin ini ? a tia;* A sũa ramirhli neitu khom a hong inboa; an hneêzit taka pop iliam le an puan chet chitin an intan tak a ni. Khan chu, Jisua irhming an thang tak a ni. Doi mai ngai tam tak khomin an lekhabuhai chu mitin mit hmua; an hal taka; an man an insâpa Rs. 50,000/- man an hal zit a ni. Efesi khua a khan Thurchi Sa an dar zela; iamtu an pung mai tak a ni.

Efesi khua a khan Rengpa lampui thu sikin, buaina lian tak a oma; mi pasal inkhat Demetra Diani (Artis) Pathian irlim siam ngaitu a oma mitin ta hrang siamin sum tam tak a hmu ngaia; a irchongpui tak a ni. Khan Paula Thurchi Sa hril sik a hin a sum inlapna inchannin, anhrata mi danghai an phuthaia khan chu Efesi khua chu buaina a suak tak a ni. Efesi khua pumpui an buaia Paula zuitu Gaia le Aristarka-hai chu an chela an palin enhoi siamna ina an nia an intanpui tak a ni.

Paulanmipui makunga a va ngir tuma; khannisian, Paula mihai (Tir. 19:29-30). Khannisian, roiroireltuhaiin buaina chu an ibboipai tak a ni. Paula chu Efesi khua ata Makedonia ram an hro noka a ram pumpui arfanga Koiindanghai a kanhai zit a ni. Kha hnunga chu Grik rama

7. Dikna irngâi innat:- Paula chu Pathian le mihriam makunga sia le sa hriatna irthiang takin a dikna hi a tum nget ngai a ni (Tir. 24:16). A thiltum hi ei nun a hin omzia nei takin a fe pangai a ni. Paula thu lâk lam chu “Ni chu ni, ni loi chuni loi” a tia, thu dik chu a chel ngit ngai a ni.

8. Irpêk zoina:- Takirtâi taka irpêk zoina hi hruaitu ta hranga nang tak a ni. Jentailhai ta hranga saninhiringna an changtirna hrang photin chu dengtheina khom tuang a nuam ngai a ni. A sinthona Thurchi Sa hril hin ichi omna kara khom a nun inchan irhuamin sin a tho ngai a ni (Tir. 21:10-14). Krista-ah Missionery sika Jail ina intangin a oma a intang sâng a khom hin sinthona hmun inchum a zong mai ngai a ni. Rom khopui sunga kum hni sung Jail ina a om sâng a khom hin a zoro hmang intam tak chu Thurchi Sa hril nan a hmang ngai a ni (Tir. 28:30-31).

9. Mani irsep theina nun a nei:- Mania irsep hi hruaitu hloling an ni thei a taksa le a nunzia chu mani irsepna thuneina hnuai a sia pai rip ngai a ni (IKor. 9:26ff). Galatia lekhaton Irtha ra a hrilna hin mani irsep theina khom hi a a lut sa a ni (Gal. 5:22, 23).

Chângvong: I Kor. 11:1

“Ki om dân irchûtuhai ni roi, Krista om dân irchûtu ki ini ang hin.”

Hrilsôp hrang: -

1. Itinmo Paula hi mihai entonrua a ini?
2. Paula nuna entonrua sôm laia hin kho tak hi mo nangma nuna ni irsam?
3. “Ni nuna mi ni inhnê thei nan itin mo ni iom hrang?”

Nikhua sôt ian am om hnungin deipu inkhat Agaba a oma, Paula kong khit kha a laka ,a ke le a kut arkhita, Jerusalema Judahaiin hiang hin Paula chu khit an ta, Jentailhai kuta pe an ti entirnain a hmang a ni. Khasikin, Paula chu Jerusalem fe loi hrangin an khap tak a ni. Khannisian, Paulan Rengpa Jisua irhming sikin khit vaih mo kir huam, thi khom kir huam keng (Tir. 21:15) a tia. Inthem thei a ni ta no sikin, Rengpa ircham cham ni ta ri se, an ti tak a ni.

5. Paula inzin voithumna laia lekhatonhai:-Galatia lekhaton, Filipi lekhaton, I Korinth an nia; Efesi khua ata thon a ni. IIKorinth hi Makedonia ram ata a irziak a ni. Rom lekhaton hi Korinth khua ata thon a ni.

Changvong: Tir. 20:24

“Pathian lungkhamna Thurchi Sa insîr hranga sintum Rengpa Jisua Krista khan a ni ipêk zoina hrangin chu ki hringna khom hi ite’n be ma ung.”

Hrilsôp hrang: -

1. Paula hi Efesi khua a khan sun iza mo a om ?
2. Efesi khua buaina omm hi itho sika mani ?
3. Irtha Irthiang a om ti inhre loihai hi tu khua manih ?
4. Paula inzin voi thumna kum hi hril ro ?
5. Paula thuhiril laia inmusua ruatharte tukvera tak kha tumani

IRCHULAI - 29

PAULA HRUAITU ENTON INRUK

A thutum : - Hruaitu nun entonrua poimo inhriattir
Tep hrang (Text): -I Kor. 11:1, I Tim. 4:6-9; Heb. 13:7

THUMAHRUAI

Paula hi Krista Missionary lian tak a nia; a nun pumpui hi Krista Thurchi Sa ta hrangin a irhlan rip a nih. Paulan hi ang hin a hril. Ki ta hrangin chu hring hi Krista a nia; thi khom inlâpna a ni. (Fil. 1:21). Paula mizia chu Krista-ah irpekzia le a hruaitu inruk taka nina lama entôn inruka nizia hi a tôilam takin tarlang ei ti.

Paula hi a sinthona lama le a nizia hin mihaiin hruaitu enin an en ngai a ni. Lung ina intangin a om lai khomin Paula chu hruai maiin an hmu a ni (Tir. 23:24,25). Kha hnung Paula le a chanpuihaiin Rom panna irkuanga lampuia siatna an tok khom khan irkuang hruaitupa khan Paula chu hruaitu enin a en a ni (Tir. 27:27-44) Paula hi hruaitu puihling tak a nizia a inlang hrangin Paula miziahai ata irchu hrangin hiang hin an lang a ni.

1. Iamna le malam thir irzatna a nei intam:- Paula hi Krista le an irtôk tena chu Pathian iamna a irngat ngam tak a ni. Tuipua irkuang siatna an tok laia khan Pathian a irngat ngit tak a ni. A ihril nuam dan chu hmu theia fe loiin iamnan ei ife ti hi a ni (II Kor. 5:7).

Malam thirna hi mani suakpui varna ata nei a ni. Krista'n hruaituhai ta hrangin chu iamna le hin a irhlop a ni Paula hi malam thir theina a nei intam.

2. Paula hruaitu huaisen:-Paula hi hruaitu huaisen a nina tak chu intakna le dengitheina tak kara a sintho zoi nget tumna hi a ni. Thi ngamin Reng Ram sin a ngam tak ti hi a huaisen a ni. Jerusalem-ah a tuang hrang thu inhriat pumin Jerusalem a pan (Tir. 20:22, 23). Petera khom a dik lolina tak a ngo ngam a ni (Gal. 2:12). Pathian nuam lam a nin chu huaisen takin tho ngêt hrang a tum ngai a ni.

3. Irngâi intomna nei:-Paula hi theithiamna nei mi a nia; irngâiintomna

nei a ni. Ama irtina hin sialo mai mai ki ni (IKor. 3:5) a nia; chukna nei

loi Pathian ni ipêk ang dena sin ki ni (IKor. 3:5) tiin a hril. Paula hin mani hrat nona inhriatin irngaiintomna takin Pathian iam zoiin malam pan a itum mai a ni (Fil. 3:12; IKor. 15:9).

4. Midang dinghmun an hriatpui:- Paula hin sinthopui tam tak a neia; an dinghmunhai hriat thiamna sin a tho mai ngai a ni. Hruaitu sin tam tak chu mani thu rengata kalchoi an oma; an ni kha *dictatorship* ei ti ang hi an ni. Kha anga hruaitu chu hruaitu sa ni mahai hruaitu chu a sintho chanpuihai dinghmun hriat thiam takin sin a thopuihai ngai a ni. Filemona suak Onesima kha a pu Filemona in ata intan irhmangin a oma Paulan Onesima dinghmun an hriatpua, Paulan Onesima kha a tir inkir nok lai khan Filemona kuang a khan asa ni ti nôn chu ite tho tum maung (Fil. 14). Hi ang thu a hong thon a hin Paula chu mihai a pol theia, a chongpui theizia le hruaitu zia a hmang theizia a inlangtir a ni.

5. Midang inthorhai a thei:- Mihriam hi beidongna le intakna ei tong laiin sabeina sa ni pêk hrangin hruaitu puihling sa ei innang ngai a ni. Mi hi intakna le tuangnahai an tong laiin inthorna fuina sa le sabeina a siamhai ngai a ni. Hianga lampui hin Paula chu hruaitu entôn rua tak a ni. Paula lekhathon sunga Koiindang intakna an tonga asan chu Juda Kristianhaiin an inbuaihai lai khan Paulan hiang hin inthorna a pêk, "*Ngai indet khak roi,*" tiin inthorna a pêk (Gal. 5:1).

Hruaitu entoninruk a nizia chu ama ngei hi Jail ina a oma, beidongna a tuang laiin Koiindanghai chu Rengpa-ah lom mai hrangin inthorna thu a hril (Fil. 4:4). Kristianhai iamna thu a khan a inpâkhai ngai a ni. An iamna sika inhriata om mai hrang thuhai hi a hril ngai a ni. Mipuihai sinthona thua beidong loi hrang thu le lôm mai hrang thu ei hong inpuang suak hi hruaitu nun sa irhlôna a ni.

6. Rual siam a thei:- Hruaituin a innang tak le a innangna tak chu rual siam intam hi a ni. Hrangkhoh thufingin "*Pakai tam jokna, Pathian tam thina*" an ti. Rual nei intam chu hi hnuai rama hin

SEN SARINA

TIANLAI KOIINDANG HRUAITU SA

IRCHULAI - 31

AUGUSTINE

A thutum: - *Pathian Thu inhriat le iamindet mi chu an ngir indet ngâi.*

Tep hrang (Text): - (*John. 20:15-19; Rom. 13:13-15*)

THUMAHRUAI

Augustine (354 - 431 AD.) hi tianlai Koiindang hruaitu a ni. Ama irhming pum chu Aurelius Augustine a ni. Augustine irhming irput hi midang inlâr tak tak an oma, avuana ei irchu hrang hi Augustine, Hippo khua Bishop a ni. Augustine hih Koiindang aa (*Church father*) an ti laia hin mi inlar tak a nia, mi inthiang Augustine tiin ir hming irput sa a ni.

Koiindang pahai laia hin Augustine chu Pathian Thu thei tak le inlâr tak a nia, Koiindang thuiam (*Church doctrine*) an hriat tak tak sikin Augustine chu 'Koiindang Doctor' an ti phâk a ni.

1. Augustine thurchi:

a) A suakna:- Augustine hi tarik 13th November 354AD-ah khan Africa rambung inkhat Numidia rama Tagaste khua irzir a ni. A pa chu iamnotu Patricius a nia; a nu chu Kristian irpêk mi tak Monica a ni. Augustine chu kum 431 AD-ah khan a thi.

b) A irchuna thu:- Augustine chu Carthage khuah thuhiril irchuna lam tiang archua, kha irchuna rengata ngaituana inthûk tak a nei tak a ni. Khan Cicero-ah lekhabu "*Hortensius*" an ti a tep ngaia, khan vârna le thutak hmusuak irzukna an neitira, naipangte

IRCHULAI - 30

PAULA TUANGNA HNUNGKHÔN LE THINA

A thutum: - Among dena Krista ta hranga Paula iamomna

Tep hrang (Text): - *Tir. 21:15 -28:31.*

THUMAHRUAI

Paula hun hnungkhonna chu Krista sika intakna dengtheina tam tak tuangnan a bôm tak a ni. Paula hun hnungkhon chu AD 58-64 vel a nia; Tir. 21:15-28:31-ah khan hmu thei a ni. Paula hun top tiang hin Jerusalema dengtheina tuang hrang thu Deipu Agaba ata inhriat a neia; Khasikin, iamtuhaiin Paula kha fe loi hrangin an khapa; khannisian, khap inhnêma hai. Paulan , "*Rengpa Jisua irhming sika khan Jerusalem khan khit vaih mo ki irhuama, thi khom ki 'rhuam keng,*" a ti tak a ni. Jerusalem Temple tual laia an hmu'n chu an chela, buaina lian a suaka; Rom sepai an irrol a nang tak a ni.

Sanhedrin roirelna hmuna thu rêlfelna an siam fel thei no sikin, Rom ram optu Filika ngaitua hrangin Kaisari khua tiang an thon tak a nia; kha hmuna khan kum hni vêl lung ina an tang tak a ni (Tir.23:1-24-27). Filika hun a hekin Rom optu Festa hong ni taka. Paula thu buai kha Festan a relfel theino sikin, Reng Herod Agrippa chu rel fel hrangin a koi nôk tak a ni. Herod Agrippa khomin Paula thiamloina hmu mah.

Paula hin Rom khopuia reng Kaisari makunga intung a nuam sikin Rom khopui panpui a ni tak (Tir. 27:1-28:14). Rom ram an pana hi sôl om tak a ni. AD 60 vela suak chu AD 61 kum bula khan Rom an tung thei. Lampuia phaivuapui le ruapui kara irkuang siatna an toka. Roma an hong tungin chu sepai kut hnuaiia zalen takin Thurchi Sa a hril tak a ni. Rom hin Thurchi Sa sikin martyarin a thi tak a ni. Bible-ah hin Paula thi thu hi hmu mak me lekha bu danga inlang lam chu Rom reng Nero dengtheitirna kum 64 AD-ah khan Paula le Petera hi martar an ni. Paula hi hnung khon taka Thurchi Sa sika a sinthona a tuangna le a iamzoina le a thina thu hi hiang hin irchu ei ti.-

an zuia an tungna hrang Nasona ina an hruai tak a ni. (Tir.21:16) Jerusalem an tungin chu iamtuhaiin raifan takin an lei lomhai tak a ni. A tûka chu Paula palin Jakoba kuang an zu chela ;Koiindang upahai khom an tokhai sa a ni. Pasulan chubai a mûkhai zoiin a sinthona hmanga Pathianin thil a thozihai chu an sîr tak a ni.

Khan Jerusalem-ah om sôt rak loiin, Asia rama Judahaiin mipui an inphuthaia; Paula kha an chela that an tum tak a ni. Khan Jerusalem kua pumpui buaizia chu sepai hruaitu inlal takin a len hriata, a sepaihai le an zu fe tak a ni. Mipuihai khan sepai hruaitu le sepaihai kha an hmu le chu Paula an izem kha an mong rak ta.

Sipai hruaitu inlal tak khan Paula chu a chela thirhruai inhniin a'nhittira chongirdonna a pêk tak a ni. Mipui khêk irhâi sip hrai sikin tho lam om maka kulpui sunga an hruailûtir tak a ni. kha lai tak khan mipuiin "that roi" tiin an khek sup sup (Tir. 21:36)

Kulpui an hruailut hrang laia khan Paulan khan Grik chongin sipaihai hruaitu inlal tak kuang a khan ni kuang thu bâi khat insir thei ning mo ? a tia; sepai hruaitu khan nak hrat songa mi that ngaitua kha a sôna Paula khan Juda mi Kiliki rama Tarsa kua mi a ni thu a hril tak a ni. Paula kha mipui laia inchongtir hrangin phal a nia; khan chu Paula kha kalbi-ah a ngira Hebrai chongin Krista-ah irkoppuina thu Thurchi Sa hril hranga inkung a ninahai kha a hril tak a ni.

Khan mipui lakin Paula kha inboipai roi! thatpai roi ! hring inruk ni mak' tiin inring takin an kheka khasikin thatpai an ti ti chitna sikin kulpui sînga an hruailût a ni. Kulpui sînga zem hranga savun hruai le an khit zoiin Paula a kola ngir sepai irza hruaitu kuang, "Rom mi hizem mo a'rthiang," 22:25) a hong tiin chu an chi taka an irkem san tak a ni.

2. Paula Sanhedrin-ah a ngir:- Judahaiin Paula chu an suta roireltuhai kuang a hruaia, Paula kha an makunga an in ngirtira Paula'n a thiamna thu an sira ochai inlal tak Anania khan Paula kola ngirhai kuang A bai kha inben pe roi a tia; Khan Pharisai le Sadukaihai chu Paula chungchang thua hi an irsela sanhedrin kha an irsen taka. An irsel ta hrai sikin sepai hruaitu inlal takin Paula chu kulpua hruailût hrangin sepaihai chu thu a pêkhai tak a ni. kha ni zan a khan Rengpa kha Paula kola a ngira, hâi takin om

irsâma. Judahai chu Ochai inlaltak le upahai kuang, "Paula kin that maka chu ite fâk loi hrangin khomâk kin irsam zit a ni," an ti.

4. Ramoptu Felika kuanga Paula intungtir a ni:- Juda mi 40 neka tamin Paula that hrangin an inruang ti thu sepai hruaitu Kaisari kua ram optu Filika kuang thon a tum tak a ni. Paula hrung hrangin sepai 200 le sorkor chungchang mi 70 le ufei choitu 200 irsiam an ni. Khan, Filika hin Paula kuang ata thamna sum hmu a sabeia khannisian Paula hin pe tum viat mak kum hni chung chu Kilika chu Festa'n a thula Filika khan Judahai inlomtir a nuama Paula chu lunginna an maksan tak a ni.

5. Rom kua Kaisara kuanga Paula chu fe hrangin phalna pek a ni:- Ramoptu Festa hin Paula chu itina Jail ina a iom thu hriat a nuama, sa takin ardon tak a ni. Paulan an chungchang thu hi Jerusalem ngaitua nuam mah. Rom kua Kaisara makunga ngir a inthang lem tak a ni. Ramoptu Festa'n roirel tuhâi le an irhlet zoi hnungin chu Kaisara kuanga a ife nuam lem angin Kaisari kuang fe hrangin a iphal tak a ni.

6. Rom khopuia Paula a fe (Tir. 27:1-44):- Italy ram khopui chu Rom a ni. Paula le mi intang danghai chu sepai irza hruaitu Julia thuneina hnuaiia kai hruaiin Rom khopui irkuangin an fe laiin intakna tam tak an toka tuipua phaivuapui lian *Eurakulo* (Tir. 27:14) an ti kha an toka asan dengitheinai tongin Rom khopui an tung tak a ni. Rom khopuia hin sipaihai enkolna hnuaiia mi in luahin a leng tak a ni. Khasikin zalen takin a om theia, Pathian Thu a hril theia, mi'n an pan thei ngai a ni. Rom khopuia jail ina intang sînga Paula lekhatonhai chu -Efesi, Filipi, Kolosa, le Felimona a ni. Koiindang pa Eusebius hril danin, 'Paula thina kum hi Rom rêng Nero dengitheitirna (64-68 AD) sînga a ni' tiin a hril.

Changvong: (Fil. 3:17,18)

"Urênghai, ki omdân irchupuhai ni roi, enton hrang nin ni neia; kin om dân anga omhai chu en ual takhai roi. An om dân Krista Kros râl tam tak an om ti nang ni ki hril mai ngai kha, atûn khom chap pumin nang ni ki ihril nôk a ni."

Hrilsôp hrang: -

1. Paula hun hnungkhonna hi ikum iza vela manih?
2. Paula hi Jerusalem khopui khan tu ina moh a tung?

a) Irchûna lam:- Clement hi thutak hmu suak tumin Grik philosophy hi sa takin a'rchu tak tak ngai a ni. Grik Philosophy irchu hrangin Alexendria khua hin a om tak a ni. Philosophy irchu hranga Alexendria khua a om laiin Pathian Thu hruaitu Pantenaesus-ah leh an irhmua; kha rengata chu Kristian ni no khomsianlan, Pathian Thu school-ah a lut tak a ni.

b) Kristian a changna:- Clement hi Pathian Thu archu hin a lungril khom a danglama Theological school-ah hruaitupa Pantenaesus-a kaihruaina sikin, Kristian a hong irpêk tak a ni. Khanchu, baptisma a hong changa, Pathian Thu (*Theology*) a hong ircûu taka a ni. Pathian Thu a'rchu zoia chu Pastor hrangin ordain a hong chang tak a ni. Kum 190 AD-ah khan ama kaihruaitu Pantenaesus-ah chu a thia; Clement chu Pantenaesus thûltu hrangin an hong inkung tak a ni.

c) Theological school-ah hruaitu tak a hong chang:- Alexendria khopui Theological school-ah hruaitu tak Panteraus a thi zoiin chu Clement hi kum 190 AD rengata chu Theological school hruaitu lian tak a hong chang taka; ama kaihruaina hnuai a hin Theological school chu masônna a hong pana Alexendria khua irhming a hong inthang tak a ni.

Hi khuaa hin Grik philosophy hi Pathian Thu irchutirna chu arsanga Clement thûltu Origena hai hi Grik varna (*Grik philosophy*) irngaisang le inhriat mi a ni sikin, Pathian Thu (*Theology*) hrilfiana nan Grik Philosophy hi an hmang tak tak ngai a ni. Clement a hi Grik philosophy hmanga Pathian chungchanga hrilfiana lama a bul tumtu tak niin a'nglang.

3. Clement-ah sinthohai (Clement contributions):- Clement hi Pathian Thu irchûna lama tui mi le Pathian Thu hrilfiana lama a bul tumtu a hong nia; lekhabuhai irziaktu roiinpui tak a hong ni tak a ni. Pathian Thu lekhabu poimo tak tak a'rzeiaka, lekhabu poimohai a'rzeiak intamna sikin. Clement irhming hi a hong inthang tak a ni. Clement lekhabu irziakhai chu hiang hin tarlang a ni.

a) Protreptikos:- Hi lekhabu hi sakhua tianga irchuna saloi doina le sakhua tianga Kristiana irsângzia le satzia a nina.

b) Paidagos:- Kristian thurin (*doctrine*) le nunzia lekhabu sa tak a ni.

c) Stomateis:- Kristian thurin mi theihai tep hranga irziakna bu

Pathian Thu chu a thei lam dôrin archua; khannisian, inhnunga a maksan taka; 'Manichaen pol' an ti chu a zom tak a ni. Kha pôla khan kum idôr mani a om hnungin, kum 383-ah khan hi pôl khom hi a dik tak loi ti a'nhriat sikin a maksan nôk tak a ni.

Augustine hi thutak zonga a buainahai khan hlosamin an hriata, irchuna dang inkhat '*Philosophy of the New Academy*' (varna irchuna thar)a khan thutak man tumin a lût nôk tak a ni. Hi irchûna hin mihriama

famirkip le theina a om ti chu a hnôl tak a ni. Kum 384-ah khan Milan-ah a oma, hi taka hin khotâng irhruaina thuhiril theina tianga roirêlna hruaitu hrangin inthang a nia; a nu Monica khom a hong zoms a tak a ni. Kha rengata chu iamna tianga a hong har thar nôk tak a ni.

Matona a irchuna varna irchutirna inkhat- *Philosophy of Neoplatonism* an iti khan ama chu zalen taka hmang thei hrangin a lungril kha a hong inhnê tak a ni. Rammual tianga a lei irchuna khan a lungril lei kaihruaiin, Krista-ah suakin-tharna lût a hnung pê tak a ni. Nikhomsian, kum 386-ah khan Rom ziak 13:14-na kha a tepa, kha thu khan a lungril an hnêa, Pathian ta hrangin a hringnun irpêkna tak tak a hong nei tak a ni.

c) Pathiana irpêk zoia a sinthona:- Pathian sintho hranga a irpekzoi a hin lekhabuhai a'rzeiaka; khan chu sinthotuhai trainingna (Ministry) chu Hippo khua an ding tak a ni. Kum 396-ah khan Bishop a siam a nia; Hippo khua Bishopin a om tak a ni. Ama hi irchutirna dikloihai khom a hunlai khan a doisa ngai a ni.

d) Lekhabu irziakhai:- Augustine hin lekhabu tam tak ar ziaaka lekhabu a'rzeiak zon chu hi ang hin a ni. Lekhabu 100 nêka tam a'rzeiaka lekhaton 240 a siama sermon ringot 500 (*five hundred*) nêka tam a iziakhai chu sa taka hrê-in a la om. Hi a lekhabu irziak laia inlâr ual chu -1) *Confession* (inphuangna) 2) *The Trinity* (Pathiana mi hring inthum) 3) *The city of God* (Pathian khopui) a ni. Augustine lekhabuhai hi thupui lian tak tak a huapa Koiindang thurchi Kristian thuiam, Kristian a nun le Pathian Thu hrilfiana a ni.

2. A irchutirna :- Augustine hin Koiindang hrungna hrangin lekha bu a'rzeiak tama irchutirna tam tak Koiindang ta hrangin a mâk pê kha irchutirna kha a sinthona hlu tak a ni. A sintho irchutirna

a) Pathian lungkhamna manboi pêk a'rchutir:- Hi thupui hin mi thiam Pelagius-ah le a sate rengin an irdoi . Pelagius-a ngâidan, “*Mihriam zia hi a sa, taksa irzukna saloi sep hrangin mihriam irtha chu a hrat. A sia le sa hriatna chu fel taka a hmangin chu asa famirkip thei,*” tiin a'rchutir.

Augustine khan, “*Sualin rammual pumpui a huapa, insiat hrangin sin a tho. Mihriam khom ama hrât nan chu famirkip thei mah. Pathian lungkhamna sik ringotin inding suak thei a ni.*” tiin a'rchutir. Augustine irchutirna hi a dik ual tak a ni. Asan chu Pathian hrâtna, sinthotheina a uara, Pathian lungkhamna sika inding suak a ni, ti thu a hril.

b) Iamna hi a masa tak a ni:- Thu tak dong hrangin iamna hi a poimo-ah, kha khan Krista-ah iamna chu a irphut a ni, a ti. “Pathian zia hriatna tak nei hrangin, iamna hi a poimo masa a ni,” a ti.

c) Sûngrîl tianga irtha inhriatna a poimo:- ‘Pathian tianga inpumkhatna leng suam hrangin mani irtha inhriat infel a nang,’ a ti. “Pathian inkhata Mihring inthum (Trinity) hriat infelna hrangin Irtha chu a kila lung poimo chu a ni,” a ti.

d) Trinity thuiam chungchang:- “Pathian nina dik tak chu Pa le Naipa le Irtha Irthiang, Mi hring inthuma hin ei inhriat thei,” tiin irchutirna a pêk.

e) Sani-nhringna:- “Iamna le Pathian lungkhamna sika saninhingna a om,” tiin a'rchûtur.

f) Koiindang:- Koiindang hi Pathian hmangrua a nia; hi hnuai rama Pathian Ram a ni a ti.

Chângvong:- Rom. 13:13,14

“*Sûnna om angin satakin om ta ei ti, zu inbuai le zu'n ruia om loiin; hur le irdit songa om loiin. Rengpa Jisua Kristaa khan irbel lem unglân, nin taksa irzukna puiinhling hrangin ite irsiam no roi.*”

Hrilsôp hrang:

1. Augustine lekhabu ziak irhminghai sam roh.

IRCHULAI - 32

ALEXANDRIA KHUAA CLEMENT (Clement of Alexandria)

A thutum: -

Tep hrang (Text): - Heb. 10:32-40; 13:7; I Tim. 6:11;12)

THUMAHRUAI

Tianlai Koiindang thurchi sûnga hin Koiindang pahai (*Church Fathers*) tam tak an oma; an ni hin Koiindang an lei hruai ngai a ni. Hi Koiindang pahai laia hin Alexanderia khua Clement thurchi ei irchu hrang a ni. Koiindang pa laia hin Clement irhming irput hi mi inhni an om. Inkhatna chu Rom Koiindang hruaitu Bishop Clement a ni. Inhnina chu Alexendria khua Koiindang pa Clement a nia; ama hi Pathian Thu (*Theology*) irchûna school-ah hruaitu Clement a ni.

1. Alexandria khopui:- Alexandria khopui hi Aigupta (*Egypt*) ram khopui lian le irhming inthang a ni. Hi kum zabi 2-na vêla rêng Alexandria inding phut ata khopui lian a ni. Hi Alexandria khopui hi Pathian Thu irchûna school (*Theological school*) a oma; hi school indingtu hi Pathian Thu thei tak Pantenaeus-a inding niin hril a ni. Clement chu hi school-ah lei irchu ngai a ni.

Alexandria khopui hi Judahai omkhômna khopui a ni ngaia; an sakhua poimo hmun poimo tak khom a ni. Hi Alexandria khua hin Juda Rabbi-haiin Hebrai Bible hi Grik chonga an irhletna hmun a nia; kha kha Septuagint (LXX) hong suakna hmun a ni. Vârna le theina (*philosophy*) hong suakna hmun a ni.

Hi Alexendria khuaa hin Koiindang phuntu chu Thurchi Sa ziaktu Marka niin iam a ni. Pathian Thu irchuna school a oma; hin hi khua hih irhming inthang a ni. Khasikin, khopui lian a nia; hi Koiindanga hin Clement hi sin a tho.

2. Clement thurchi masa:- Clement hi Grik mi a nia; Atheni khua AD 150 vela suak a ni. Ama hi iamloi insungkûa-a seilian a

5. Mi inkhat سوالنا sikin nam pumpui an dok:- Israelhaiin Jeriko khopui an inhnê; khannisian, a khua chu inhnê loiin Israel mi keng an thi taka, asan chu Pathian Thu oiloi mi inkhat Akana thil thonsualna a ni. Khasikin, Akana le a insungkuahai murdi an irhmang zit tak a ni. Mi inkhat سوالنا sikin nam pumpui an tuang,a ,kamangna le thina an tuang ngai a ni. Paula'n, "*Sual man chu thina a ni.....,*" (Rom. 6:23) a ti.

Atûnna mihai khom Pathian Thu ôiloia thil thonsual tho, inrû tho, hur le nghal (*sex*)-ah, le zu le sa (*drug*) inruinahai hin ni sungkua le nam pumpui a irhmang zit thei ngai a ni.

Chângvong:- Rom. 5:18

"Khan chu mi inkhat سوال sikin mi murdi thiamno inchangtir an nia; khang denin mi inkhat fel sikin mi murdi thiam changin an ikring thei tâk a ni."

Hrilsôp hrang:

1. Akana hi inam mi mani ?A thil tho'n سوال kha imani ?
 2. Akana سوالنا sikin Israel mihai idor mo an thi ?
 3. Akana سوالna ra ât dan itin mani ?
-

Hi Gnostic-hai beina hrangin Clement-in a hmang tak chu 'Kristian thuiam (*Christian doctrine*)' a ni.

ii) Jisua Krista chu Thu a ni:- Pathian Naipa Jisua Krista hi Thu (*Logos*) ti thu a pom dan a ni. *Logos* chu Grik chong a nia, a omzia chu Thu (*Word*) tina a ni. Krista chu Pathian inkhata mi hring inthum laia mi niin a hrilfia ngai a ni. Jisua Krista thu chu Grik mihai Jentail mihai kuanga khom a inhriattir ual a ni.

iii) Pathian inlar famirkipna chu Jisua Kristaa hin a om:- Mihriam thi theiloina hi Jisua Krista zarin mihriamin a neia; kha thei loina chu Sakramen Baptisma le Rengpa Zânbu changtuhaiin an dong hrang niin an hril.

Kum zabi 2-na vela khan Kristian dengitheina a oma, Kristianhai chu thuhirilna chu an khap zel a ni. Sen tamtak Jaila intang an oma ,Kros-ah hemde khom an om . Kha anga Kristian dengitheitirna kha Kristianin an tuang dan chu Clementin hiang hin a'rziak , "*Ni tinin kin mit hmua Kristianhai chu meiin an hal thata, Kros-ah an hemdea ,an ringa chem leh an tanpe hai ngai,*" tiin a'rziak.

Hi Kristian dengitheitirna inomtirtu chu a Rom reng Severus a nia; hi Kristian dengitheitirna sika hin Clement khom Alexandria khopui chu a suaksan tak a ni. Kha hnunga chu Clement chu Kappadokia rama a fea , kha hmuna khan sinthona a nei tak a ni. Kristian dengitheina sikin, Clement chu martar-ah a thi niin an hril.

Changvong:- Heb. 13:7

"Pathian Thu nangni lei insir pe nin hruiitu masahai kha inhre mai roi . An lei hong om dân le an thiziahai kha ngâitua inglân, an iam dân irchu roi."

Hrilsôp hrang:

1. Clement irhming irput hi mi iza man nih?.
2. Clement Lekhabu ziakhai hi ni tep ta ngai moh?

SEN RIATNA
PATHIAN NUAMLOI THOTUHAI

IRCHULAI - 33

AKANA

A thutum: - Pathian Thuôi loina hi thina a ni.
Tep hrang (Text): - Jos. 7:1-26

THUMAHRUAI

Pathian hruainan Israelhai chu Kanan ram an lûta an hruaitu tak chu Josua a ni. Israel naihai Jeriko khopui chu Pathian changpui nan an inhnêa; khannisian Israelhai laia; Akana سوالنا sikin Aî khua chu an inhnê phâk ta loi an ni. A san chu an laia mi inkhat Akana'n thil ser tak a laka, thuôi loi le inrûna sikin a ni. Rengpa chu a chung a san a ning an mur tak a ni (Jos. 7:1). Inrûkna hi thuthung insiatna a ni (Jos. 7:15). Mi inkhat سوالنا sikin nam pumpui tuangna a ni.

Hi taka hin Kristian nun chu thu ôina poimozia inlangtir a ni. Avuan hin mi inkhat thuôi loina سوال sikin Rengpa ning an mura, nam pumpuiin intakna ei zuang itung tak a ni.

1. Akana thurchi:- Josua bung 7-ah hmu lam angin Akana hi Karmia naipa a nia; apa chu Zabdia le a pu pa Zera a ni. Akana chu Juda nama mi a ni. Bible-ah hiang hin a hril, "*Juda irchi Zera nai, Karmia naipa Akana'n thilser tak senkhat chu a va laka, Israelhai chung a Rengpa chu a san a ning an mur taka,*" (Jos. 7:1) tiin zia a ni. Akana irhming omzia chu 'buaina' tina a ni. Thil sa Rengpa kuanga pêk tak, mihriam tôn irthiangloi chu Akan'n a laka, a thupuirûk sikin Akana le a insûngkuahai that zit an ni (Jos. 7).

2. Israelhaiin Jeriko an inhnê:- Israelhai chu Aigupta ram intak tuangin an oma, saninzok tumin Pathian an koi tak a ni. Khasikin Pathianin Mosia hmangin a sansuaka, Jordan dung an tung tônin

Kha rama khan mi lei om sai tak an nia; kha ram mihai kut ata ram chu lak a nang tak a ni. Khua nai tak Jeriko chu doi hrangin entuhai kha en hrangin an tirhai tak a ni. Khan Pathianin Jeriko khu an lakin râlâk sum mani, thil manih, mimal ta hranga chôi viat loi hrang thu a lei hril diam a ni. Kha rallâk sum murdi kha Rengpa sum ina sia zit hrang a ni.

Khanchu Pathian thu hril lam angin Jeriko khua chu sun ruk sùng nitin voikhat an vela, a sùn sarina khan Jeriko kulh chu a chim tak a ni. Jeriko lei va entuhai chu Rahabi'n a lei changpuihai sikin ama le a insungkua mihai vaih inzokhai hranga lei hril a lei ni sikin an zok tak a ni. Jeriko kulh a chim zoia khan irchon sum le puan tam tak a oma; khannisian, Pathianin an mani ta hranga; choi phal viat loi a ni (Jos. 6:17-19). Israel laia mi inkhat Akana'n Pathian Thu ôiloia rallâk thil chu an ruk tak a ni.

Akana thil inrûkhai chu hi a hnuaa hai hih an ni: -

i) Babulon rama puan sa takhai

ii) Tangka (sum) sekel Rs. 200/-

iii) Rangachak phêk sekel 50/- vela rikhai chu a'nruka, ama puan ina an thup inruk tak a ni. Akanan kha thilser a inruk tak sika khan Pathian ningmurna chu Israelhai chung a ichum tak a ni.

3. Akana سوالنا sikin Israelhai hnena chang loiin kamangin an om:- Israelhaiin Jeriko an inhnêa; Aî khua an bei nôka Ai khua mihaiin Israel chu an lei inhnêa, Israel mi 36 vêl an lei thathai tak a ni. Khanchu, Josua le Israel upahai chu an puan an inpot ther a an lua vaivut an phul chia; hi hih soal irlet le irsir entirna a ni. Josua chu a chongchaia; asan a kamanga; khannisian, an hrât loina san chu Israelhai laia thu ôilo an om ti Pathianin a hril tak a ni. Khanchu, Pathian Thu oiloi chu zong suak hrangin Pathianin a hrila, thil sualtu zong nan ta an san tak a ni. A mongna taka chu Juda nama mi Akana kha thil thonsualtu a ni ti an inhriat tak a ni. Josuan Akana chu a koia a thil thonsual tho chu ardon a, Akana'n a thil thonsual chu a'npuang tak a ni.

4. Akana'n a thil tho سوالنا râ a ât:- Akana thil thonsualna chu Jeriko an bei laia râlâk sumhai kha a ni. Akanan a thil lâk inrukhai kha Josua kuang a hril zit tak a ni. A thup inrukna ata a thil inrukhai chu a va lak suaka; ama le a naihai murdi rahai le a

IRCHULAI - 35

ANANIA LE SAFIRI

A thutum: - *Pathian huang le hleprûkna hi thina a ni.*
Tep hrang (Text): - *Tir. 2:44, 45; 4:32-5:12*

THUMAHRUAI

Huangna le hleprukna hi Pathian ikhokmâk tak a ni. Pathian Ram sinthotuhai makunga Pathian thil siam hleprukna aninei hi Pathian ningmurna a ni.

Anania irhming hi Hebrai chong a nia; a omzia chu 'Pathian chu inrenna sip a ni.' tina a ni. Anania dongma Safiri irhming hi chu Aramic irhming a nia; a omzia chu 'asa' tina a ni. Anania sangram sintho le Akana sintho'n sual lian hi ir-angna tak a nei. Tianlai Koiindang irphuta khan Barnaba sintho chu mani hmun ram zuara Koiindang a mi inrianghai changpui hranga irpekna (Tir. 4:36)-ah hin Koiindanghai laia hin irhming sa an hlô ngai a ni.

Anania le Safiri khom khan anga irphalna inlangtir an nuam ngaia; khasikin an ram an zuara Pathian Ram pêk hrang kha an san tirkohai makunga an thupinruka Petera'n a hal tak a ni. (Sin. 5:1-10) Mi huang hmangtu an ni sikia an sangramin an thi zel tak a ni. Midang huangtu chu mani chung a siatna a tung ngai a ni.

1. Irtha irthiang chum ata Koiindang hong dingindetna:-

Reng Jisua thoinôk zoia chu irrual takin chongchaina an neia, Irtha Irthiang a chum. Penticost nia ang khan Irtha chu a zuang chuma, iamtuhai chu huaisen takin Reng Jisua kha Messia a ni, tiin an inpuang ngam tak a ni.

Penticost ni khan Petera thuhriil khan mi 3000 vêl baptisma an chang. Irtha Irthiang ompuina le Irtha satvurna an changa; khanchu, Koiindang a hong inding indet tak a ni. Kha lai khan iamtuhaiin mi inrianghai le mi irhlohahi chu changpui an zôt ngai a ni. Barnaba chu a ram a zuara a man reng reng chu an laia inrianghai changpuina hrangin tirkohai kuta an pêk tak a ni (Tir. 4:36,37). Kha ang khan, Anania le Safari sangram khom an ram zuarin thilpêkna an nei..

IRCHULAI - 34

HAMANA

A thutum: - *Midanghai insiat tumtu chu mani chung a siatna a tung ngai.*

Tep hrang (Text): - *Esth. 3:8-12; 5:13,14; 6:1-14; 7:9,10.*

THUMAHRUAI

Thuthung Luia Estheri bu-ah vaih hin Hamana irhming hi an lang a ni. Hamana hi Reng Ahasuera inlal laia reng upa a nia (Esth. 3:1); Persia reng chu Ahasuria a nia; ama hi Bible history-ah chu Xerxes I (485-465) BC a ni. Hamana chu reng Ahasuera hun laia reng upa nina a nei (Est. 3:1), reng Ahasura thupêk angin Hamana chu reng in vela omhai murdi'n Hamana kha chubai muk ngai hrangin thu an sua a nia; khannisian, Juda mipa inkhat Mordekaia (Estheri pa naipang) khan Hamana chu kunin chubai mûk nuam maka; khasikin, Hamana chu a ning an mur taka; Mordekai le a nam Juda-hai chu that zit hrangin lampui a zong mai tak a ni.

Khannisian, Estheri'n a chipuihai saninzok tumin thei tokin a puta Hamana tumna chu a doi tak a ni. Khanchu, Hamanan Mordekai arôk thatna hranga a lei siama khan ama ngêi arôk that tak a ni. Hi taka inlang chu mihai siatna hrang zongtu chu ama chung a siatna a chum ti fel takin a inlang tak a ni. hi thu tak hi irchu ei tum a ni.

Hi thu irchulai thu ei inhriat theina hrangin hiang hin irchu ei ti-

1. Estheri thurchi:- Estheri irhming omzia chu "arsi" tina a ni. Ama Juda nupang a ni. Thuthung Luia mi huaisen nupang inkhat a ni. Estheri pami (a pa irzirpui) Mordekaiin nainu anga a enkôl seiliana; Abihaila nainu a ni. Persia reng inlal tak Ahasuera'n a dongma hmelsa tak Vasti chu a'rsenpuia, dongma thar nei hrangin a irsiam nôk a ni. Persia ram hualsung lian tak India ram rengata Ethiopea rama bial tin dongmate hmelsa inthang suak hrangin an

Kha laia sa tak (Miss. Persia) chu Estheri a hong ni taka; ama chu Vasti hmun lua hrang le rengnu hrang, Persia reng Ahausera dongma hrangin a nei tak a ni. Estheri hi rengnu a chang laiin Hamana rengin Juda mipuihai chu that zit a tuma Estheri'n hâi takin Hamana tumna ata Juda namhai a sansuak thei tak a ni.

2. Hamana le a thiltum:- Hamana irhming omzia chu 'irhming inthang' tina a mani, sakhua thil ser in zât chi (*homa*) hrilna mani khom a ni thei. Hamana chu Hammedatha naipa (Est.3:1) a nia; Persia reng Ahasuera (Xerxes) sinthona hnuaia ulian tak a ni. Rengin an dit tak taka rengin vela omhai ngen khomin Hamana chu kûna chubai mûk ngai hrang a ni tiin thupek ansua rak tak a ni. Khannisian, Juda mi Mordekaia (Esthari enkôltu) hin Hamana chu chubai mûk nuam maka; khasikin Mordekaia chung a asan a ning an mûrpe tak a ni. Khan, Mordekaia vaih ni loiin a nam Juda nam pumpui that zit hrangin Hamana'n a tum tak a ni. Reng kuang hin a ram sûnga Judahai that zit hrang thupêk a zong lam angin rengin a nuam lam anga tho hrangin a hril tak a ni. Reng thupêk hril lam angin Judahai thatzitna hrang thupêk chu Hamanan a'nsua tak. Juda namhai ta hranga ichi om tak a hong ni taka, Mordekaiin inrûkin Hamana thiltum chu Estheri a hrila; khanchu, Juda mihai sansuak theina hrangin Esthari'n lampui a zong tak a ni.

3. Mordekaia thiltuma le Estheri hruaithêna:- Reng irhminga hong suak chu Judahai that irhmang zitna thupek a nia; kha thu kha Mordekaiin a hmun chu saiþ puan silin lungthungna entîrna reng mikot bula a fe tak a ni. Juda mipuihai khom an kamang zit tak a ni. Kha khah Hamana thiltum zit a nizia chu Estheri kuang a hril zita; khasikin, rengnu khan thi le thi tiin reng le Hamana chu Estheri hruaithei fak hrangin a fia haia; Hi zoro hin Hamana khan Mordekai chubai mûk mah ti an hriatin Mordekaia irkhai thatna hrang asiam tak a ni.

4. Hamana chu ama isiam chung a an ôk that a ni:- Hruaithê an fâk lai khan Estheri'n ama le a chipuihai that zit tumna thupêk sût hrangin a ngên tak a ni. Rengin thil sual lei siamtu hi tu mani ? ti ardonhai tak a ni. Estheri'n reng kuang khan Hamana a ni a ti tak a ni. Khanchu, Hamana kha asan a chi taka; Estheri kuang ngâidamna a ngên tak a ni. Reng ningmurna khan Hamana chu Mordekai inkhâi thatna hranga chong a inkhâmna taka khan Hamana chu rengin an khâi that tir tak a nih. Juda nam murdi that zit tumna thupêk chu pai a ni taka; Judahai chu lôm takin an zôk tak a ni. Hi tak thucha poimo tak a ni pêk chu midanghai chung a siatna tumtu chu ama chung a nget Pathian ningmurna a chum ngai ti a nin hriattir a ni.

Chângvong:- Est. 7:10

“Khan chu Rengin, ‘Kha tak a khan inkhâi that roi,’ a tia; Mordekaia inkhâi thatna hranga a isيامa khan Hamana chu an inkhâi that taka; reng ningmur chu a hong boi taka.”

Irdonna:

1. Hamana irhming omzia imani ? A thil tum tak imani ?
2. Hamana sintho tak imani ?
3. Hamana thurchi hi imo irchuna a ni pêk ?
4. Judanam pumpui ta hranga irpêk zoi mi nupang irhming le a thiltum imani?



tian sto use means for the conversatation of the heathens” ti puphlet a’rziaka. Tarik 30th May 1792-ah khan “*Ni puanin chu irzattir roh*” (Isaia. 54:2) ti thu lâkin thu a hril. Pathian Thu a irhngatna le a hril nôk chu Pathian kuang ata thil roinpui tak sabeiinlân Pathian ta hrangin thil roinpui tak tho tum roh (*Expect great things from God, attempt great thing for God*) Hi thu hi a thupui le ama Motto-ah a ihmang a ni. Koiindanghai inhriattirna a hong ni tak a ni.

6. William Carey India rama a hong lûtna:- Pastor a ni hnungin Tarik 2nd Oct. 1792-ah khan Pastors 14 a koi khôma “*Particular Baptist Society for the propagation of the Gospel amongst the heathens*” an inding tak a ni. Thurchi Sa hril hrangin mi hai a’nthorhai mai tak a ni. William Carey hratna zarin sap ram (*England*) Koiindang an hong har tak a ni. Khan chu ram danga Mission sin tho hrangin lungril a hong nei tak a ni. Khan chu, Tarik 13th June 1793-ah khan a dongma Dorothy a nai pasallhai 4 le a dongma urêngpa Kitty plackett le John Thomas hai le Juda ram panin irkuangin an suak tak a ni. Irkuanga tha ringa an fe hnungin tarik. 14th November 1793-ah Culcutta (India) an hong tung tak a ni. India ram a hong tuang a hin Carey chu kum 32 mi a ni. Calcutta an hong tungin tha ruk sêngin an sum an hmang zoi tak a ni. Mudnabarty hmuna Carey chu sin a tho nôka Malaria tamna hmun tak a nia; a naipa kum ringa mi Petera chu a thi tak a ni. A naipa Petera ruak phûm hrang tenh khom mihriam man maka; Petera thina sikin a dongma Dorothy a lu a buai pe tak a ni. Carey hin Bible irhleta sin a tho pumin Dorothy hi kum 13 sêng a enkôla, kum 1807-ah khan Dorothy chu a thi tak a ni. William Carey hin lusûn le intakna kâra khom a sintho hi mâksan loiin takirtâi takin a sin mai ngai a ni.

7. William Carey sinthona inlarual tangpuihai:- India rama Serampore hin khotâng le Mission sinhai a tho a sintho chanpui inthumhai William Ward, Josua Marshman hai leh hin irrual takin sin an thoa; khasikin an ruala sintho suamin hi ‘Sarampore Trio’ ti irhming an nei tak a ni. An sintho tangpui chu tarlang a ni.

1) Bible irhletna sin an tho:- August 1980-ah khan Bangali chongin Bible-ah siam suak a ni. Hi hih Bengali chonga khôl sût

2. Anania le Safiri:- Anania le Safari hai sangram hi Koiindang mi an nia; an ram an zuara, mi inrianghai changpuina hrangin an ram man senkhat chu Tirkohai kuta an pek ta. Khannisian, an ram man senkhat chu pek loiin Tirkohai kuang chu an ram man pek zit angin an hril a ni. Khan, Petera chu Irtha Iirthingin thil sia le sa inhriat fiatir theina a neia; Anania milak tho chu Peteran hiang hin a hala, “*Anania Irtha Irthingiang huangin ram man a chimrip thup hrangin itho mo Setanan ni milunga ircham ni inneitir?....Mihriam huangni maka Pathian keng ni ihuang a ni.*” (Tir. 5:3-4) tiin a hril. Kha renga khan Anania chu a’nril zoi zela, a thi tak a ni.

Khan dâr kâr thum zoia chu Anania dongma Safiri khom thil omzia inhriat loiin irchutirhai omna a khan a hong lûta; Petera’n an ram zuarna man chu ardon taka. Safari khan, “*O kha dor khan*” a tia; a pasal angin a huanghai tak a ni. Petera chu a ning an mura; “*Ithoa mo Rengpa Irtha fia tumin nin inthuarual? Irngâi roi ni pasal phumtuhaiin nang khom nang irzôn suak an ti,*” a tia; Petera iti angin irning loiin a ke kola khan a’nrila a thi zoi zel taka; ruathartehaiin a pasal kôla khan an phum sa tak a ni. Mani insûngkua inthuruala Pathian Thil thupirûka, tirkohai makunga pek zit anga an insîr hi Pathian huang a nia; a mongna chu thina a ni.

3. Sum-puan duâm sika Pathian huang chu thina a ni:- Anania le Safiri-hai sangram hi Kristian-hai laia mi an nia; sum le puan duamna sika milakhai, Pathian thil thupinrukna hai a sat loizia chu hi Anania le Safari sangram chung a hin a inlang a ni. Hi anga thupinrukna hi mani mualinphoina a ni.

Anania le Safiri-hai sangram thurchi ata irchu hrang ei ihmu chu mi huang hmang, duamna le dik loi taka mani irhming sat tumna hi Pathian nuam loi tak a ni ti ei inhriat thei a ni.

Chângvong:- (Tir. 5:3)

Petera’n, “Anani, Irtha Irthingiang huangin ram man a chimrip thup hrangin ithoa mo Setana’n ni milunga ircham ni inneitir?”

Hrilsôp hrang: -

1. Ania irhming omzia le Safiri irhming omzoa hril ro. an irhming omzia le an sintho hi Pathian Thu leh a’rhme mo?
2. Anani le Safiri thurchi hin imo irchu hrang a ni pêk?

SEN KUAKNA

IRCHULAI - 36

WILLIAM CAREY (1761-1834)

A thutum:- *Pathian ata thil roiinpui tak sabeï inlan, Pathian ta hrangin thil roiinpui tak tho tum roh.* (W.Carey's motto)

Tep hrang (Text): - Isaia 54:1-3; Rom. 10:14-17

THUMAHRUAI

William Carey hi India rama Protestant Missionary lian tak a ni. Tarik 13th June 1793-ah khan William Carey dongma Dorothy, an naipasal 4, a dongma irkaipui Kitty Plackett le John Thomas-hai leh khan India panin an hong. Khan, irkuanga ringota tha ringa (*five months*) an hong lûta; tarik 11th Nov. 1793 ni khan Calcutta an hong tung.

Khan, East India Complany rengata intakna an tok sikin, Secunderabad-ah omhmun an khuar taka ni. Sum- puan intakna sikin Madnabati khuaa sin a tho tak a ni. Kha hmuna aan om lai khan a nia athia, a dongma Dorothy khom a lua châi pe tak a ni. Khan khomin Mission lama takirtai takin sin a thoa, aram chong a'rchua, Bible a'rhleta, School a'nhonga, sin a tho tak tak a ni. Kha reng ata 10th Jan. 1800-ah khan Serampore an pana, Carey Ward le Marshman an inthumin Serampore Mission an indinga; an inthuma irhlop khan '*Serampore Trio*' irhming an irput tak a ni.

1. William Carey naipanglâi hun:- William Carey hi sap ram (England) rama thing tâng khua Paulerspury-ah tarik 17th August 1761-ah suak a ni. Carey a pa chu Edmund Carey a nia; a nu chu Elizabeth Wills-i a ni. An nai upa tak a ni. Edmund Carey-a hi mihai puan ta lama fâk nêk zong mi a nia; mi inriang tak an ni. Inhnunga chu school irchutirtu a ni baka laekha thei tak a nia; an

William Carey insûngkua hi Anglican Koiindanga lei om ngai an nia; kum ruk mi a ni lai ata Carey hi maicham vela sin tho hrangin a hman ngai a ni. William Carey hi naipang har tak, zaidam le taimak tak mi sintho nuam mi tak a nia; a sintho chu a zoi mâka tum ngai mi a ni. Thing le parhai, Sa le vahhai hi a ngâisak tak tak ngai a ni.

Kum 12-ah ni hin Latin Grammar phêk 60 hi an hriat zit tak a ni. Kum 12-ah ni hin school irchuna a mâksana, kum 14 a ni hin zota (*shoe*) siam archu nôk tak a ni. Clarke Micholas a hnuaia sin a tho phut tak a ni.

2. William Carey saninhringna a chang:- William Carey hi voi khat chu Kristmas laiin a pu poisa irnôï hi a lei hmanga, poisa dang (*nokholi*)-in a thûla, khanchu a thil sual sikin a pu'n an hriatin a hala, intak a ti ok tak a ni. Kha zoro lai a khan Pastorin inkhôm sika mani sin sa tho sika mani, tute saninhringin om ngâi mahai, "*Reng Jisua chu ki rêng le saninhringtu pomhai vaihin saninhring an ni thei,*" tiin a hril. Khanchu, William Carey chu bokkhipin a chongchaia; "*Rengpa Jisua ki lungrîla zûang lêng inlan, ki sualna hi pai ta roh. Ki Reng le saninhringtu ki pom tak*" tiin chapin a chongchai tak a ni. Kha zoro zel a khan saninhringna chu a chang tak a ni.

3. William Carey in neina:- Kum 1781-ah khan nupang Dorothy Plackett a neia; inriang takin insûngkua an hong inding phut a ni. Kum 1783-ah khan a nainu naitesen chu damloiin a thia; William Carey khom dam loiin thi vangin dam loiin a oma, a natna sikin kum 22 vel a niin a sam khom a chila, a lu a kol zit tak a ni.

4. Carey chu Baptist Pastor a hong chang:- William Carey chu a suak inthar hnungin Anglican Koiindang a suaksana baptist a hong zom tak a ni. Kum 1785-ah khan school a'ndinga, zota siamna dukan khom an hong sa a ni. Kha khua a khan Baptist Koiindangin zoro sôt tak Pastor lei nei ta mahai sikin, Carey chu Koiindang enkôltu hrangin an koi tak a ni. Khan chu Carey hin an koina chu a pom tak a ni. Tarik 1st Aug. 1787-ah khan William Carey chu Moulton Baptist Koiindang Pastor hrangin namindet (*ordained*) tak a ni.

a saten an bei a hong dong tak a ni. Graduate B.A. a hong zoi ten a chu ukhila le Drama irziaktu sin a hong nuama khasikin Adoniram chu New York-ah 'Theater Party' a zom tak a ni.

2. Pathian koina a dong:- Adoniram hi ukhil chang nuam le Officer chang nuama, sin dang dang nuamna hin a hringnun sùn-grila irtharngamna le hlimna nei thei maka. Zoro idôr tena manih a buaia, irtharngamna le lomna roiinpui tak a chang tak a ni. In hnunga chu Adoniram chu Krista chu Reng le saninzôktu a hong pom tak a ni. Kha tena chu Pathian sin thono chu sintho dang inhre ta mah. A thiltum masa chu a hong boi taka atun chu Pathian inlôm-tir vaih hi a thiltum a hong ni tak a ni. Lekha bu tep intama hi tepna lekhabu inkhata hin a ngaituana murdi chu Missionary fe hrangin a lungrîl a om ngit tak a ni.

3. Missionary ta hranga irpêk:- Naipang laia a hla sak chu Jisua chongbâi, "*Rammual pumpuia fe unglân*" (Lk.16:15) ti kha Adoniram lungrila omzia a hong nei tak a ni. A thiltum tak chu ram danga Missionary-ah fe hi a ni. Hi irchanga hin Missionary ni hranga koina le irpêkna a hong ni tak a ni. Missionary a fe manin dongma sa tak arhming Anne Hasseltine a neia; ama khom hi Kristian sa tak a ni. An sangramin Missionary sintho hrangin an lungirrua taka India rama sintho hrangin Pathianin a koiniin an hriat. Tarik 19th Feb. 1812-ah khan an ram America suaksanin an la hmu ngai loi India ram panin irkuangin an suak tak a ni.

Khalai khan India rama irchutirtu tak chu Sapram ata hong East India company (saphai sum bepar pôl) hai khan India rama Missionery lût an phallai tak a nia; Burma ram an pan taka, Burma khopui Rangoon chu kum 1813-ah an tung.

4. Burma rama sin a thona le an dengtheinahi:- Burma ram chu Buddhist sakhua biak an ni. Kristian omloina ram a nia; Judson le a dongman asan an inrenhai taka an sintho chu hiang hin a ni.

a) Burma chong an irchu:- Thurchi Sa hril hrangin Burmese chong chu an sangramin an irchua, an thei inrang ok a ni. Judson'n Burmese chongin Grammar buhai le Gospel Track Saninhringna Thu ziakhai a siam. Hi lekhabuhai hin Krista inhri-atna lampuia mihai a hruai tak a ni. Vangduai takin an nai masa

2) School a'nhong:- mi tam takin irziak le tep an theina a ni. Carey sintho satna zarin mi tam takin Jisua Krista an iam tak a ni. A sinthona iamtu thar masa tak chu Krisna Pal a ni. Tarik 28th December 1800-ah

khan an baptise tak a ni. Kha school ata kha Hinduhai Thurchi Sa an iama Koiindang a hong inding tak a ni.

3) College inding:- Kum 1818-ah Serampore College an ding inhnunga chu Denmark inlal takin B.A. le B.D. Degree certificate pek theina a pek tak a ni. Atûn ten hin Serampore college hi Pathian Thu (*Theology*) irchûna hmunpui a hong ni tak a ni.

4) Inda ram thurchi bu masa tak phuttu a ni:- Thurchi Sa puang indarna le khotâng siam insatna le masonna lama malâkna puangindarna hrangin Carey hin 1818-ah sap chonga Thurchi bu "*Friend of India*; Bangali thurchi bu *Sumachar Darshan*; hai le Hindi thurchi bu *Dig Darshan*; hai a insua a ni. Hi News-hai hi India rama Thurchi bu suak masa tak a ni.

5) Khotâng nun siamsatna lama sintho:- *Sati* inboitirtu a ni. *Sati* hi hindu nam dana chu pasalin a dongma a thi sanin a ruak halna meipua khan a dongma hâl that sa hrang a ni. *Sati* inboi hrangin satakin a beia Khotang siamsatna irveitu Raja Ram Mohon Roy a hong thop sa tak sakin, Governor General William Bentick-ah khan *Sati* inboina thupêk (*order*) dân hi kum 1829-ah khan a siam tak a ni.

6) India mipuihai ta hranga Literature pa a ni:- India rama chong chi dangin 36 reng hi Bible irhletin bâka Carey hin chinese chong khomin irhlet sa a ni. Hindi sakhua lekha bu Ramayana le Samakhya hai hi sap chongin ar hlet sa a ni.

7) Printing press:- Mission Printing press-ah hmangin steam Engine a siam suak. Hi hih India rama steam Engine siam masa tak a ni.

8) Bangali, Sanskrit le Marathi Professor masa tak a ni:- Carey hi Calcutta-ah firth William college-ah Bangali, Sanskrit, le Marathi chonga irchutir hmangin professor a chang. Hi college hi India rama degree ICS (*Indian civil service*)-ah lût tumhai irsiamna

9) **Botanist lian tak a ni:-** William Carey chu a naipang lai reng ata irhuan le chi dang danghai thurchi irchu hi asân a tui ngai a ni. Lekhabu *Flora India* ti book vôl -3 a' rziak chu rammuala mi theihai irhmang intam tak a ni.

10) **Agri.-Horticulture Society of India indingtu a ni:-** William Carey hin India rama bu le chimu an song dân hi a dik zoiloi ti a'nhriat sikin, inlap uala chimu song dân ngaitu hrangin *Agri. Horticultural society of India* hi khom 1830-ah khan a inding a ni. Kum 30 zoia chu English sorkarin Royal Agricultural society a inding sa a ni.

11) **Tunlâi Mission Pa a ni:-** Irtha irhmanghai saninzokna lama Koiindang kaihruaitu a ni. Mihriam nun pumpui lama hranga sinthona a ni sikin, William Carey chu '*Father of Modern nation*' ti in irhming a ihlô a ni.

12) **Chuknohai, phârhai kuanga Thurchi Sa inpuangtu a ni:-** William Carey hong mân hin India rama pharhai hi miin an hmusithaia, an intirhaia; an chihai ngai a ni. Pharhai chu a hring sungin a phum no le anhal thathai ngai a ni. Mei le an hâla hin phâr chu meiin arthiangtira a hong irzir nôk tena chu mi pangaiin an hong irzir nôk ngai ti an iam a ni.

William Carey sinthona zârin India ram Theological Training thona hmun a siama kha hnung le Serampore College inding a nia; kha khah India rama Theological college inding masa tak a ni.

Chângvong:- (Isaia 54:2).

“

Hrilsôp hrang:

1. William Carey hi kho rama mi mani ? Itika suak mani ?
2. William Carey hai kha idora mo India ram an hong tung ?
3. '*Serampore Trio*' hi imo a omzia ?
4. Serampore Mission sinthona zara baptisma

IRCHULAI - 37

ADONIRAM JUDSON (1788-1850)

A thutum: - Pathian koina

Tep hrang (Text): - Mat. 28:18-20; Mk. 16:15

THUMAHRUAI

Adoniram Judson hi Missionary roiinpui tak a nia; a naipang reng ata nu le pa thu zômtu a ni. A naipang rengata inriang le intakna tak tuanga lei lêng ngai a ni. A insûngkua hi Pathian insungkua mi an ni. Pathian sintho hrangin irpêk zoi mi an nia; Krista sika tuangin mani suakna ram Amarica maksanin, Burma rama takirtâi takin sin a thoa kum 1850-ah khan hi hnuai rama intaknahai mâksanin Rengpa kuang a hringna a irngam tak a ni. Rengpa ta hrangin Missionary sin tho nuam ei om mo ? Nu le pahai le irhlannin laia hin an om moh?

1. **A naipang lai thurchi:-** Adoniram Judson hi Malden Massachusetts khua tarik 09th August 1788 ni khan a suak. A pa chu Pastor a nia; a nu chu sakhua mi tak a ni. A nu le pan Pathian Thuhai irchutirin chongchainahai an irchutir ngai a ni. Adoniram Judson hi kum thuma ulian a ni rengata lekha hi a'rchu phuta, sun khata Bible bung khat a tep ngaia; a pa'n an hriatin a'rkhêl tak tak a ti ngai. Kum minli (*4 years*) a niin a rual naipang rualhai le hla an sak irchu "*Fenlân Thurchi Sa hril roh. Rengpan a ti*" ti hi a ni. A pa hin school sa taka lekha archutira lekha a thei thei tak a ni.

Adoniram Judson hi kum 12 mi a ni laiin Grik chong khom a theia, mihaiin arkhêl an ti tak tak ngai Latin chong khom a thei. Kum 10 a hong phâkin chu Mathematic theia hin irhming an thanga, a naipang laia ta hi a nu le pahaiin a hringnun pumpui hi Pathian sinthonân irpek ri se an tia; an chongchai pe ngai a ni. An naipa khom khan kha khah irhngil thei ngai maka; khannisianlan, Officer lian chang hrang khan arzuk tak taka; kha Officer chang hrangin asate rengin lekha archu ngai a ni.

Adoniram Judson kha kum 16-ah hong niin chu Brown university-ah a hong lûta kum 19-ah hong niin Graduate a hong passed-ah universitya

3. Sadhu Sundar Singh sin a thona thu:- Sundar Singh hi naipang

Missionary ni siankhom a Rengpa saninzokna Krista sika phingchâmnahai, a dâi tuangnahai inkhurnahai, jail ina intangnahai, le dengitheina dang dang a hong tuang ngai a ni.

Krista Thurchi Sa hril hrangin a bing vaiin tangram le phai ramhai India ram Nepal le Tibet ramhai arfang suaka; dengtheina tam tak a tok. Voi khat chu a riakna khan kamkei le hmun khatin an riak sapa, mirul khom a puansil blanket hnuuaia a oma; hmun khatin an riak sap ngai. Thurchi Sa sika a kehai khom thisen a suakpe ngai a ni. Khasikin tirko ke thisen suakpa (*Apostle of the bleeding foot*) an ti hen a ni.

Sundar Singh hin mi inhnê theina nasan tak chu dengtheina le intaknahai a tuangdiarna tak hi a ni. Khan 1909-ah khan Pathian Thu (*Theology*) irchu hrangin St. Johns Divinity College Lahore-ah Pathian Thu hrilna hrangin Arglican Koiindang ata Licence a donga thuhiril a fe tak a ni.

a) Tibet rama inzinna:- Sundar Singh lungrîla irvei tak chu Krista Thurchi Sa lan hriatnotuhai kuanga Krista thu inhriattir hi a ni. Tibet ram arveia an sakhua tak chu Buddhism a ni sikin, Jisua Krista thurchi lan hriat loi an ni. Khasikin; Tibet rama hin voi tam tak arfang suaka dengtheina tam tak khom a tonga, ama zârin Irtha tianga tui inhral tam tak saninhringna an dong phâk tâk a ni.

b) Nepal rama sinthona:- Nepal rama Pathian Thu hril hi khap a nia; khannisian kha ram a khan Thurchi Sa a hril tak a ni. Thurchi Sa a hrila an chela Jail ina an khum tak a ni. A kut le kehai chu thirhrui an inbuntira, dengitheitirtuhai ta hrangin a chongchai pêkhai ngai a ni. Tuangna irkhêl tak khom Sundar Singh ki saninzoktu ta hrangin ki tuang hin a sate rengin ki lôm tiin a hril. Krista sika lômna irthup a inei chu- "*Intak tuangin sôl khomin lân, ki irtha irngamna le ki sabeina le a nin hrattu Rengpa Jisua Kross a ni,*" tiin a hril.

c) Hmun dang dang a'rfang:- Sundar Singh hi Burma Mandalya, Singapore, Japan ramhai arfang vel sa a ni. Kha khêla ram dang tam tak khom a'n zoia saa, fena tina hin a hmelsa le a

b) Thurchi Sa sika Jaila an intâng:- Adoniram Judsonhai sangram

chu Burma an lût lai khan Britist-hai le Barmahai irdoi an ni sikin ram dang mi phal mahai; Judson chu sipaihaiin an chela tha somhni (*20 months*) Jail ina an khum taka, thir hrui le an kehai an khita Judson chu Jial ina a om sângin a lekha buhai insiatpai nihai mo ti hi a chardongna a ni. Khasikin a dongma hin Thuthung Thar irhlet saihai murdi chu lukhama siamin Jail ina khan a pasal lukham hrangin a hong chôia, a pasalin a lom tak tak tak a ni.

c) Intakna dang a tok :-Judson chu Jail ina a om sungin a dongma Anni chu nainupangte a neia, Jail ina om mai a pasal irhmu hrangin a naite chu Anne khan a hong puaka; arhmutir tak a ni. Tha somhni hnunga Jail ina irthokin a suak hnungin an sangramin an sin an tho suizom zel a ni. Khannisian, idôr sôt loiin a dongma Anne le an nainu Maria hai nufa chu an inkâr zoro om ok loiin an thi taka, Judson chu ama vaiin beidong takin a om tak a ni. Kum 1834-ah khan America ram ata Missionary sari Boardmani (meithai) chu a hong, Judson leh an irneia, nai inhni nei. America rama an fe khan a dongma chu a thi nôka, Burma rama a hong noka Kristian dongmate fel tak a nei nôk tak a ni.

d) Judson zoro hek lam tiang:- Kum 32 vel Missionary sin iamom takin a thoa; Krista ta hranga intakna le dengtheinahai tuangin a sin ngai a ni. Burma chonga *Dictionary* a siam zoiin hriselloina a hong neia, kum 1849 November tha khan a sate'n dam loiin a oma kum nôka 1850-ah an zinna khan tuipua irkuanga a thi tak a ni. Adoniram Judson irpêk zoina zarin mi tam tak saninhringna an chang tak a ni. Holy Bible a'rhlet zita, mi 100 nêka ta a baptised sa a ni. Judson chu a thi hnung khom hin ama irhming a la isuak mai a ni.

Changyong:- (Tir. 14:22)

"Intakna tamtak tuangin Pathian Ram ei ilût hrang a ni," tiin iamtuhai lungrîl an indettira, iamna kha chel khak hrangin an thorhaia.

Hrlsôp hrang:

1. Adoniram Judson hi kho rama mi mani, le kho hmuna mo Missionary sin a itho ?
2. Burma chongin ilekha bu mo a siam ?
3. Krista sika intakna dengtheina a itonghai kha ieh mani sâm roh.
4. I kuma mo Burma ram khopui an tung ?
5. A dongma masa tak irhming imani ?

IRCHULAI - 38

INDIAN MISSIONERY SUNDAR SINGH

(1889 - 1929)

A thutum: - *Krista lungthungna ata chu tute'n sen thei ngai mah.*

Tep hrang (Text): - *(I Kor. 13:1-7; 14:1; Rom. 8:31-35)*

THUMAHRUAI

Sundar Singh irhming hi 'Sadhu Sundar singh' tia ei lei inhriat inlâr ual tak ngai a ni. Ama hi Indian Missionary a nia; Krista Thurchi Sa sika irpêk zoi mi a ni. Thurchi Sa ringota Sundar Singh hi irvâk mi a nia; Sundar Singh-in ki saninzôktu irkhêl tak Jisua Krista sikin ki lôm tak tak a ni tiin a hril. Miin ithomo ki thisen suakin hi tânghai hin ni inzin na ? tiin an irdona, Sundar Singh-in, "*Kalvari Kross-ah a kea thisen suak Jisua kha mihai inhmudir ki itum a ni,*" a ti Sundar Singh sintho chu Mission thu hrilna (*Mission & Evangelism*) a ni.

1. A insûngkua le a naipanglai hun:- Sundar Singh hi 03rd September. 1889 ni khan Panjab rama Rampur khua irzir a ni. A nu le pahai chu Sikh sakhua (Sikkim) biak mi an nia; a nu len vang chu sakhua mi tak a ni. Sundar Singh hi Sikh insûngkua irchong (*a wealthy Sikh home*) ata hong suak a ni. A nu hin sakhua tianga kaihruaina hin nitin sintho mân hin chongchaina a inneitir ngai a ni. Hindu sakhua lekhabu archutir ngaia kum sari (*7 years*) a hong ni khan Gita (Hindu sakhubu) hi a hong mokôt (*memorized*) thei tak a ni.

2. Jisua Krista irtokpuina le koina:- Sundar Singh hi kum 14-ah hong ni lain a nûn a thi sana, kha rengata chu lungrîl danglamna a hong nei tak a ni. An khua Mission school-ah lekha a'rchua school-ah Bible irchu (*subject*) lâk hrangin a hong nia, nuam ta loiin a om. Thuthung Thar bu chu a kai seta, kha school-ah Kristianhai doitu pôlhai kara hruaitu bîk a hong chang tak a ni. Thuthung Thar bu meia a hâlpai sa a ni. A nuam ta no sikin Mission school mâksana Govt. School-ah a lût tak a ni. SundarSingh chu a lungrîla irtharngamna nei ta maka; a pa kuanga hin mania

saninzôkna lampui ni hong hril roh,' tiin a chongchâi. Khanchu irning loi zelin a omna hmun a khan vâa a hong oma; kha vâa a khan Jisua Krista a ihmusit tak tak kha a hringin a hmu tak a ni. A kut le a ke hemdena sabehai kha Sundar Singh chu Jisuan an entira hi ang hin "*Itho mo keima hi deng ni nih intheitir ? ki hringna hi nangma ta hrangin Kross-ah ki ipêk hi inhre mai roh*" tiin a hril. Khanchu Sundar Singh chu lômna le irtha'rngamna'n a hong sipa, a nun a hong danglama, Irtha tuinhralna chu a hong boipe tak a ni.

a) Kristian a changna:- Jisua Krista le an irtok zoia chu a pa kuang inrang takin a fea; "*Kristian ki ni! Krista ki hmu ta.*" tiin a hril. Khanchu a insûngkua le a panamhai chu a saterengin an buai tak a ni. A pa'n Sikh sakhua chu mâksan loi hram hrangin an thêma, an insûngkua inzakna hrang a ni sikin, a pate mi irchong takin Sundar Singh chu a ina a hruaia; a ina sum-puan le rang-kachakhai chu an entira, a lungrîl a la thûl photin chu irchonhai kha pêk zit hrangin a hril pêk a ni. A nia chu Krista a lungthung ual sikin itinrengin a idan theiloi a ni.

b) Kristian a ni sika in ata inhnotsuakna le a tuangnahai:-

Krista sika tuangna tong a ni. Sundar Singh hi in ata inhnotsuakin a oma; bu le tui boiin a inomtira; inhnung a chu a kôikhir nôka; a nia chu bu chu tuala an pêka sialohai loa an inriaktir tak a ni. Krista sika an nam ata nam pentiang-ah be a nia; a inpentiang bu a nêk ngaia; siahlohahi kuang a riak ngai a ni. A tôp taka tûr an infâktira, pên tiang thi hrangin an sia rak tak a ni. Thingkung hnuai a dâi khopin a oma, a saten dam loiin a om tak a ni. Thi vang vangin a omlai takin Rengpa'n Kristianhai omna hmun Rupa khua a riaka; khanchu, a hong damsuk tak a ni. Ludhiana hmuna Kristian boys Bording school-ah a fea Missionary-hai leh an oma; Bible a'rchu tak a ni.

Kum 16 mi a ni hin St. Thomas Koiindang Simla hmuna Baptisma a changa kha zoia chu irpêk hletna Krista sintho hrangin Kristian Sadhu a hong irti tak a ni. Khan chu Sadhu irvôna songkol irfual a'rngâka, Bible chôiin kekok (*zota*) irbun loiin, ke ring ringota fein Thurchi Sa sika a'rvâk tak a ni. A thupêk tak chu Keima chu Rengpa Jisua Krista Kross vaih no chu song hrang dang

4. Sundar Singh:- Tarik 18th April 1929 ni khan Sundar Singha hin a rual inkhat kuang, *“A vuan sîn hin Tibet panin ki ife hrang a nia; a lampui intak zia le ichiomzia khom kin hriata; ani a chu ki sin chu ki thei dôr ki tho hrang a ni,”* tiin lekha a thon. Tibet rama a fe rengata Sundar Singh chu hong kîr nôk ta ma, kha rengata chu a thurchi inhriat le hril thei tukhom om ta mah. Tibet rama Martar-ah a thi niin iam a om.

Changyong:- Gal. 6:14

“Kei chu Rengpa Jisua Kros vaih no chu song hrang dang reng nei ma ung, kha Krosa khan Ramual hi ki ta hrangin hambe a nia; kei khom rammual ta hrang hembe ki ni.”

Hrilsôp hrang:

1. Sadhu Sundar Singh hi isakhua mo a lei ni ?
2. Kristian a hong changa khan a insûngkua ata intakna a tuangnahai sam roh.
3. Kho ramhaia mo Missionry sin a itho ?



CHONGBAI LAMTOIHAI
(ABBREVIATION)

- A. D. = *anno Domini*, in the year of the Lord; of the Christian Era.
- B. C. = Before Christ, (*Krista irzir mân*).
- ca = *circa*, about, around (vêl).
 For. e.g. 50 *ca*.
- ch = *châng* (*verse*)
- cf. = *confer*, compare (en ir-ang, enirkhi)
- e. g. = *exempli gratia*, for example (entirna)
- f = *following* (a'rzompui). Entirna - Rom. 4:5f.
- ff = *followings* (a'rzompui tam ual). Entirna - Rom. 4:5ff.
- Gk. = Grik
- Heb. = Hebrai
- NIV = New International Version
- p = page, (phêk)
- pp = pages, (phêk tam ual)
- RSV = Revised Standard Version
- RV = Recovery Version
- TEV = Today's English Version.

**TANGRAM SUNDAY SCHOOL UNION
(TSSU)**



**SENIOR IRCHULAI
BU HNINA**

Ziaktu:
Rev. Sumchonlal Hrangkhoh, B.D., M. Th.

**PUBLISHED BY: LITERATURE & PUBLICATION BOARD,
TANGRAM PRESBYTERY**